

O LE EKALEΣΙΑ A IESU KERISO O LE AU PAIA O ASO E GATA AI • OKETOPA 2015

Oketopā Liahona



**Tala o le Faavaa:
Oka se Mamana o le
Iloaina o le Fuafuaga! i. 32**

**O Maa Talifaaaliga, Iosefa Samita,
ma le Tusi a Mamona, i. 10**

**Ia Manuia le 100 Tausaga:
Afiafi Faaleaiga i le salafa
o le Lalolagi, i. 26**


**Toe Faaupuina o le Luitau
o Ponokalafi i. 50**



"Ua fetalai atu e ia le tasi faataoto ia te i latou; E tusa le malo o le lagi ma le mea faafefete, na ave e le fafine, ma tuu i totonu o le falaoa e tolu tumu, ua oo ina faafefeteina uma ai."

Mataio 13:33

O Le Liahona, Oketopa 2015



O SAVALI

- 4** **Savali a le Au Peresitene Sili: Faauma ma Lau Sulu o Loo Mumu Pea**
Saunia e Peresitene Dieter F. Uchtdorf
- 7** **Savali a Faiaoga Asiasi: O Uiga Paia o Iesu Keriso—Faatumulia i le Alofa Mama ma le Alofa**

TALA FAAALIA

- 10** **O Iosefa le Tagatavaai**
Saunia e Richard E. Turley Jr., Robin S. Jensen, ma Mark Ashurst-McGee
Na mafai faapefea e le Perofeta o Iosefa Samita ona faataumuu lona valaauga o se tagatavaai, ma faaliliuina le Tusi a Mamona?

- 18** **O Upu e Suia lo Tatou Lalolagi**
Saunia e Norman C. Hill
O taumafaiga mo le tusitisi ma le faitautusi a se aufono a le itu i Kana na taitai atu ai i se faamanuiga e le mafuatiaina mo nisi o le Au Paia.

- 22** **Aoaoina o le Autalavou pe Faapefea ona Taitai i le Ala a le Faaola**
Saunia e Carol S. McConkie
O le autalavou o taitai o le lumani o le Eklesia, ae e mafai ona latou maua ni aafiaga faaletaitai i le taimi nei.

- 26** **Faamanatuima o Afiafi Faaleaiga**
Tagai i auala e auai ai tagata i le lalolagi atoa i lenei gaoioiga taua e faamalolosia ai aiga.

32 O Le Fuafuaga o le Faaolataga: O Se Oa Paia o le Malamalamā e Taialaina i Tatou

Saunia e Elder Robert D. Hales
O le lagolagoina o le fuafuaga a lo tatou Tama o la tatou ki i le manuia i le muai olaga, ma o le ki foi lava lea i lo tatou manuia i lenei olaga.

MATAGALUEGA

- 8** **Auaunaga i le Eklesia: Pe Sa Lava Mea na Ou Faia?**
Saunia e Brooke Barton


- 9** **Ataata: Maukeni po o Meleni?**
Saunia e Rachel Cox

- 40** **O Leo o le Au Paia o Aso e Gata Ai**

- 80** **Seia Tatou Toe Feiloai: O Le Ala I le Saogalemu**
Saunia e Peresitene Henry B. Eyring

I LE FAAVAA

Luma: Ata na tusia e Cody Bell. I totonu o le faavaa pito i luma: Ata na pueina e © StockFood/Talbott, Barbara. I totonu o le faavaa i tua: Ata na Pueina e Tiffany Myloan Tong.



44

- 44 Ola ma le Manatu Moni I Ai**
Saunia e Randall L. Ridd
O le iloiloina o le “aisea” o au filifiliiga o le a fesoasoani e te ola ai i se olaga e sili atu ona fuafua-in a lelei ma i ai se taulaiga.

- 48 Faatuatua, Auauna Atu ma se Papa Falaoa**
Saunia e Nissanka (Nissh)
Muthu Mudalige
Sa ou fia alu e aoao atu ma faifeautalai; ou te le iloa pe faapefea ona mafai ona ou gafatia ina ia oo i ai.



- 50 Faamaloloina mai le Mailei o Ponokalafi**
Saunia e Elder Dallin H. Oaks
O mataupu faavae e lima e fesoasoani ia te oe e tali sao atu ai i le ala o faasalalauga i anotusi o feusuaga.

- 56 I le Nofoaga Sao i le Taimi Sao**
O nisi taimi e te iloa lava ua tuuina oe e le Alii—po o isi—i le mea ua e i ai mo se mafuaaga.

- 58 Pepa Lautele o I Ai se Savali: O Lau Tusi o le Ola**

- 59 O Lea Mataupu ma Lea Mataupu: Kenese 1:26–27**


- 60 O Lau Sailiga mo le Upumoni**
Saunia e Peng Hua
I le tuputupu ae, sa aoaoina a‘u e le‘o i ai se Atua, ae e tatau ona ou iloa mo a‘u lava.

- 62 O Alii ma Tamaitai Talavou Ofoofogia i Tusitusiga Paia**
Saunia e Gisela Guthier

E pei lava o outou, sa feagai le autalavou i tusitusiga paia ma huitau ma faaososoga. O a mea e mafai ona e aoaoina mai i a latou faataitaiga o le faatuatua ma le lototoa?

- 64 Fesili ma Tali**

E faapefea ona mafai ona ou faatupuina le filemu ona o lo‘u tina ua vaivai—e tusa lava pe na matou anapopogi ma tatalo mo ia ina ia ola?



72

- 66 O Se Filifiliga Manumalo**

Na iu lava ina maua le avanoa e taalo ai Miranda i se au manumalo. Ae pe mafai ona ia taalo i Aso Sa?

- 68 Tulimanu o Fesili**

O le a se mea e sili atu ona e fiafia i ai i le avea ai ma tagata o le Ekalesia?

- 69 O La Tatou Itulau**

- 70 Taimi o Tusitusiga Paia: Peteru, Konelio, ma le Agelu**
Saunia e Erin Sanderson

- 72 Mauaina o le Fesoasoani**

Na vaaia e Tate se mea e le tatau ona ia vaai i ai, ae sa fefe e ta‘u atu i ona matua.

- 74 Auoi Leai! O Le a Nei La?**

O le a se mea e tatau ona e faia pe a e vaai i se mea e te iloa e leaga?

- 75 O Maukeni a Paulo**

Sa le‘i manatu Paulo o le a lava lona matua e alu ai i se misiona e pei o lona uso.

- 79 Musika: E Tasi i le Miliona**

Saunia e Jan Pinborough ma Michael F. Moody

OKETOPA 2015 VOL. 39 NU. 10
O LE LIAHONA 12570 890

O Le Lomiga Faamaonia Faa-Samoa a le Ekalesia
a Iesu Keriso o le Aua Paia o Aso e Gata Ai
Susuga a le Au Peresitene Sili: Thomas S. Monson,
Henry B. Eyring, Dieter F. Uchtdorf
O Le Korama a Apostolo e Toasefululuua:
Russell M. Nelson, Dallin H. Oaks, M. Russell Ballard,
Richard G. Scott, Robert D. Hales, Jeffrey R. Holland, David
A. Bednar, Quentin L. Cook, D. Todd Christofferson, Neil
L. Andersen

Faatonu: Joseph W. Sitati
Fautaua: Randall K. Bennett, Craig A. Cardon,
Christoffel Golden, Larry R. Lawrence, James B. Martino
Pule Faatonusili: David T. Warner
Faatonusili o le Lagolago mo Aiga ma
Tagata o le Ekalesia: Vincent A. Vaughn
Faatonusili o Mekasini a le Ekalesia: Allan R. Loyborg
Pule o Mea Tau Pisini: Garff Cannon

Pule Faatonutonu: R. Val Johnson
Pule Faatonutonu Lagolago: Ryan Carr
Lagolago o Lomiga: Megan VerHoef
Au Tusitusi ma Faatonutonu: Brittany Beattie, David
Dickson, David A. Edwards, Matthew D. Flitton, Lori
Fuller, Garrett H. Garff, LaRene Porter Gaunt, Jill Hacking,
Charlotte Larcabal, Mindy Anne Leavitt, Michael R. Morris,
Sally Johnson Odekirk, Joshua J. Perkey, Jan Pinborough,
Richard M. Romney, Paul VanDenBerghe, Marissa Widdison

Pule Faatonusili Tusiata: J. Scott Knudsen
Faatonusili Tusiata: Tadd R. Peterson
Au Mamanu: Jeanette Andrews, Fay P. Andrus,
Mandie M. Bentley, C. Kimball Bott, Tom Child, Nate
Gines, Colleen Hinckley, Eric P. Johnsen, Susan Lofgren,
Scott M. Mooy, Mark W. Robison, Brad Teare, K. Nicole
Walkenhorst
Faatonu o le Puletaofia ma Fatufatuga:
Collette Nebeker Aune
Pule i le Gaosiga: Jane Ann Peters
Au Gaosi: Connie Bowthorpe Bridge, Julie Burdett,
Katie Duncan, Bryan W. Gygi, Denise Kirby, Ginny J.
Nilson, Gayle Tate Rafferty
Tailolomi: Jeff L. Martin

Faatonusili Lolumiga: Craig K. Sedgwick
Faatonusili o le Tufatufaga: Stephen R. Christiansen
Mo le okaina o mekasini, alu i le store.lds.org po o le
Faletusi Tutotonu i Pesega. Telefoni 64127. Totogi o le
Mekasini: \$0.55 (Samoa) i le kopu. Totogi mo le Tausaga
Atoa \$6.60 (Samoa).

Auina atu tusitusiga ma faafesili i luga o le initoneti i le liahona.lids.org: pe meli mai i le *Liahona*, Rm.
2420, 50 E. North Temple, Salt Lake City, UT 84150-0024,
USA; po o le i-meli: liahona@ldschurch.org.

O Le Liahona (o lona uiga i le Tusi a Mamona o le
"tapasa" po o se "faatonuala") e lomia i le faa-Alepania,
Aminia (Sasae), Pisilama, Palekeria, Kemupotia, Sepuanu,
Saina, Kalotia, Siekisolvakia, Tenimaka, Take, Igilisi,
Eritonia, Fiti, Finelani, Farani, Sihamani, Eleni, Hanikeri,
Initu, Iselani, Indonesia, Italia, Japani, Kiripati, Korea,
Latvia, Litunia, Malakasa, Maselala, Monokolita, Nouei,
Polani, Potukale, Romania, Rusia, Samoa, Saina
(ua faafagofineira), Silovenia, Sipaniro, Suetena,
Swahili, Tagaloka, Tahiti, Tai, Toga, Iukureini, Urutu,
ma Viatename. (E eseese lava gagana.)

© 2015 Puletaofia e le Intellectual Reserve, Inc. Ua taofia
aia tatua uma. Lomia i le lunaite Setete o Ama.


E mafai ona kopu tala ma ata o le *Liahona* mo le toe
faaoagaina i lotu po o le aiga e ia le faia ai ni pisinisi. E
le tatua ona kopu n i talu po o ni ata po afai o faasa mai i
le laina o loo taua ai le e ona lea faatufatugaga. Auina atu
fesili e uiga i le puletaofia i le Intellectual Property Office,
50 East North Temple Street, Salt Lake City, UT 84150,
USA; i-meli: cor-intellectualproperty@ldschurch.org.

For Readers in the United States and Canada:
October 2015 Vol. 39 No. 10. O LE LIAHONA (USPS 311)
Samoan (ISSN 1045-0947) is published monthly by The
Church of Jesus Christ of Latter-day Saints, 50 East North
Temple, Salt Lake City, UT 84150. USA subscription price
is \$10.00 per year; Canada, \$12.00 plus applicable taxes.
Periodicals Postage Paid at Salt Lake City, Utah. Sixty days'
notice required for change of address. Include address
label from a recent issue; old and new address must be
included. Send USA and Canadian subscriptions to Salt
Lake Distribution Center at address below. Subscription
help line: 1-800-537-5971. Credit card orders (Visa,
MasterCard, American Express) may be taken by phone.
(Canada Poste Information: Publication Agreement
#40017431)

POSTMASTER: Send all UAA to CFS (see DMM 707.4.12.5).
NONPOSTAL AND MILITARY FACILITIES: Send address
changes to Distribution Services, Church Magazines,
P.O. Box 26368, Salt Lake City, UT 84126-0368, USA.

Manatu mo Afiafi Faaleaiga

*O lenei lomiga o loo aofia ai tusiga ma gaoioiga e mafai ona faaaoga
mo afiafi faaleaiga. O ni faataitaiga nei se lua.*



"Faamanatuina o le Aiga Afiafi faaleaiga," itulau e 26: Pe e te lei misia lava se
vaiaso po o lau taumafaiga muamua lenei,
mafaufau e fai se afiafi faaleaiga faapi-
toa e faamamaluina ai afiafi faaleaiga! E
mafai ona e fatauina le tusiga e iloa ai pe
faapefea ona fafia aiga i le lalolagi atoa i
le faaaluina o taimi e faatasi ma le isi a o
aoaoina le talalelei. Mafaufau e talanoaina
pe o le a faapefea ona ausia lau sini o le
faia o afiafi faaleaiga. E faapefea ona mafai
ona e suia ina ia faamasani ai manaoga o
lou aiga? Atonu e te toe tautino atu o se
aiga e faia lenei tu ma aga masani o le 100
tausaga o se mea e faamuamua i lou lava
aiga, e tusa lava po o le a lou tulaga.

"Mauaina o le Fesoasoani," itulau e 72:
Mafaufau e fatau le tusiga faatasi o se
aiga, ona talanoaina lea o fesili nei: (1) o
a ituaiga o ata po o ala o faasalalauga e
mafai e fanau ona vaai i ai? (2) O le fea
o na mea o le a lelei mo i tatou e vaai pe
taulai atu i ai? (3) O le a le mea o le a faia
e tagata taitoatas i se tulaga o le a latou
vaai pe faalogo ai i se mea latou te iloa e le
talafeagai? la talanoaina tulaga nei mai le
"O! e Leai! O le a Nei La?" i le itulau 74 pe
afai e te manaomia le fesoasoani i manatu
(alu ese mai ai, talanoa i matua, o le faia o
auaunaga, ma isi.).

I LAU GAGANA

O loo maua le *Liahona* ma isi anomea o le Ekalesia i le tele o gagana i le
languages.lds.org. Asiasi i le [Facebook.com/liahona.magazine](https://www.facebook.com/liahona.magazine) e sue ai manatu
mo afiafi faaleaiga, fesoasoani, mo lesona o le Aso Sa, ma tusiga e mafai ona e faasoa
atu i uo ma aiga (o loo maua i le faaPeretania, faaPotukale, ma le faaSipaniolo).

AUTU I LENEI LOMIGA

E ta'u mai e numera le itulau muamua o le tusiga.

Afiafi faaleaiga, 26	Feagaiga Fou, 70	Musumusuga, 40, 41, 42, 56
Agaalofo, 50	Feagaiga Tuai, 59	Perofeta, 10, 80
Ala o faasalalauga, 50, 72, 74	Filiā, 4	Ponokalafi, 50, 72
Alofa Mama, 7	Fuafuaga o le faaolataga, 32	Tagata o le Ekalesia, 68
Aso Sapati, 66	Galuega faafaifeatalai, 44, 48, 60, 70	Taitaiga, 22
Auauna atu, 8, 56	Iesu Keriso, 7	Talafaasolopito o le Ekalesia, 10
Aufono, 18	Iosefa Samita, 10	Tatalo, 43, 64, 72
Autalavou, 22, 62	Liua, 60	Tusi a Mamona, 10, 44
Faaaliga, 80	Maliu, 64	Tusitusiga Paia, 18, 59, 62
Faaipoipoga, 32	Malumalu, 69	Tusitusi ma Faitautusi, 18
Faaiuga, 9, 44, 58, 66	Mea e faamuamua, 9	Valaauga o le Ekalesia, 8
Faitalia, 32		



**Saunia e
Peresitene
Dieter F. Uchtdorf**

Fesoasoani Lua i le Au
Peresitene Sili

Faauma

MA LAU SULU O LOO MUMU PEA



TELENI ANAMUA, O TAGATA TAMOMOE NA TAUVA I SE MOLIGAFUA E TAU A O LE *lampadedromia*.¹ I LE TUUGA, E UU E TAGATA TAMOMOE SE SULU I O LATOU LIMA MA PASI ATU I LE TAGATA TAMOE NA SOSOO AI SEIA OO INA KOLOSI E LE TAGATA MULIMULI O LE AU LE LAINA O LE TINI.

O LE TAU E LE TAUAAOINA ATU I LE AU NA SILI ONA TELEVAVE LE TAMOE—NA TAUAAOINA ATU I LE VAEGA MUAMUA E OO ATU I LE LAINA O LE TINI AE O LOO MUMU PEA LE SULU.

O LOO I AI SE LESONA MAOAE IIENEI, LEA NA AOAO MAI E PEROFETA ANAMUA MA ASO NEI: E UI E TAU A LE AMATA I LE TUUGA, E SILI ATU ONA TAU A LE FAUAMA MA LE SULU O LOO MUMU PEA.

O SOLOMONA NA AMATA O MALOSI

O LE TUPU MAOAE O SOLOMONA O SE FAATAITAIGA O SE TAGATA NA AMATA O MALOSI. A O TALAVOU, SA IA “ALOFA IA IEHOVA, NA SAVALI FOI O IA I POLOAIGA A LONA TAMA O TAVITA” (1 TUPU 3:3). SA FAFIA LE ATUA IA TE IA MA FETALAI MAI, “PE SEA SE MEA OU TE AVATUA IA TE OE” (1 TUPU 3:5).

NAI LO LE MANAO ATU MO OA PO O SE OLAGA UMI, NA OLE ATU SOLOMONA MO “SE LOTO MATALA INA IA FAAMASINO E IA I LOU NUU, MA IA MASINO AI I LE LELEI MA LE LEAGA” (1 TUPU 3:9).

O LENEI MEA NA FAFIA TELE AI LE ALII MA NA IA FAAMANUIA-INA SOLOMONA E LE GATA I LE POTO AE FAAPEA FOI I LE TAMAOAIGA E LE MAFUATIAINA MA SE OLAGA UMI.

E UI O LE MEA MONI LAVA NA MATUAI POTO LAVA SOLOMONA MA SA FAIA LE TELE O MEA MAOAE, AE SA LE‘I FAUAMAINA I LE MALOSI. O LE MEA E FAANOANOAI AI, MULIMULI ANE I LONA OLAGA, “UA AMIOLEAGA SOLOMONA I LUMA O IEHOVA, UA LE MATUA MULIMULI ATU O IA IA IEHOVA” (1 TUPU 11:6).

FAUAMAINA O LA TATOU LAVA TUUGA

PE FAAFIA ONA TATOU AMATAINA SE MEA AE LE FAUAMAINA? FUAFUA MEAAI? POLOKALAMA FAAMALOSITINO? O TAUTINOGA E FAITAUNA TUSI-TUSIGA PAIA I ASO TAITASI? O FAAIUGA E AVEA MA SOO E SILI ATU ONA LELEI O IESU KERISO?

E FAAFIA ONA TATOU FAIA FILIFILIGA IA IANUARI MA TULILOA I LATOU MA LE NAUNAUTAI UA AASA LE MUMU MO NI NAI ASO, O NI NAI VAIASO, PO O NI NAI MASINA AE TEI ANE IA OKETOPA, O LE MU SAESAE O LA TATOU TAUTINOGA UA SILI LAITIITI ATU LAVA I LO LE LEFULEFU MALULU?


I SE TASI ASO SA OU VAAI AI I SE ATA MALIE O SE TAIFAU O TAOTOTO I AUTAFIA O SE FASI PEPA SA IA SAESAE NINIINA. SA FAITAUNA FAAPEA, “TUSI FAAMAONIA O LE AOAOINA O TAIFAU USIUSITAI.”

TATOU TE FAAPENA I NISI TAIMI.

UA IA I TATOU NI FAAMOEMOEGA LELEI; TATOU TE AMATA MALOSI; TATOU TE MANANAEO E AVEA MANI TAGATA E SILI ONA LELEI. AE I LE IUGA, TATOU TE TUUA AI A TATOU FILIFILIGA UA SAESAE NINIINA, UA LAFOAIA, MA UA FAAGALOINA.

O LE NATURA O LE TAGATA O LE TAUTEVATEVA, TOILALO, MA O NISI TAIMI E MANAO E ALUESE MAI LE TUUGA. AE I LE AVEA AI MA NI SOO O IESU KERISO, UA TATOU TAUTINO ATU E LE GATA INA AMATA LE TUUGA, AE IA FAAPEA FOI ONA FAUAMA—MA FAUAMA AO MUMU SAESAE PEA LO TATOU SULU. NA FOLAFOLA ATU E LE FAOAOLA I ONA SOO, “O LE TUMAU SEIA OO I LE GATAAGA, E FAAOALAINA LEA” (MATAIO 24:13).

SEI OU TOE FAAPUINA LE MEA NA FOLAFOLA MAI E LE FAOAOLA I O TATOU ASO: AFAI TATOU TE TAUSIA ANA POLOAIGA MA FAUAMA MA LA TATOU SULU O LOO MUMU PEA, O LE A TATOU MAUA LE OLA



e faavavau, o le meaalofa sili o meaalofa uma a le Atua (tagai i le MF&F 14:7; tagai foi i le 2 Nifae 31:20).

O le Malamalama e le Mate Lava

O nisi taimi pe a mavae ona tautevateva, toilalo, po o le fiu foi, tatou te lotovaivai ma talitonu o lo tatou malamalama ua mate ma o la tatou tuuga ua leai se mea. Ae ou te molimau atu o le Malamalama o Keriso e le mafai ona matineia. E susulu i le po aupito sili ona pogisa ma o le a toe faamalamalamaina ai o tatou loto pe afai na ona tatou liliu atu o tatou loto ia te Ia (tagai i le 1 Tupu 8:58).

Tusa lava pe fia taimi po o le a le mamao tatou te pauu ai, o le Malamalama o Keriso e mumu saesae pea. E oo lava i le tuneva o le po, pe afai tau lava o lo tatou laa atu ia te ia, o Lona malamalama o le a faaumaria ai le ata lafoia ma toe faolaina o tatou agaga.

O lenei tuuga o le avea ma soo e le o se tuuga momoe; o se malafoni. Ma e faia ai sina eseesege laitiiti pe o le a le sao-asaoa tatou te o ai. O le mea moni, pau lava le ala e mafai ona tatou faiaina ai i le tuuga o le iu lea ina fiu ma faamaamulu.

Pe a tatou faaauau pea ona tulai i luga ma agai atu i lo tatou Faaola, tatou te manumalo ai i le tuuga ma a tatou

sulu o loo mumu saesae.

Aua o le sulu e le o i tatou, po o mea tatou te faia.

Ae o le Faaola o le lalolagi.

Ma o se Malamalama lena e le mafai ona faaititia. O se Malamalama e faaumariaina le pogisa, faamalolina o tatou manua ma mumu saesae e oo lava i le lotolotoi o le faanoanoaga ogaoga ma le pogisa e le mafuatiaina.

O se Malamalama e sili mamao atu i malamalamaaga uma.

Tau ina ia tatou faauma taitoatasi le ala na tatou amataina. Ma faatasai ai ma le fesoasoani a lo tatou Faaola ma le Togiola, o Jesu Keriso, o le a tatou faaumaina ma le fiafia ma a tatou sulu o loo mumu pea. ■

FAAMATALAGA

1. *Harpers Dictionary of Classical Antiquities* (1898), “*Lampadedromia*,” www.perseus.tufts.edu/hopper. O tagata Eleni o Pausania o loo faamataina mai se isi tuuga e ese o sulu lea e i ai tagata e uuina sulu, atonu e mai i ituaiga taitasi, e le tuuina ese atu lo latou sulu. Ae e pei lava ona faia i le *lampadedromia*, o le manumalo o le tagata muamua e oo atu i le fiaiuga o le tuuga ma lana sulu o mumu pea.

AOAO ATU MAI LENEI SAVALI

Mafaufau e uunaia i latou o loo e aoaoina atu e mafaufau i le mea o loo latou i ai i a latou “tuuga” o le olaga. Pe o mumu saesae ea a latou sulu? E mafai ona e faitauina le faaupuga lea e faapea mai o le Malamalama o Keriso o “se Malamalama e faaumaria le pogisa aupito sili ona ogaoga, e faamalolina o tatou manua, ma mumu saesae e oo lava i le lotolotoi o le faanoanoaga e sili ona ogaoga ma le pogisa e le mafuatiaina.” Ona mafaufau lea e talanoaina faatasai ma i latou o loo e aoaoina le auala ua uunaia ai e le Malamalama o Keriso o latou olaga i le taimi ua tuanai ma le auala ua uunaia ai o latou olaga i le taimi nei.

Faatumu Lou Sulu: O Aso-e 30 o le Suega

Mo le autalavou i le Ekalesia e pisi olaga, e mafai ona faigofie ona tau lava ina fai ni mea ona o se masani, ae maise lava i mea faaleagaga. Tatou te faitau a tatou tusitusa paia, tatalo, ma tapuai i le ala lava lea e tasi e toeiti lava o aso uma ona tuufesili lea pe aisea e foliga mai ai e le'o alualu i luma faaleagaga.

O se tasi o auala sili e tausia ai lou sulu faaleagaga ia mumu saesae pea o le mautinoea lea o loo i ai ni aafiafa faaleagaga anoa. Ae e faafafogie na fai mai nai lo le faatinoina, o se fautuaga la lenei e fesoasoani ia te oe e faaaauai ai pea ona alualu i luma faaleagaga: Mafaufau i se gaoioiga e fesoosai faaletalalelei e te lei faia muamua (pe e te le faia lava) ma tautino ia faia i aso uma mo se masina. E mafai ona e amata laitiiti aua o le a e iloaina ai e sili

atu ona faigofie ona liliu suiga laiti i ni suiga e tumau. O le faia o mea faaleagaga tatou te le masani ai e ono manaomia ai se faatuatua ma se taumafaiga sili atu i la tatou vaega, ae pe a tatou faia na mea, ua tatou valaaulia le Agaga Paia e faatasi ma i tatou, ma ua tatou faaali atu ai se faatuatua sili atu i le Tama Faalelagi ma se naunautaiga ina ia latalata atili atu ia te la. O ni nai faataitaiga nei e te amata ai:

- Fai se sini e fai au tatalo i le taeao ma le po. Taumafai e tatalo leotele.
- Ala vave i le 15 minute ma faitau au tusitusa paia o le amataina le aoga.
- Faitau lauga o konafesi aoao ua tuanai.
- Faapipii se mau mai le Tusi a Mamona i le ala o faasalalauga faaleagafesootai.
- Faalogologo i viiga po o musika a le Ekalesia nai lo lau musika masani.



Ia Faasusulu Tele Lou Sulu

Aso a la ua leva i Eleni, sa i ai se tuuga lea e uu ai e le au tamomoe sulu o loo momu. Po o ai lava e tamoe i le tuuga atoa ma le sulu o loo momu pea o ia lea e manumalo. Na

saunoa mai Peresitene Uchtdorf e faapena le olaga e pei o le tuuga. O le sulu o loo tatou uuina o le Malamalamo o Keriso. Pe a tatou taumafai ia faapei o lesu Keriso, ua tatou faamumu teleina a tatou sulu.



Ia suesue ma le agaga tatalo lenei savali ma saili ia iloa mea e faasoa atu. O le a mafai faapefea e le malamalama i uiga paia o le Faaola ona faateleina lou faatuatua ia te Ia ma faamamuiaina ai i latou o loo e tauisia e ala i le faiaoga asiasi? Mo nisi faamatalaga, alu i le reliefsony.lds.org.

O Uiga Paia o Iesu Keriso: Faatumulia i le Alofa Mama ma le Alofa

O se vaega lenei o se faasologa o Savali a Faiaoga Asiasi e faaautu i uiga paia o le Faaola.

Ua faamatalaina e le Taiala i Tusitiusiga paia o le alofa moni o le “o le ituaiga alofa lea e silisili ona mauluga, silisili ona mamalu, silisili ona malosi, ae lē na’o se aafiaga o le alofa” (“Alofa Mama”). O le alofa le pona lea o Iesu Keriso. A o tatou aoao e uiga ia Iesu Keriso ma taumafai ia avea faapei o Ia, o le a amata ona tatou lagonaina Lona alofa le pona i o tatou olaga ma unaia e alolofa ma auauna atu i isi e pei ona o le a la faia. “O le alofa o le onosai i se tasi ua mafua ai ona tatou le fiafia,” o le saunoaga lea a Peresitene Thomas S. Monson. “O le teenaina lea o le lagona ia itaitagofie. O le taliaina lea o vaiavaiga ma faaletonu. O le taliaina o tagata i o latou tulaga moni o i ai. O le faaseloa o le vaai i luga atu o le vaaiga faaletino, i le uiga faaleatua e le mu itiiti i le gasologa o le olaga. O le teena lea o le lagona e tuufaavasega isi.”¹

Mafaufau I Lenei Mea

E faapefea ona avea Keriso ma lo tatou faataitaiga atoatoa o le alofa ma le alofa mama?



I le Tusi a Mamona, ua tatou aoao ai le upumoni maoae faapea tatou te “tatalo atu i le Tamā ma le malosi atoa o le loto, ina ia faatumulia outou i lenei alofa, lea ua ia faaee mai i luga o i latou uma o e o soo moni o lona Alo, o Iesu Keriso; ina ia mafai ona avea outou ma atalii o le Atua; a oo ai ina afio mai o ia o le a tatou faapei o ia, ona o le a tatou vaai ia te ia e pei ona i ai o ia; tau ina ia tatou maua lenei faamoemoe; tau ina ia mafai ona faamamaina i tatou e pei lava ona mama o ia” (Moronae 7:48).

Mau Faaopoopo

Ioane 13:34–35; 1 Korinito 13:1–13; 1 Nifae 11:21–23; Eteru 12:33–34

FAAMATALAGA

1. Thomas S. Monson, “E Le Uma le Alofa *Liahona*, Nov. 2010, 124.
2. *O Afafine I Lou Malo: O le Talafaasolopito ma le Galuega a le Au Alofa* (2011), 116–117.
3. *O Afafine I Lo’u Malo*, 87.

Faatuatua, Aiga,
Toomaga



Mai lo Tatou Talafaasolopito

“Sa i ai se tuafafine sa oti talu ai nei lona toalua, sa maua lona lotofaaftai mo faiaoga asiasi o ē sa faanoanoa faatasi ma ia ma faamafanafanaina o ia. Sa ia tusia: ‘Sa ou matua manao-mia lava se tasi e mafai ona ou aapa atu i ai; se tasi e mafai ona faalogo mai ia te au. . . . Ma sa laua faalogo mai. Sa la faamafanafanaina au. Sa la fetagisi ma a’u. Ma sa la opoina a’u . . . [ma] sa la fesoasoani mai e aveesea ai lo’u lē fiafia ma le faavauvau i na uluai masina o le tuulafoaiina.’

“Sa aotele e se tasi tamaitai ona lagona, ina ua avea o ia ma se tasi na tuu atu i ai le alofa moni a’ia’i mai se faiaoga asiasi: ‘Sa ou iloa sa sili atu a’u nai lo le na o se fuainumera i tusi faamau-mau na te asia. Sa ou iloaina sa popole o ia mo au.’”²

E pei o nei tuafafine, e mafai ona faamaonia e le toatele o le Au Paia o Aso e Gata Ai i le lalolagi atoa le moni o lenei saunoaga a Peresitene Boyd K. Packer (1924–2015), le Peresitene o le Korama a Apostolo e Toase-fululua: “E maeu le mafanafana o le iloa po o fea lava e o i ai [se aiga], e i ai lava se aiga o le Ekalesia e faatali maia. Mai le aso latou te taunu ai, o le a avea le alii ma se itutino o le korama a le perisitua ae avea le tuafafine ma se itutino o le Aualofa.”³

PE NA LAVA MEA NA OU FAIA?

Saunia e Brooke Barton

O se lesona e uiga i le mamoe na se na fesoasoani ia te au e malamalama ai i le auala e sili atu ona faataunu ai lo'u valaauga.

I le 23 o tausaga, sa valaauna au o se peresitene o le Aualofa i la matou uarota a tamaiti aoga ua faaipoipo. Ou te manatua le le atoatoa sa ou lagonaina, faatasai ai ma le manao e faia le mea sili ou te mafaia. Sa ou naunau ma le fiafia e auauna atu ae sa masalosalo i lo'u gafatia e avea ma se taitai lelei.

Ina ua mavae ni nai masina o peresitene o le Aualofa, sa ou lagonaina e le o lava mea na ou faia. Sa ou manao ina ia mafai ona fesootai ma uso ma faalogo i o latou manaoga taitoatas, ae sa ou lagonaina sa ou le mafaia.

Sa ou talanoa ma lo'u epikopo ma faailoa atu ou atugaluga. Sa ou faamatala atu lou le mafai ona oo atu i uso uma sa ou manao ai. Sa ou faamatalaina lou moomooga pe ana lima ni ou tagata e fai ai le galuega i le auala na ou manatu e tatau ona fai ai. Sa ou taumafai e faamama o'u atugaluga ma faamalie, ae sa vave ona tumu ou mata i loimata o le lotovaivai. Sa ataata o ia ma ofo mai nisi o fautuaga sili faaletaitaiga ua ou maua.

“Pe e te masani i le tala i le leoleo mamoe na, leiloa se tasi o lana lafu, na tuu le ‘le ivasefulu ma le iva’ ina ia maua ai?” na ia fesili ai (tagai i le Luka 15:4–7). Sa luelue lo'u ulu.

“E foliga mai o loo i ai le poto tele i lena faataoto,” sa ia faaauau ai. “Na iloa

e le leoleo mamoe o le ivasefulu ma le iva o le a lelei mea uma pe afai na te tuua i latou ae saili mo le mamoe na se.”

Ona ofoina mai lea e lo'u epikopo le fautuaga lenei:

“Vaai oe, o le ivasefulu ma le iva ua i ai se ala sili e tausia ai e le tasi le



isi pe a e alu ese. O le a latou sapai e le tasi le isi ma galulue faatasi ma le manuia. Ou te fautua atu e te taulai atu i e e foliga mai ua leiloloa. O le vaega o totoe o le a le afaina.”

Sa ou lagonaina se molimau malosi o le mea na ia tau mai ia te au e moni, ma ou te le manaomia le popole e uiga i le lafu mamoe atoa i lea lava taimi. O lo'u faamoemoega o le saili lea o i latou o e na leiloloa, ma valaaulia i latou e toe foi mai i le lafu. I lena auala, e mafai ona faataunuina faamoemoega a le Tama Faalelagi, ma mafai ona avea au ma se meafaigaluge i Ona aao.

Ao ou faalogo i fautuaga a le epikopo, sa ou lagonaina se fuataga maoae o le malamalama i le ala a le Alii mo au e auauna atu ai i Lona malo. Sa ou maua foi ni taunuuga faaleagaga na faamalosia au i lo'u valaauga, aua sa ou auauna atu e pei ona sa faatonuina e le Faaola. E ala mai le mana o le Agaga Paia, na tuuina mai e lou epikopo ia te au se meaalofa sili o le malamalama ma se vaaina.

Ou te molimau atu a o tatou tatalo ma saili atu i musumusuga mai o tatou taitai perisitua, o le a musuia i latou e faaali mai ia i tatou pe faapefea ona taitai i auala amiontonu. ■

E alala le tusitala i Iuta, ISA.

MAUKENI PO O MELENI?

Saunia e Rachel Cox

*O nisi taimi e leai se filifiliga sese.
Ua na o se filifiliga.*

Sa fai lava si faateia o lou tama i le siloaina o fatu maukeni na ia totolina i le tausaga ua mavae na filifili e totogo mai i le ogatotonu o le vaega o meleni i lenei taumafanafana. O meleni ua ola lelei lava—ae faapena foi maukeni. O lenei la, o le mea moni, sa faaosoooina lou tama ina ia tuu atu i laau o maukeni e faaaauau pea ona feola. Ae sa ia iloa pe afai na te faia o lea, o maukeni o le a faalave-lave i le tutupu ae o meleni.

O lea sa i ai sana filifiliga e fai. Sa mafai ona ia vele ese maukeni ina ia maua ai e meleni se avanoa e sili atu ona lelei e ola lauusiusi ai po o le tuu o maukeni e ola pea ae ia tuu atu i laau maukeni e tutupu ae ma vaavaai ao latou ono faavaivaia laau o meleni, lea atonu o le a aumaia ai ni fua e itiiti ifo mai laau uma e lua. Maukeni po o meleni? O lenei filifiliga sa i le va o filifiliga lelei e lua.

I le fuaina o le lua, sa filifili ai lo'u tama e vele ese laau o maukeni o loo ola lauusiusi. E le gata ina ua tuai ona totogo mai, ae sa filifili o ia, na ia manao i meleni na *fuafuaina* e sili atu nai lo lona manao i maukeni taufaate'i.



O lenei aafiaga na uunaia ai au ou te manatu e uiga i filifiliga tatou te faia, ae maise lava i lo tatou sootaga ma isi. Pe faatasi ma o tatou aiga, a tatou uo, o tatou pule, po o i latou tatou te tafao faamasani pe faaipoipo i ai, pe afai o se filifiliga i le va o ni mea lelei se lua, o le iloaina o le mea sa'o po o le vaega e sili ona lelei e faigata i nisi taimi, ae maise lava pe a tatou mananao e aloese mai le faia o filifiliga sese. O le fefe i le faia o filifiliga sese o nisi taimi e taia ai i tatou, ma o lena fefe e mafai ona taofiofia ai i tatou mai le agai i luma i le faatuatua. Ae o le mea moni lava, o nisi taimi e leai se filifiliga sese. Ua na o se filifiliga. I le tulaga o lo'u tama, na faavae lana filifiliga i mea na sili ona ia *faatauaina*. Na le fiafia o ia e vaai atu i maukeni ua pepe, ae sa ia iloaina o le a ia salamo i le leaga o le a latou faia i meleni mulimuli ane.

I le olaga, o nisi o filifiliga tatou te feagai e le afaina, e pei, o a meaai e tatau ona ou aia mo le aiga o le taeao? O le a le lanu o le ofu e tatau ona ou ofuina i le aso? Pe a feagai ma se filifiliga i le va o ni mea lelei se lua, e mafai ona tatou faia e pei ona faia e lo'u tama ma fesili vave lava, “O le a le mea e sili atu lou faatauaina?” Ona fai lea o se faaiuga ma agai i luma i le faatuatua, ma faalagolago i le Alii e faasa’oina i tatou pe afai tatou te sese i se isi itu.

Ae o nisi o filifiliga e taua *tele lava*. Sa saunoa peresitene Thomas S. Monson: “E tatau lava ona tatou faia pea lava pea o faaiuga. Ina ia poto, e manaomia le lototoa—le lototoa e fai atu ai leai, le lototoa e fai atu ai ioe. O faaiuga e *fuafua* ai le taunuuga” (“O R e Tolu o Filifiliga,” *Liahona*, Nov. 2010, 68). Pe a feagai ma nei ituaiga o filifiliga, o se fesili e sili atu ona lelei e fai atu, “o le a le mea e sili atu le faatauaina e le *Alii*?” Afai tatou te iloa le tali i lena fesili, pau le mea e tatau ona tatou faia o le faaogatusa o tatou ma Ana tulaga faatauaina ona mulimuli lea i lena filifiliga. O le a avea pea lava pea ma filifiliga sa'o. ■
E alala le tusitala i Iuta, ISA.



O IOSEFA LE Tagatavaai

*Na faamanino mai e le talaaga le auala
na faataunuina ai e Iosefa Samita lana
matafaioi o se tagatavaai ma faaliliuina
le Tusi a Mamona.*

Saunia e Richard E. Turley Jr., Tusitalafaasolopito Lagolago ma Tusitalafaamaumau o le Ekalesia,
Robin S. Jensen, ma Mark Ashurst-McGee, Matagaluega o Talafaasolopito o le Ekalesia

Tle aso 6 o Aperila, 1830, o le aso sa faatulagaina ai e Iosefa Samita le Ekalesia a Keriso (na mulimuli ane ta'ua o Le Ekalesia a Iesu Keriso o le Au Paia o Aso e Gata Ai),¹ na ia folafola atu le upu o se faaaliga i e na faapotopoto ai. “Faauta,” na folafola mai e le siufofoga o le Atua i totonu, “ia i ai se tala faamaumau e tausia i totonu o outou; ma i totonu o lena tala faamaumau ia taua [o Iosefa Samita] o se tagatavaai” (MF&F 21:1).

O le faailoga e sili ona iloagofie o le matafaioi a Iosefa Samita o se tagatavaai i le Ekalesia sa faatoa faatulagaina o le Tusi a Mamona, lea sa ia faamatala mai pea lava pea na faaliliuina “i le meaalofa ma le mana o le Atua.”² O le toatele o i latou e sili ona latalata ia Iosefa i le tausaga a o lei faatulagaina le Ekalesia na molimauina le faagasologa, lea na oo mai ai le Tusi a Mamona ma sa i ai se malamalamā i le uiga o le upu *tagatavaai*.

O Le Uiga o le Tagatavaai

O le a le uiga o le *tagatavaai* i le perofeta talavou ma e na soifua i lena taimi? Sa ola ae Iosefa i se aiga na faitauina le Tusi Paia, lea o loo ta'ua soo ai tagatavaai. I le 1 Samuelu, mo se faataitaiga, ua faamatalaina e le tusitala: “Sa faapea i Israelu anamua le upu a le tagata e alu e fesili i le Atua, O mai ia ina tatou o i le tagata vaai: aua o le Perofeta i nei ona po sa ta'ua o ia anamua o se Tagatavaai” (1 Samuelu 9:9).

O loo taua foi i le tusi Paia tagata na mauaina faaaliga faaleagaga e ala i mea fai-tino e pei o tootoo,³ se gata apamemea i luga o se pou (lea na avea ma se faailoga ua salalau tele o le galuega faafomai),⁴ se efota (o se vaega o le laei faaleperisitua paia lea na aofia ai maa taua e lua),⁵ ma le Uriama ma le Tumema.⁶



Iosefa ma lona faletua o Ema Hale Samita, sa nonofo i le vaega fogafale tasi o lenei fale i le taimi o se vaega o le faaliliuga o le Tusi a Mamona. O le faatulagaga o le fogafale lua i le itu taumatau o le fale o se faaopoopoga mulimuli ane.

*Mo le faitau afe o tagata o
le ekalesia i le taimi o lona
soifuaga atoa ma le faitau
miliona talu mai lona maliu,
ua lauiloa Iosefa Samita
o le perofeta, tagatavaai,
ma talifaaaliga.*



O le "vaai" ma "tagatavaai" sa avea ma vaega o le aganuu Faaamerika ma le aiga lea na soifua ae ai Iosefa Samita. Na matele i le gagana o le Tusi Paia ma le faafefiloi o aganuu Egelani na aumaia e tagata malaga i Amerika i Matu, o nisi tagata i le uluai seneturi lona 19 sa talitonu e mafai e tagata taitoatasi e talenia i le "vaai", po o le mauaina o faaaliga faaleagaga, e ala i mea faaletino e pei o maa talifaaaliga.⁷

Sa taliaina e Iosefa Samita talavou ia auala masani a tagata o ona aso, e aofia ai le manatu o le faaaogaina o maa talifaaaliga e matamata ai i mea faitino ua leiloloa po o mea o loo natia. Ona o tala faatusipaia na faaali mai ai le faaaogaina e le Atua o mea faitino e taulai atu ai i le faatuatua o tagata po o le fesootai atu i le faaleagaga i aso anamua, o Iosefa ma isi na manatu i le mea lava lea e tasi mo o latou aso. O matua o Iosefa, o Iosefa Samita le matua ma Lusi Maki Samita, na faamautinoaina le aafia o le aiga i lenei aganuu ma lo latou faaaogaina o mea faitino i lenei ala, ma o le nuu o Palamaira ma Manaseta, Niu Ioka, lea sa nonofo ai le au Samita, na sainia Iosefa e sue ai ni mea faitino na leiloloa a o lei masii atu o ia i Penisilevania i le taufaasiusiuga o le 1827.⁸

Mo i latou e aunoa ma se malamalamaaga i le ala na ola ai tagata i la latou tapuaiga i le seneturi lona 19 i le itulagi lea a Iosefa, o maa talifaaaliga e mafai ona avea o se mea fou, ma ua loa ona felafolafoai ai tagata atamamai i le vaitaimi lenei o lona olaga. I se isi itu o se taunuuga o le Malamalama po o le Vaitau o le Filosofia, o se vaitaimi na faamamafaina ai le sainensi ma le lalolagi ua suesueina nai lo mea faaleagaga, o le toatele i aso o Iosefa na lagonaina o le faaaogaina o mea faitino e pei o maa po o tootoo e le moni pe le talafeagai mo faamoemoega faalelotu.

I tausaga mulimuli ane, a o ta'u atu e Iosefa lana tala ofofogia, sa ia faamamafa atu ana faaaliga vaaia ma isi aafiaga faaleagaga.⁹ I se faatusatusaga, o nisi o ana paaga muamua na taulai atu i lona amataga o le faaaogaina o maa talifaaaliga i se taumafaiga e faaumati a i lona tulaga i se lalolagi

ua faateteleina ai le teena o na ituaiga o faiga. I o latou taumafaiga o le talaiga, o Iosefa ma isi uluai tagata na filifili e le taulai atu i le uunaiga a le aganuu a tagata i a latou taumafaiga e talai, a o le toatele e liliu mai faamoemoeina na oo i se suiga i auala sa latou malamalama ai i mataupu faalelotu i le Vaitau o le Filosofia. I le mea na avea ma faavae o faaaliga, e ui i lea, na faaaauau e Iosefa ona aoao mai o maa talifaaaliga ma isi mea e faaaoga e talifaaaliga ai, faapea foi ma le tomai e galulue faatasi ai ma i latou, e taua ma o ni meaalofa paia mai le Atua.¹⁰

Mea Faigaluega na Faaaoga e Faaliliu ai le Tusi a Mamona

O maa talifaaaliga o loo faaalia foi i tala faasolopito o loo faamatalaina ai Iosefa Samita ma le faaliliuga o le Tusi a Mamona. O le talafaasolopito aloaia a Iosefa, na amata i le 1838, na faamatalaina ai le asiasiga a se agelu, na faailoa mai o Moronae, o le na ta'u atu ia te ia e uiga i papatusi auro na tanumia i se mauga lata ane. Na toe faamatalaina e Iosefa a o ia talanoa ma le agelu, sa "tatalaina se faaaliga" manino i lona mafaufau o lea na ia "iloa ai lea mea" ina ua mulimuli ane vaai lava ia i ai faaletagata (o Iosefa Samita—alafaasolopito 1:42).

I le talafaasolopito sa amata e Iosefa ona tusiaina i le 1838, na lapataia e Moronae o ia "o le a taumafai Satani e faaosooso ia te a'u (ona o le tulaga mativa o le aiga o lo'u tamā), ia maua mai papatusi mo le faamoemoe ia mau'o'a." O lenei mea sa ia faasa mai ia te a'u, ua fai mai e ao lava ona lē i ai ia te a'u "se isi lava faamoemoe" i le maua mai o papatusi tau lava o le faamamaluina o le Atua, ma e ao ona lē tosina i se isi lava manaoga nai lo le atinaega o le malo o le Atua; a lē o lea "e lē mafai ona ou mauaina papatusi" (Iosefa Samita—Talafaasolopito 1:46). I lona talafaasolopito muamua o le 1832, ua faamatala e Iosefa, "Ou te . . . saili Papatusi ina ia maua ai oa ae le tausia le poloaiga e tatau ona i ai le manatu tasi i le Mamalu o le Atua."¹¹ O

se taunuuga, sa manaomia e toe foi atu i le mauga i tausaga taitasi mo le fa tausaga seiā oo ina ia saunia o ia mo le mauaina o papatusi (tagai i le Iosefa Samita—Talafaasolopito 1:53–54).

Na faamatalaina e Iosefa ina ua iu lava ina ia mauaina papatusi mai ia Moronae i le 1827, na ia mauaina foi ni maa se lua e faaaoga i le faaliliuina. Sa ia tuua ma ni paaga vavalalata ni tala o nei maa, ma faamatalaina e papae po o le manino i foliga vaaia, ua faatulaga faalapotopo po o aufana siliva e pei o ni matatioata po o tioata faaonapo nei, ma fesootai atu i se ufifatafata tele.¹² E pei ona faamatalaina, o lenei masini faaletagatavaai semanu e mafafia. Na fai mai le tina o Iosefa Samita na te aveese maa mai le ufifatafata mo le faafaigofieina a'o faaaogaina.¹³


Ua taua e le tusiga o le Tusi a Mamona nei maa o "maa faaliliu" ma faamatalaina "sa saunia mai i le amataga, ma sa tuulima faasolo mai i lalo mai lea tupulaga i lea tupulaga, mo le faamoemoe o le faaliliuina o gagana," na "tausia ma faasaoina ia mea e le aao o le Alii" (Mosaea 28:14–15, 20).

Ua faamatala foi e le tusi pe na faapefea ona tuuina atu e le Alii "maa e lua" i le uso o Iareto, faatasi ai ma se folafolaga e faapea o le a latou fesoasoani i augatupulaga i le lumanai e toe maua mai ana upu. "Ia tusi nei mea ma faamaufaailogaina," na faatonuina ai o ia e le Alii, "ma o le a ou faaali atu i latou i lau lava taimi e tatau ai, i le fanauga a tagata." O nei maa, na faamalamalama mai e le Alii, "ia faamalamalama atu e nei maa i mata o tagata mea o le a e tusia." (Eteru 3:24, 27).

E oo atu i le taimi na maea ai e Iosefa Samita ona faalau lana faaliliuga o le Tusi a Mamona i le au tusiupu i le ogatotonu o le 1829, o le uiga o le *tagatavaai* ua faamaninoina atili i le tusiga. O loo i Le Tusi a Mamona se valoaga e faatatau ia Iosefa o Aikupito na folafolaina atu o se tasi o ana fanau—e

manino lava o Iosefa Samita—o le a avea ma "se tagata vaai filifilia" e aumaia isi sulugatiti "i le malamalama e uiga i feagaiga" na osia e le Atua ma o latou tuua (2 Nifae 3:6, 7).

I se isi tala o le Tusi a Mamona, na tuu-



FAALOALOGA A LE CHURCH HISTORY LIBRARY
ATA UA FAALELEIA MO LE FAAMANINOINA

ina atu e Alema le Itiiti ia faamatalaupu i lona atalii o Helamana. "Ia faasaoina nei faamatalaupu," Na fautuina ai e Alema o ia, e faatatau i maa e lua i aufana siliva. Ae ua sii mai foi e Alema se valoaga ua faaali mai e faasino i se maa se tasi: "Ma sa fetalai mai le Alii: o le a ou saunia mo la'u auauna o Kaselama se maa, lea o le a susulu atu i le pouliuli mai le malamalama" (Alema 37:21, 23).

Ia matauina, e ui lava na tuuina mai i le anotusi o "faamatalaupu" (numera e tele), o lenei valoaga o loo tautala e uiga i le tuuina atu i se auauna i le lumanai "se maa" (numera tasi), lea o le a susulu atu i le pouliuli mai le malamalama.¹⁴ Sa talitonu Au Paia o Aso e Gata Ai anamua o lenei auauna na valoia o Iosefa Samita.¹⁵

O le mea moni, o se faamaoniga o le talafaasolopito ua faaalia ai faapea e le gata i maa ua taua o "faamatalaupu," na faaaogaina e Iosefa e le itiiti ifo i le tasi se isi maa faamatalaupu i le faaliliuina o le Tusi a Mamona, e masani ona tuuina i tottonu o se pulou ina

Faamatalaga mai se itu-lau o le tusiga muamua o le Tusi a Mamona o loo i ai le o ese o le aiga o Liae mai Ierusalem lea ua i ai nei o le 2 Nifae. Na faalau atu e Iosefa Samita le Tusi a Mamona i ni nai tusiupu, e aofia ai Oliva Kaotui, o le tusiupu mo nei laina.



O LE AGELU O MORONAE DA TILUVANA PAPATUSI A JOSEFA SAMITA, SAUNIA E C. C. A. CHRISTENSEN

O tagata o le Ekalesia i lona talafaasolopito atoa na saili ia malamalama i le uluai talafaasolopito o Iosefa Samita ma lona mauaina ma le faaliliuina o papatusi auro. O lenei ata na tusia e le tusiata o C. C. A. Christensen i le 1886 o loo faaalia ai Iosefa Samita ua mauaina papatusi mai le agelu o Moronae.

ia mafai ona taofia ai le malamalama. E tusa ai ma paaga a Iosefa, sa ia faia lenei mea ina ia iloa lelei upu i luga o le maa.¹⁶

E oo atu i le 1833, ua amata e Iosefa Samita ma ana uo ona faaaoga le faaupuga faatusipaia “Urime ma le Tumema” e faasino i soo se maa e faaaoga mo le mauaina o faaaliga paia, e aofia ai faamatalaupu a sa Nifae ma le maa e tasi a le tagatavaai.¹⁷ O lenei faaupuga le manino ua faafaigata ai taumafaiga e tofaatulaga le auala tonu lea na faaliliuina ai e Iosefa Samita le Tusi a Mamona. E le gata i le faaaogaina o le faamatalaupu, e tusa ai ma Matini Harisi, na faaaogaina foi e Iosefa se tasi o ana maa talifaaliga mo le faafaigofieina i le taimi o le faaliliuga o le Tusi a Mamona. O isi punaoa na faamaonia le sua o meafaigaluga faaliliu a Iosefa.¹⁸

Ina ua Uma ona Lolomi le Tusi a Mamona

Ina ua uma le lolomiga o le Tusi a Mamona ia Mati 1830, na amata e Iosefa Samita ma ana failautusi ona galulue i se galuega ua iloa nei o le Faaliliuga a Iosefa Samita o le Tusi Paia, o se toe iloiloga faaperofeta o le lomiga a le King James.¹⁹ E ala i le tala a Iosefa, o le faaaogaina o faamatalaupu a sa Nifae mo lenei galuega faatino o le faaliliuga sa le o se filifiliga aua sa le o toe i ai i latou.

Ua faamatala mai e le talafaasolopito o Iosefa faapea “ia tausia saogalemu ia mea, ma le pogai na fai mai ai le avefeau a uma ona ou faia o le mea ua manaomia mai lo’u lima. Pe a, e tusa ai ma faia fuafuaga, o le avefeau e taua

mo i latou, ou te tuu atu ai ia te ia; ma ua i ai i latou i lana tausiga seia oo i le aso nei” (Iosefa Samita—Talafaasolopito 1:60).

A o faamatala mai e Peresitene Polika Iaga (1801–77), “na toe tuu e Iosefa le U[rima ma le] T[umema] faatasi ma papatusi ina ua [u]ma lona faaliliuina.”²⁰

Na i ai ia Iosefa isi maa talifaaliga, ae i le saunoaga a Elder Orson Pratt (1811–81), se sui o le Korama a Apostolo e Toasefululua ma na avea ma Tusitalafaasolopito o le Ekalesia mulimuli ane, o Iosefa ua matua foi i le taimi lea i lona malamalama faaleagaga. I se fonotaga i le aso 28 o Iuni, 1874, na auai Peresitene Polika Iaga ma le toatele o isi Pulega Aoao, na tau atu e Elder Pratt i lana au faalogologo e uiga i le auai “i le tele o taimi” ao “faaliliuina [e Iosefa Samita] le Feagaiga Fou.” O le vaai e leai ni mea faigaluega faaliliu na faaaogaina i le taimi o le faagasologa o le faaliliuga, na ia mafaufau pe aisea “na lei faaaogaina ai [e Iosefa] le Urime ma le Tumema, e pei o le faaliliuina o le Tusi a Mamona.”

A o vaavaai atu Elder Pratt i le Perofeta o faaliliu, “O Iosefa, e pei o loo ia faitauina ona manatu, na tilotilo i luga ma faamalamalama mai na tuuina mai ia te ia e le Alii le Urime ma le Tumema ao leai sona poto masani i le Agaga o musumusuga. Ae o lenei ua ia malamalama i le faagaoioiga o lena Agaga, ma e le’i manaomia le fesoasoani a lena mea faigaluega.”²¹

Sa faamatala atu e Polika Iaga i se isi faapotopotoga ona manatu e uiga i le mauaina o se maa talifaaliga. “Ou te le [i]lo[a] pe na i ai lava sou manao ina ia maua ai se tasi [o na maa],” sa ia toe tomanatu ai.²² O le faamatalaga a Polika na faailoa mai ai lona malamalama faapea o maa talifaaliga e le manaomia ina ia avea ai ma se tagatavaai.

I le aso 25 o Oketopa, 1831, na auai ai Iosefa Samita i se konafesi i Oreni, Ohaio. I le taimi o le konafesi, na fai mai lona uso o Ailama na ia “manatu e sili ona lelei pe a tuuina atu faamatalaga o le oo mai o le tusi a Mamona e Iosefa lava ia i toeaina na auai ina ia iloa mea uma mo i latou lava.” E tusa ai ma mataupu o le fonotaga, o Iosefa, “na saunoa mai e lei fuafuina e ta’u atu i le lalolagi mea uma i le oo mai o le tusi a Mamona” ma “e le tatau ai mo ia ona famatala nei mea.”²³ Ona ua matua o ia i lana matafaioi o se tagatavaai, ma ua talitonu o maa talifaaliga sa le manaomia



ATA O LE 1866, FAALOALOGA O LE CHURCH HISTORY LIBRARY

O Fineaso laga, o loo nofo i le ogatotonu o le au uso o Young ma i le itu tauagavale o Polika laga, na mauaina mai se maa talifaaaliga na faaaoga i le faaliliuina o le Tusi a Mamona mai ia Oliva Kaotui ma tuu atu i lona uso o Polika.



ATA NA PUENAE WEIDEN C. ANDERSEN/IMA RICHARD E. TURLEY JR.

O le maa o loo i le ata ua leva ona fesootai ia Iosefa Samita ma le faaliliuga o le Tusi a Mamona. O le maa na faaaoga e Iosefa Samita i le taumafaiga o le faaliliuga o le Tusi a Mamona sa masani ona taua o se maa talifaaaliga lanu-sukalati e foliga o se fuamo. O lenei maa na tuufaasolo mai ia Iosefa Samita ia Oliva Kaotui ma oo atu ai i le Ekalesia e ala mai ia Polika laga ma isi.

O LE A LE MEA NA TUPU I LE MAA TALIFAAALIGA?

Etusa ai ma le talafaasolopito o Iosefa Samita, na ia toe faafoi atu le Urima ma le Tumema, po o "faamatalaupu," a sa Nifae i le agelu. Ae o le a se mea na tupu i isi maa talifaaaliga po o maa na faaaoga e Iosefa i le faaliliuina o le Tusi a Mamona?

Na tusia e Tavita Uitimera "ina ua mavae le faaliliuga o le Tusi a Mamona, i le amataga o le tautotogo o le 1830, a o lei oo i le aso 6 o Aperila, na tuuina ai e Iosefa le maa ia Oliver Kaotui ma tau mai ia te au faapea foi ma le isi vaega na te le toe manaomia, ma na te lei toe faaaogaina lava le maa."¹


O Oliva, o le sa i fafo ma le Ekalesia mo le sefulu tausaga seja oo ina toe papatisoina i le 1848, na fuafua e alu i sisifo e faatasi ma le Au Paia i luta, ae sa maliu o ia i le 1850 i Richmond, Misuri, a o lei faia le malaga.² O Fineaso laga, o le na fesoasoani e toe aumaia Oliva Kaotui i le Ekalesia, na mauaina le maa faaliliu mai le faletua o Oliva, o le tua-fafine lea o Tavita Uitimera, o Elizabeth Ann Whitmer Cowdery. Ona tuuina atu lea e Fineaso i lona uso o Polika laga.³

"Ua ou maua Maa Talifaaaliga [muamua] a Iosefa lea na ou [m]aua mai ia O[iiva] K[aotui]," Na faailoa mai e Peresitene laga i le 1853. Sa i ai foi ma isi. "Sa [i]a Iosefa le 3 lea o loo ia Ema," sa ia faaopoopo mai, "E 2 e laiti ma le 1 e lapo."⁴ I le lua tausaga mulimuli ane, na tau atu e Polika laga i se vaega na faapotopoto o taitai o le Ekalesia e faapea "Na auina mai e Oliva ia te au le maa Talifaaaliga muamua a Iosefa, sa teuina lava e Oliva seja oo ina ia auina mai ia te au."⁵

Ina ua maliu Polika laga, o se tasi o ana ava, o Zina D. H. Young, lea na mulimuli ane avea ma peresitene aoao lona tolu o le Aualofa, sa ia mauaina se maa talifaaaliga lanu-sukalati mai lona tofi lea e fetau ma faamatalaga o le maa sa faaaogaina e Iosefa e faaliliu ai le Tusi a Mamona, ma foaiina atu i le Ekalesia.⁶ Talu mai lena taimi, ua faailoa mai e taitai o le Ekalesia na mulimuli mai o le Ekalesia e ana le maa talifaaaliga.⁷

FAAMATALAGA

1. Tavita Uitimera, *An Address to All Believers in Christ* (1887), 32.
2. Mo nisi faamatalaga e uiga i le toe foi mai o Oliva Kaotui i le Ekalesia a o lei maliu o ia, tagai i le Scott F. Faulring, "The Return of Oliver Cowdery," i le John W. Welch and Larry E. Morris, lol., *Oliver Cowdery: Scribe, Elder, Witness* (2006), 321–62.
3. Tagai i Minute, 30 Setema, 1855, Church History Library, Salt Lake City; "David Whitmer," *The Historical Record*, Oke. 1888, 623; Maria L. Cowdery Johnson to David Whitmer, Ian. 24 1887, Community of Christ Library-Archives, Independence, Missouri; ma Franklin D. Richards, Journal, Mat. 9, 1882, Church History Library.
4. Minute, aso 17 o Ape., 1853, Church History Library.
5. Minute, aso 30 o Setema, 1855, Church History Library.
6. Tagai Zina Young to Franklin D. Richards, Iulai 31, 1896, i le Journal History of The Church of Jesus Christ of Latter-day Saints, Iulai 31, 1896, 4, Church History Library.
7. Tagai i le B. H. Roberts, *A Comprehensive History of the Church*, 6:230–31; Joseph Fielding Smith, *Doctrines of Salvation*, tuuf. Bruce R. McConkie, 3 vol. (1954–56), 3:225; Bruce R. McConkie, *Mormon Doctrine*, lom. 2 (1966), 818–19.



FAALOALOGA A LE CHURCH HISTORY LIBRARY

I le 1883, The Contributor, o se mekasini na lolomina e le Ekalesia, na faapitoa i le Mau a Molimau e Toatolu o le Tusi a Mamona. O le Au Paia o Aso e Gata Ai ua leva ona latou iloaina le matafaioi taua na faia e alii taitasi i le fesoasoani atu ia Iosefa Samita e faaliliu ma lolomiina le Tusi a Mamona.

i faaaliga, atonu sa ia popole o le a taulai tele atu tagata i le auala na oo mai ai le tusi, ae itiiti tele i le tusi lava ia.

O le manatu e sili ona tulagaese na faia e Iosefa Samita e uiga i le faaliliuga o le Tusi a Mamona o le faapea na ia faia "i le meaalofa ma le mana o le Atua."²⁴ O le tusi lava ia, sa ia aoaoina ai taitai o le Ekalesia, "sa sili atu ona sa'o i soo se Tusi i luga o le lalolagi & o le maaauau o la tatou tapuaiga," ma e ala i le usitaia o ona mataupu, o le au faitau o le a latalata "atu ai i le [Atua] . . . nai lo [se] isi lava tusi."²⁵ ■

FAAMATALAGA

1. Tagai Mataupu Faavae ma Feagaiga 115.
2. Faatomuaga i le Tusi a Mamona, ca. Aok. 1829, i *Documents, Volume 1: Julai 1828–Juni 1831*, vol. 1 o Documents series of *The Joseph Smith Papers* (2013), 93. Tagai foi "O Mau a Molimau e Toatolu," Tusi a Mamona.
3. Tagai Esoto 4:1–5, 17, 20–21; 7:8–21; 8:16–19; 9:22–26; 10:12–15; 14:15–18; 17:1–13; Numera 17:1–10; 20:7–11; Eperu 9:4.
4. Tagai Numera 21:7–9; Ioane 3:14–15.
5. Tagai Esoto 28:12; 35:9, 27; 1 Samuelu 23:9–12; 30:7–8.
6. Tagai i Esoto 28:30; Levitiko 8:8; Numera 27:21; Teuteronomie 33:8; 1 Samuelu 28:6; Esera 2:63; Neemia 7:65.
7. Mo nisi faamatalaga i lenei aganuu faalelotu o le seneturi lona 19, tagai i le *Journals, Volume 1: 1832–1839*, vol. 1 o le Journals series of *The Joseph Smith Papers* (2008), xix; ma *Revelations and Translations, Volume 3: Printer's Manuscript of the Book of Mormon*, vol. 3 of the Revelations and Translations series of *The Joseph Smith Papers* (2015), xv–xvi; Dallin H. Oaks, "Recent Events Involving Church History and Forged Documents," *Ensign*, Oke. 1987, 68–69.
8. Tagai i le faamatalaga a Iosefa Samita le Matua, e pei ona siina mai i le Francis W. Kirkham, *A New Witness for Christ in America: The Book of Mormon*, vol. 2 (1959), 366; tagai foi Lucy Mack Smith, "Lucy Mack Smith, History, 1844–1845," tusi 3, itulau 10, josephsmithpapers.org/paperSummarylucy-mack-smith-history-1844-1845. Na toe manatua e Matini Harisi le suesueina o le agavaa o Iosefa i le tuuina atu ia te ia e sue se fao i se faaputuga o vaomago (tagai i le "Mormonism—No. II," *Tiffany's Monthly*, Julai 1859, 164).
9. Tagai, mo se faataitaiga, Iosefa Samita—Talafaasolopito i le Penina Tau Tele.
10. Tagai Mataupu Faavae ma Feagaiga 130:10–11. Tagai foi i le faaupuga muamua lava o lea ua avea nei ma Mataupu Faavae ma Feagaiga 8, na faataau ia Oliva Kaotui a o ia e fia fesoasoani atu ia Iosefa Samita i le faaliliuina o le Tusi a Mamona (Faaaliga, Ap. 1829—E, i le *Documents, Volume 1: Julai 1828–Juni 1831*, 44–47).
11. Iosefa Samita, "History, ca. Summer 1832," i le *Histories, Volume 1: 1832–1844*, vol. 1 o le Histories series of *The Joseph Smith Papers* (2012), 14.
12. Tagai i le Iosefa Samita—Talafaasolopito 1:35; Joseph Smith, "Church History," i le *Histories, Volume 1: 1832–1844*, 495; Martin Harris, i "Mormonism—No. II," 165–66; "Lucy Mack Smith, History, 1844–1845," tusi 5, itulau 7–8, josephsmithpapers.org.
13. Tagai, mo se faataitaiga, "Lucy Mack Smith, History, 1844–1845," tusi 5, josephsmithpapers.org.
14. E malamalama lelei, o lenei eseeseaga ua le mautonu ai tagata tusitala. Tagai, mo se faataitaiga, Bruce R. McConkie, *Mormon Doctrine*, lom. 2 (1966), 307–8; Joseph Fielding McConkie and Robert L. Millet, *Doctrinal Commentary on the Book of Mormon*, 4 vol. (1987–92), 3:278; ma Matthew B. Brown, *All Things Restored: Confirming the Authenticity of LDS Beliefs* (2000), 62.
15. Tagai William W Phelps, Lauga o le Maliu o Iosefa ma Ailama Samita, Church History Library, Sate Leki Iuta; Orson Pratt, "Explanation of Substituted Names in the Covenants," *The Seer*, Mat. 1854, 229; William W. Phelps, tusi ia Polika Iaga, Ape. 10, 1854, i le Brigham Young, Office Files, 1832–1878, Church History Library, Aai o Sate Leki, i le *Revelations and Translations, Volume 2: Published Revelations*, vol. 2 o Revelations and Translations series of *The Joseph Smith Papers* (2011), 708–9.
16. Mo nisi faamatalaga i le faaliliuga, tagai i le "Book of Mormon Translation," e maua i lds.org/topics/book-of-mormon-translation. Tagai foi Russell M. Nelson, "A Treasured Testament," *Ensign*, Julai 1993, 61–65; Neal A. Maxwell, "By the Gift and Power of God," *Ensign*, Ian. 1997, 36–41.
17. Uilifoti Utififi, mo se faataitaiga, na taua se maa talifaaliga sa ia vaai i ai i Navu o se Urima ma le Tumema (Api o talaaga a Wilford Woodruff, Tes. 27, 1841, Church History Library). Tagai foi i le *Revelations and Translations, Volume 3: Printer's Manuscript of the Book of Mormon*, xix.
18. Tagai i le *Revelations and Translations, Volume 3: Printer's Manuscript of the Book of Mormon*, xviii–xix.
19. Mo se otootoga puupuu o amataga o lenei taumafaga, tagai i le *Documents, Volume 1: Julai 1828–Juni 1831*, 150–52.
20. Minute, aso 17 o Ape., 1853, Church History Library.
21. "Two Days' Meeting at Brigham City, Juni 27 ma 28, 1874," *Millennial Star*, Aok. 11, 1874, 498–99.
22. Minute, aso 30 o Setema, 1855, Church History Library.
23. Minute, Oke. 25–26, 1831, i le *Documents, Volume 2: Julai 1831–Januari 1833*, vol. 2 o Documents series of *The Joseph Smith Papers* (2013), 84.
24. Faatomuaga i le Tusi a Mamona, ca. aokuso 1829, i le *Documents, Volume 1: Julai 1828–Juni 1831*, 93. Tagai foi "O Le Mau a Molimau e Toatolu," Tusi a Mamona.
25. Iosefa Samita, i le api o talaaga a Wilford Woodruff, Nov. 28, 1841, Church History Library; po o faatomuaga i le Tusi a Mamona.

FAAALIA AI LE FAAGASOLOGA O LE FAALILIUGA

Le tele o tausaga, na taumafai tusiata e tuisia le faaliliuga o le Tusi a Mamona, e faaali ai e na auai i le tele o nofoaga matulaga faatasi ma ni mea faatino eseese. O faaliliuga taitasi a tusiata e faavae i luga o ona lava manatu, saililiga, ma vaaiiga faalemafaufau, o nisi taimi e fesoasoani e ala i le sao ma le taitaiga mai isi. O ni nai vaaiiga nei na faia mai i le tele o tausaga.



O le faatufugaga a le tusiata o Iosefa Samita i le suesueina o papatusi. Na ta'ua e Iosefa na ia "kopiina le tele" o mataitusi mai i papatusi. Ina ua uma ona ia faaliliuina nei mataitusi "e ala i le Urima ma le Tumema", na ave e Matini Harisi ia mataitusi ia Charles Anthon ma isi tagata atamamai e faamonia le faaliliuga o (Iosefa Samita—Talafaasolopito 1:62–64).


O le faatufugaga a le tusiata o Iosefa Samita o faaliliuina ao ofuina le uifatatafaatasi ai ma faamatalaupu po o tioata o loo faapipii i ai, lea na ta'ua mulimuli ane, o le Urima ma le Tumema.



ATA NA TUSIA E ROBERT T. BARRETT



Ata na tusi e le tusiata o Iosefa Samita ma Oliva Kaotui o loo galulue i le faaliliuga o le Tusi a Mamona. E le pei o le mea o loo faaalia iinei, na saunoa mai Oliva Kaotui na te lei vaai i papatusi seia maea le faaliliuga. Na lipotia mai e molimau o le taimi o le faaliliuga, o papatusi sa puipuia mai le vaaiiga, e pei o le ufiufiina i se ie lino.



Ata na tusia e le tusiata o Iosefa Samita ma se tusiupu o loo faaliliuina ma se palanikeke i lo la va. E ui lava e leai se palanikeke o loo ta'ua i le tele o faamatalaga o le faagasologa o le faaliliuga, sa faaaogaina se tasi i se taimi muamua e puipui ai le tusiupu mai le vaai i papatusi, tioata, po o le uifatatafa. I le faaiuga o le taumafaiga o le faaliliuga, atonu sa faaaogaina se palanikeke e puipuia ai le tagata faalili ma le tusiupu mai isi tagata taitoatas i fia iloa e maimoaina i le faaliliuga.

IOSEFA O LOO FAALILIUINA LE TUSI A MAMONA, SAUNIA E DEL PARSON

FAALILIUGA O PAPATUSI; SAUNIA E EARL JONES, FAAGASOLOGA A LE CHURCH HISTORY MUSEUM

O Upu E SUIA AI LO TATOU Lalolagi

Saunia e Norman C. Hill

Peresitene, o le Misiona i Sisifo a Accra Ghana

*Na faaalia e se
aufono a le itu i
Ghana pe faa-
pefea e le fefau-
tuaai faatasi ma
le faaaaogaina o
punaoa i le lotoi-
fale ona mafai
ona fatuina ni
avanoa mo le
tuputupu ae
faaletagata lava
ia ma le auaua
atu i isi.*

O Sister Vida Osei o Ghana e manao e aoao e faitau ma tusitusi i le gagana Peretania. Sa ia taumafai i polokalama o le alalafaga i le tele o taimi ae na loto vaivai ma fiu i totonu o ni vайaso. Ona oo lea i se tasi Aso Sa a o auai i sauniga i le Paranesi Lua, sa ia iloaina ai sa lagolagoina e le Itu o Asamankese se polokalama o le tusitusi ma le faitautusi faa-Peretania. Sa ia filifili e faaaoga le avanoa ma lesitala loa.

Sa ia vave iloaina o le polokalama lenei e ese. O le a mafai ona ia auai ma uo mai le lotu. E faaaoga tusitusiga Paia mo le suesueina, o lea la o le a ia aoaoina le gagana Peretania ma le talalelei i le taimi lava e tasi.

E lua masina talu ona amata le vasega, na tuuina mai e Vida lana tatalo muamua i se vasega—muamua lava. E tolu masina talu ona amata, na ia tuuina mai ai lana lauga muamua-lava i le sauniga faamanatuga, o se vaega i le Faatwi, o se gagana i le lotofale o Aferika, ma se vaega i le gagana Peretania. I le fa masina talu le amata, sa amata ona ia tusia i se tamai api masaesae ia oka, o tau, ma totogi mo lana galuega i le avea ai ma se suisui e faigaluega tutoatasi. Sa faaitiitia ni nai mea sese ma tagata faatau, maua ni tau e sili ona pau mai kamupani siatoa, ma maua ai ni tupe e sili atu nai lo le taimi muamua i masina ua tuanai.

“Sa ou matua’i matamuli lava e auai i se vasega ma soo se isi lava tagata,” o lana tala lea. “Ae ina ua faia le vasega o le tusitusi ma le faitautusi i le falelotu faatasi ma tagata o le eklesia sa ou iloaina, na tuuina mai ia te au le lototele e toe taumafai ai. Ma o lenei ua mafai ona ou faitau i tusitusiga paia ma faaleleia atili ai la’u pisinisi e ala i le faitau ma tusitusi i le gagana Peretania.”

I Aferika i le itu i-saute o Sahara, e toatele tagata, aemaise lava tamaitai, e le iloa faitau ma tusitusi. O le le iloa faitau ma tusitusi ua matuai salalau lava ma o se alagaupu tuai a Aferika e faapea, “Afai e te manao e nana se mea, tusi i se tusi.” Mo tamaitai o le Au Paia o Aso e Gata Ai e pei o Vida, e ui i lea, o le iloa tusitusi ma faitautusi ua faateleina.





Tagata auai, o tagata o le aiga, ma uo e faamanatutina i sauniga o le faauuga mo le polokalama o le tusitusi ma le faitautusi na lagolagoina e le itu.

Luitau e Faatoilalo

O le faatapulaaina o auala o femalagaaga ma le tapulaa o aoaoga lautele i le tele o atunu o le itu i-saute o Sahara o lona uiga o avanoa e faatapulaaina, ae maise lava mo teine. Ona o le maualuga o le tau o aoga ma tulaga faatapulaa o teine i le sosaiete, i le tele o tagata o le faitautusi e foliga mai o se tomai e le mafai ona maua. I Kana, mo se faataitaiga, e ui o le gagana Peretania o le gagana aloaia, e fuafuina faapea e itiiti ifo ma le afa o tamaitai matutua e tautatala faa-Peretania. I nuu maotua o Kana, o le lua-vae tolu o tamaitai matutua e le iloa faitau ma tusitusi.

“O le tele o tamaitai i o matou taulaga ma nuu e le tautatala Faaperetania,” o le tala lea a Seth Oppong, peresitene o le Itu o Abomosu i le Misiona i Sisifo a Kana Accra. “O la matou gagana i le lotofale, o le Faatwi, ua avea ma se gagana tautala mo le tele o seneturi. Faatoa faia talu ai lava se alafapeta mo le Faatwi, ma e laiti lava ni nai tagata e faitau foi, i ai.”

“O tuafafine e tatau ona faalagolago i isi—e tele lava o a latou tane pe a latou faaipoipo, po o upu i talanoaga mai uo pe afai latou te lei faaipoipo—ina ia malamalamai i mataupu faavae ma aiaiga a le Eklesia,” na faamatala mai ai e Georgina Amoaka, le peresitene o le Aualofa a le itu. “O le toatele ua i ai se manao tele e auauna atu, ae e le mafai ona latou faitau i tusi lesona po o mekasini ma o a latou avanoa e auai i le lotu ua faatapulaaina.”

Fautuaga mai le Aufono

Talu ai o tamaitai e le tautatala Igilisi i o latou aiga po o le maketi, o le auai i le Eklesia e tuuina atu lo latou uuniga autu e aoaoina le gagana. Ae o tagata ua leva ona lolotu ma tagata fou liliu mai atonu e fetaia'i ma le tetee faaleaiga e faatatau i polokalama tusitusi ma faitautusi. Na talanoaina e le aufono a le itu lenei popolega, ona saunoa atu lea o Peresitene Oppong i taitai perisitua ma taitai o ausilali i paranesi taitasi e uiga i se auala o le a faalautele ai i le itu le aoaoga o le tusitusi ma le faitautusi. A o tatala atu i tamaitai uma i le nuu, o le polokalama o le a taulai atu i tamaitai i le Eklesia. Nai lo le valaaulia o tagata taitoatasi, o valaaulia e tuuina atu ia auai atu i ni vaega—mo se faataitaiga, au

peresitene o le Aualofa ma le Peraimeri o le a auai faatasi ina ia mafai ona latou lagolago e le tasi i le isi.

E faavae i talanoaga ma paranesi, na filifili taitai o le itu e faia vasega o le faitau ma le tusitusi i paranesi taitasi i Aso Sa faapea foi ma le faalua i le vaiaso. Ina ua mavae se taumafaiga atoatoa mo le ono masina, o tusi faamaonia o le faamaeaina o le kosi o le a tauaaotu ia i latou na auai soo ma faamaeaina meaaoga na manaomia.

Punaoa e Fetuunai i Manaoga

“O se tasi o luitau o le sailia o se auala e aoao atu ai le faitau ma tusitusi i tagata e na o se gagana tautala e iloa” o le tala lea a Elder Jim Dalton, o se faifeau faamisiona matua o loo auauna atu i le itu. “Ona o le Faatwi o se tu ma agaifanua o se gagana tautala-ae-le-tusitusia, o le toatele o tagata e tautatala ai e le iloa pe faapefea ona tuisaina, o lea sa matou amata ai i le aoao e tusitusi.”

O Ransford Darkwah o le fautua maualuga o le Itu o Abomosu e galulue ma faifeatalai e toalua ua maea misiona, o Francis Ansah ma Cecelia Amankwah, e faaaoga ai se tusi lesona na lomia i le lotofale. O tagata auai na faaali i ai ni ata ma fai i ai e tusi e uiga i mea na latou vaaia. Na fesoasoani lenei mea ia te i latou e atiina ae tomai autu o le tusitusi a oaooina e mafaufau faa-Peretania. O le taimi lava e maua ai ni tomai autu, ona mafai lea ona faaaoga ni punaoa e sili atu ona faigata.

Sauniuniga ma le Faaleleia

A o lei amataina le polokalama, sa aoaoina e tagata tomai faapitoa o le tusitusi ma faitautusi faiaoga e le gata i le aoaoina o metotia, ae faapea foi i le auala e aoao atu ai le faatinoina o le tumama ma tomai o le olaga faaleaiga. Ae e oo lava i le aoaoga sili ona lelei e le mafai ona muai vaaia nisi o luitau sa fetaiai ai i le taimi lava na amata ai vasega: o le pe soo o le eletise i le eria na faigata ai vasega o le afiafi, o tala felauai o tagata eli auro le pulea o loo feoai i auala i le po na faatupuina ai le popole, ma e i ai taimi o i latou e i ai ki na le mafai ona taunu atu i le taimi e tatala ai pale o le eklesia.

Na toe faia foi, le talanoaga a le aufono a le itu i le mea e tatau ona fai. I le tali atu i la latou fautuaga, na amata ona



OLA TUTOATASI MUSUIA

"E leai lava se tali aoao se tasi i le uelefea a le Ekalesia. O se polokalama o le fesoasoani atu o le tagata lava ia lea e nafa ai tagata taitoatasi ma le ola tutoatasi patino. O a tatou punaoa e aofia ai tatalo patino, o a tatou lava taleni ma tomai na tuuina mai e le Atua, o aseta ua tatou maua e ala mai i o tatou lava aiga ma tagata o o tatou aiga lautele, o punaoa eseese mai le nuu, atoa ai ma le lagolago agaalofa a korama o le perisitua ma le Aualofa. . . .

I le faaiuga, e ao ina e faia i lau eria mea na faia e soo o Keriso i tisipensione uma: fefautuaai faatasi, faaaoga uma punaoa o loo maua, saili atu i le musumusuga a le Agaga Paia, ole atu i le Alii mo Lana faamau-tinoaga, ona afe lea i luga o lima o lou ofu, ma alu e galue."

Peresitene Dieter F. Uchtdorf, Fesoasoani Lua i le Au Peresitene Sili, "O le Faia i le Ala a le Alii," *Liahona*, Nov. 2011, 53–56.

o mai faatasi vaega o tagata e auai i le vasega. Sa tuuina atu ia i latou moliuila e fesoasoani ia i latou mo le saogalemu e savavali ai i luga o auala savali. Na faatagaina e taitai o le lotoifale le faaaogaina o ni afi e faaola ai moli o fale o le ekalesia i le po. O tagata e faatuatuaaina o le ekalesia sa nonofo latalata i falelotu sa tuuina atu i ai ki ina ia mafai ona latou tatalaina vave ai fale.

Aoaoga i le Faauuga

E onosefulu-tasi tagata o le ekalesia ma tagata sailili sa amata i le polokalama. Na faamaeaina e le toa fasefulu-tolu uma ia vasega ma meaaoga. I le faauuga, sa valaaulia i latou e tuuina atu ni aoaoga puupuu.

"A o lei amataina le polokalama o le tusi-tusi ma faitautusi, sa le mafai ona ou fai tauina se mea se tasi," o le tala lea a Sandra Obeng Amoh o le Paranesi o Sankubenase. "A malaga lo'u toalua mo le galuega, ou te lei faia lava ni afiafi faaleaiga. O ni nai vaiaso ua mavae ina ua malaga o ia, sa fesoasoani ia te au lou atalii matua e fai tau le tusi lesona, ma sa ou tuuina atu se lesona i le gagana Peretania i la'u fanau. Talu mai lena taimi ua ou faia lava i vaiaso uma e le'i i ai ai lo'u toalua i le fale."

O Prosper Gyekete, o le e ui lava e le lava lona tomai faa-Peretania o loo avea pea o se tagata faamaoni i le Paranesi Lua o Abomosu, sa fai tau se molimau e tolu fuaiupu na tusia e ia lava. Sa ia fai mai sa le mafai ona ia fai tau pe tusitusi a o lei amataina le vasega ae o le taimi nei ua mafai ona ia fesoasoani i lana fanau talavou i a latou meaaoga. "Faafetai i mea ua ou aoaoina," na ia saunoa ai, "ua mafai ona avea au ma se tama e sili atu ona lelei."

"Ua mafai nei ona ou fai tauina tusitusiga paia e au lava ia," o le tala lea a Kwaku Sasu o le Paranesi a Kwabeng. "O le taimi

muamua, sa ou iloa e moni le Tusi a Mamona e ui lava sa le mafai ona ou fai tauina. O lenei ua ou iloa e moni *ao* ou fai tau i ai. O la'u molimau ua tuputupu ae ma tuputupu ae."

Na fai mai le au peresitene o le Aualofa a le Paranesi o Asunafo latou te faapaiaina aso Tofi taitasi e talanoa atu ai le tasi i le isi i le na o le Igilisi lava. "Sa faapea ona uumi ai nisi talanoaga i lena aso aua sa matou le mafai ona mafaufau i upu sao e fai atu e le tasi i le isi," o le tala lea a Evelyn Agyeiwaa, le peresitene o le Aualofa. "Ae na vasega ona amata ona faaliliu e le tasi i le isi, ma sueina le upu sao e fai atu. Talu ai ona sa matou aoao faatasi, e leai se tasi o i matou sa ma pe fefe e fai atu ni upu sese. E na ona fesoasoani o le tasi i le isi."

Faateleina Faamanuiaga

Na fai mai tamaitai o e na faamaeaina le polokalama o le tusi-tusi ma le faitautusi a le Itu o Abomosu na latou maua se lagona e sili atu ona lelei e uiga ia i latou lava ma o le a sili atu ona auai i le ekalesia. Sa oo ina sili atu lo latou naunau e talia valaauga, fai tau tusitusiga paia, ma aoao atu i le lotu ma i le fale foi. Sa faamaeaina foi e nisi o alii le polokalama. O le tele lava o faifaatoaga mo le aiga, sa fai mai ua sili atu nei ona latou fuafuaina tau ma faatau o a latou faatoaga, fesoasoani i tamaiti i a latou meaaoga, ma fai tau tusitusiga paia e i latou lava ma o latou aiga.

I le faamalosiauin a ala i le manuia i Abomosu, o le Itu tuaoi o Asamankese ua faalauiloa lana lava polokalama o le tusi-tusi ma le faitautusi.

"O le mafai ona fai tau ma tuisitu ua suia o matou olaga ma olaga o a matou fanau," o le tala lea a Gladis ASEIDU o le Paranesi a Sankubenase. "O upu ua suia lo matou lalolagi, ma matou te faafetai i lo tatou Tama oi le Lagi." ■





Saunia e
Carol F. McConkie
Fesoasoani
Muamua i le Au
Peresitene Aoao

Aoaoina o le Autalavou

PE FAAPEFEA ONA TAITAI ILE ALA A LE FAAOLA

O a tatou tupulaga talavou e le na o ni taitai o le lumana. O i latou o ni taitai i le taimi nei. E mafai ona tatou fesoasoani ia i latou e taitai e pei o le Faaola.

Imatua ma taitai o le autalavou, na saunoa Elder David A. Bednar o le Korama a Aposetolo e Toasefululu i le paleni maaleale e tatau ona tatou maua: “Valaaulia le tupulaga talavou e galulue. E tatau ona e i ai iina, ae e tatau ona e alu ese mai le ala. E tatau ona e tuuina atu le faatonuga e aunoa ma le puleaina.”¹

E mafai ona fesoasoani matua ma taitai i alii ma tamaitai talavou ia aoao i matapu faavae e fa o le a saunia i latou e taitai ai i le amiontonu ma fausia le malo o le Atua i le lalolagi.

Ina ua 14 ou tausaga, sa ou feiloai i nisi o tamaitai talavou o e na avea ma taitai e sili ona lelei. O le taimi lena, na siitia atu ai lo‘u aiga i le isi itu o le Iunaite Setete ma avea ai ma ni tagata o se uarota fou. Ou te le manatua po o ai sa auauna atu i le au peresitene o le vasega a le Maea Maite, ae ou te manatuaina lelei lava o tamaitai talavou na faapitoa lava le agalelei ia te au. Na latou taliaina se teineitiiti fou fefe ma paee e avea ma se uo ua leva ona leiloa ma na ou lagolina le taliaina. E o mai mai Delaware, lea sa na o au lava le teine Mamona i la‘u aoga maualuga ma e pau lava le isi teine Mamona sa ou iloaina sa nofo i le itula e malaga atu ai mai lo‘u aiga, sa ou mafaufau, “*Masalo e faapenei* le lagi”

Mo le taimi muamua i lo‘u olaga, sa ou maua ai se li‘o o uo o e ola i tulaga faatonuina i *Mo le Malosi o le*

Autalavou, na valaaulia au e auai i gaoioiga, ma faasoai mai a latou molimau o le talalelei ia te au. O a latou faataitaiga o le alofa-agalelei sa faamausaliina atili ai au i Le Ekalesia a Iesu Keriso o le Au Paia o Aso e Gata Ai i lena taimi nai lo se mea e mafai ona faia e soo se lauga po o se lesona. I lo latou alofa ma le malamalamā e faapei o Keriso, sa avea i latou ma savali o le talalelei a Keriso, ma o i latou na taitaia ma taialaina au i totonu o Lana lafu.

O le a le mea na mafai ai e a‘u uo fou ona avea ma taitai sili?

Na faauigaina e se faifeautalai talavou le ala faataitai i se ala faigofie lava. Sa ia fai mai: “E tatau ona tatou i ai i le nofoaga sa‘o i le taimi sa‘o ma faia le finagalo o le Alii ma fesoasoani atu i le tagata o loo moomia la tatou fesoasoani. O le ala lena e avea ai i tatou ma taitai.”² E ala i lo latou faasinomaga ma le Malamalamā o Keriso e susulu i totonu o i latou, o alii ma tamaitai talavou faamaoni o lenei Ekalesia atoa ua i ai le malosiaga e *taitai ai i le ala a le Faaola* ma “fesoasoani i isi tagata e avea ma soo moni o . . . Iesu Keriso.”³

I le avea ai ma taitai tatou te taitai, taialaina, ma savavali i tafatafa o o tatou alii ma tamaitai talavou. Ae o au peresitene o vasega ma korama o loo nafa ma le taitaiina ma le faatonutonuina o galuega a a latou vasega ma korama, e aofia ai le filifilia o lesona i aso. Sa ma le fuafuaina o gaoioiga o aso o le vaiaso. O taitai o vasega ma korama ua valaaaina ma vaetofia i lalo o le taitaiga a i latou o e umia ki o le perisitua; o lea ua latou maua ai le pule e taitai ai ma faamalolosia isi talavou. Latou te mulimuli i le faataitaiga a le Faaola ma aoao e auauna atu e pei ona Ia auauna atu ma galue faapei ona Ia faia.

O Avanoa mo Tulaga Faaletaitai a le Autalavou

E amata le tulaga faaletaitai i le aiga. "Faia o lo tatou tiute i le Atua i le avea ai ma matua ma taitai e amata i le taitai e ala i faataitaiga—ola ai pea lava pea ma le maelega i mataupu faavae i le fale," na aoao mai ai Elder Robert D. Hales o le Korama a Apostolo e Toasefululua. "E manaomia ai le naunautai i aso taitasi ma le maelega."⁴ E aoao atu e matua le aoaoga faavae a Keriso. Latou te fesoasoani i le autalavou e faatutu ma faataunu ia sini. O le Alualu i Luma o le Tagata Lava ia ma le Tiute i le Atua e fesoasoani i autalavou e faamalolosia a latou molimau ia Iesu Keriso, saunia e osia ma tausia feagaiga paia, ma faataunu a latou matafaioi paia ma tiutetauave i le aiga, au aiga, ma le Ekalesia.

I le lotu, e mafai ona fesoasoani taitai o le Perisitua Arona ma Tamaitai Talavou i le autalavou o loo auauna atu i le korama ma au peresitene o vasega ia malamalamia i o latou tiute paia ma le faalauteleina o o latou valaauga e faafailele ma faamalolosia ai isi tagata uma o le korama ma vasega.

I le avea ai ma taitai matutua, tatou te saunia le autalavou e taitai korama ma fonotaga a vasega ma gaoioiga a le Mutuale. Tatou te feiloai ma le autalavou i fonotaga a le au peresitene a o latou fuafuaina ni auala e auauna atu ai ia i latou o loo tauivi, e faaaofia uma le autalavou i lesona i aso

Sa, ma fuafua ai gaoioiga, galuega faatino, tolauapiga ma konafesi a le autalavou.

Tatou te fautuaina le au peresitene o le autalavou ina ia fesoasoani i tagata uma o korama ma vasega ia auai i soo se vaega o le galuega o le faaolataga, e aofia ai le galuega faafaifeatalai a tagata lotu, faatumauina, faatoaagaina mai o tagata ua le toaaga, galuega o le malumalu ma talafaasolopito o aiga, ma le aoaoina atu o le talalelei.⁵ O le au peresitene o le autalavou e fesoasoani i alii ma tamaitai talavou uma e aoao i le olioli ma le faamanuiaga o le auauna atu i le suafa o le Faaola ma le fafagaina o Ana mamoe.

O le galuega a le taitai e le o le faia o ni pepa e tufa ai le atoatoa mai le Pinterest po o le tuuina atu o lauga e faatumulia i mea moni. O le galuega a le taitai o le fesoasoani i alii ma tamaitai talavou e aoao ma faaaoga ia mataupu faavae o le a fesoasoani ia *i latou* e taitai i le ala a le Faaola. O mea nei o ni vaega e fa o na mataupu faavae.⁶

Saunia Faaleagaga

Fesoasoani i le autalavou ia malamalamia i le mana o lo latou sauniunga faaleagaga faaletagata lava ia. Aoao i latou e faaaoga le faatuatua i feagaiga latou te faia i le sauniga o le faamanatuga. O lo latou naunautaiga e tauave i o latou luga le suafa o Keriso, ia manatua o Ia, ma tausi Ana

poloiga e faaagavaaina i latou i le mafutaga a le Agaga Paia. E le o tuulafoaiina i latou i la latou auanaga pe a mafai ona latou maua, iloa, ma usitai i uunaiga a le Agaga Paia.

Latou te saunia faaleagaga e ala i le sailia o le taitaiga i le tatalo faatauanau ma le suesueina o tusitusiga paia mo ni tali. Latou te taumafai e tausi poloiga ina ia mafai e le Agaga Paia ona tautala atu ia te i latou i o latou loto ma mafaufau ina ia latou lagonaina ma iloa o loo manaomia la latou fesoasoani ma o le a se mea e mafai ona latou faia. Latou te lagonaina le alofa mama o Keriso mo tagata taitasi o le vasega po o le korama.



AOFAIGA TALAFEAGAI O LE TAITAIGA

E manaomia e le autalavou ni tulaga eseese o le lagolagosua a o latou aoao e taitai. O nisi e sili atu mea latou te mafaia ona faia e i latou lava; o isi o le a manaomia le taitaiga e sili atu. O matua e mafai ona fefautuaai faatasi a o latou fesoasoani ia latou fanau e aoao e taitai, ma o le au peresitene o Alii ma Tamaitai Talavou e mafai ona fefautuaai faatasi ma le au epikopo a o latou fuafua pe o le a le tele o le taitaiga e tuuina atu i talavou taitasi i le uarota. O le sini: ina ia fesoasoani i alii ma tamaitai talavou taitasi ia alualu i luma, e amata i le mea o loo latou i ai.



O le sauniuniga faaleagaga e maua ai e le autalavou le talitonuga o i latou o sui o le Alii ma o i latou o i ai i Lana galuega (tagai i le MF&F 64:29).

Auai I Aufono

Aoao atu le autalavou i le faatulagaga autu ma le mana faafaaaliga o le aufono a o latou auai i lenei faagasologa faalelagi na faatulagaina e ala mai ai le puleaina o le Ekalesia a le Alii ma faamanuiaina ai tagata taitoatasi ma aiga.⁷ O fonotaga a le komiti a le autalavou a le Epikopo ma le korama ma au peresitene o vasega o ni aufono e aoao ai e le autalavou o latou tiute ma maua ai tiutetauave e auauna atu ai i isi.

Tagata o le aufono:

- E lotogatasi ma mulimuli i taitaiga a taitai perisitua, o loo umia ki o le perisitua.
- Faasoa atu o latou mafaufauga ma manatu i se agaga o le amiontonu, paia, faatuatua, mama, onosai, alofa mama, ma le agalelei faauso.
- E galulue faatasi, e pei ona taialaina ai e le Agaga Paia, e fuafua mea o le a latou faia e fesoasoani ai ia i latou e manaomia le fesoasoani.

Auauna Atu i Isi

E taitai le autalavou i le ala a le Faaola pe a latou auauna atu i le alofa ma le agalelei. Na aoao mai Iosefa Samita: "E leai ma se isi auala ua fuafuaina e taitaiina tagata ina ia tuu-eseina le agasala nai lo le uuina o o latou lima, ma leoleo ia i latou ma le alofa. A faaali mai e tagata le leai o se agalelei

ma se alofa ia te au, Oka se mamafa o lena mea i lou mafaufa."⁸

Na aoao mai e le Faaola le taua ma le taugata o agaga uma (tagai i le MF&F 18:10–15). Fesoasoani i a tatou talavou ia malamalamama i le upumoni mamalu faapea o Iesu Keriso na ofoina mai Lona soifua ma tatala le ala e mafai ai ona o mai uma tagata ia te Ia. I le agaga faafetai mo mea ua Ia faia, o auauna faamaoni a le Alii e aapa atu ma auauna atu i le alofa ma le agalelei i alii ma tamaitai talavou uma, ia na ositalagaina ai e le Faaola mea uma.

Aoao Atu le Talalelei a Iesu Keriso

Fesoasoani i alii ma tamaitai talavou e iloa avanoa e aoao atu ai le talalelei ma malamalamama e faapea, o a latou aoaoga aupito sili ona taua o a latou faataitaiga. A o ola le autalavou e tusa ma upu a perofeta ma tausia o tulaga faatonuina i le *Mo le Malosi o le Autalavou*, ua latou taitai i le ala a le Faaola. E ala i le faamaoni o a latou upu ma amioga, ua latou faaalia ai le uiga o le avea ma se soomon i Iesu Keriso. Latou te laulaututu e fai ma Ana molimau e aunoa ma le pepelo. Ona, pe a latou molimau atu, fesoasoani e aoao atu se lesona o le Aso Sa, po o le faasoa atu o upumoni o le talalelei i a latou uo, o le a faatumuina i latou i le Agaga, ma o a latou upu o le a maua ai le mana e liua ai.

Taitai i le Ala a le Faaola


O le taitai i le ala a le Faaola o se avanoa paia o le a manaomia ai le autalavou e tuu atu le mea sili latou te mafaia a o latou auauna atu i le Alii i le fale, i le Ekalesia, ma le nuu. O alii ma tamaitai talavou e taitai i le ala a le Faaola e avea ma le savali o le talalelei a Keriso, o le tali i tatalo a se isi, o agelu e auauna atu ia i latou e manaomia le fesoasoani, ma le malamalamama o Keriso i le lalolagi. ■

FAAMATALAGA

1. David A. Bednar, "Youth and Family History," [lds.org/youth/family-history/leaders](https://www.lds.org/youth/family-history/leaders).
2. Tusi mai le tama a le tama a Carol F. McConkie, 13 Mati, 2015.
3. *Tusitalima 2: Taitaiina o le Ekalesia* (2010), 3.1
4. Robert D. Hales, "O lo Tatou Tiute I le Atua: O le Misiona a Matua ma Taitai I le Tupulaga Faiae," *Liahona*, Me 2010, 95.
5. Tagai i le *Tusitalima 2*, 5.
6. Tagai *Tusitalima 2*, 3.2.
7. Tagai *Tusitalima 2*, 4.1.
8. *Aoaoga a Peresitene o le Ekalesia: Iosefa Samita* (2007), 394, 428.



FAAMANATUINA O AFIAFI FAALEAIGA



Le 1915, na fautuina e perofeta o aso e gata ai i tatou ina ia faataatia ese se afiafi o vaiaso taitasi mo o tatou aiga. Sa ta'ua o "afiafi o aiga" i le taimi muamua—se taimi e aoao ai le talalelei ma maua le fafia faatasi, a o faamalolosia o tatou sootaga faalelalolagi ma le faavavau.


I le selau tausaga mulimuli ane, ua faaaauau e afiafi faaleaiga ona fesoasoani ia i tatou e fausia aiga na o le a tumau mo le faavavau. Ua folafola mai e perofeta o le a ala mai ai, le faatupuina i o tatou loto o se faatuatua ma le malosi faaleagaga sili atu, ma le puipuiga sili atu, ma o le filemu o le a faatasi ai i o tatou aiga.

Ua tatou i ai uma o se aiga i le lalolagi ma o se vaega o le aiga o lo tatou Tama oi le Lagi. Po o fea lava tatou te i ai i le lalolagi ma po o le a lava lo tatou tulaga i le olaga, e mafai ona tatou faamanatuina ma auai i afiafi faaleaiga. ■

Tauagavale: O le aiga o Moua na faatoa siitia atu talu ai nei i Taialani, lea na latou aoaoina ai le talalelei ma papatisoina ai. Mo afiafi faaleaiga, latou te suesue ai le Tusi a Mamona i le Haamoga, o la latou lava gagana, ma le Taialani, o le gagana a lo latou nuu fou.

Lalo: O le mauaina o le fafia ma le taaalo i taalogia o se tasi o auala o le aiga o Santos o Potukale e fausia ai ni faigauo vavalalata i afiafi faaleaiga.





Taumatau: O le aiga e sili atu lona uiga nai lo le tina, tama, ma fanau i le Ripapelika Temokarasi o Congo. O le mea lea, pe a faapotopoto e Uso Suekameno lona aiga mo le afiafi faaleaiga, o le toatele o tagata mai le nuu e lagona le taliaina e auai faatasi.

Luga: O Tuafafine Gercan o le atu Filipaina e faaaoga pese o le Peraimeri ma tu ma aga o musika e aoao ai lana fanau i le olioli o le talalelei.

Luga: O le aiga o Anderson, o loo vaia iinei i le umukuka o lo latou fale i Georgia, ISA, e fiafia i le faiga o kuki. Latou te faaaogaina i nisi taimi o se vaega o se lesona pe tau lava o sina meaai mama.





Luga: O Uso ma Tuafafine Reynolds o Uosigitone, ISA, e vaavaai mo auala e aoao faafafagofie atu ai le talalelei ina ia mafai ona aoao ma malamalama i ai le la fanau laiti.

Taumatau, mai luga: O le aiga o Espinoza o Polívia e faaaofia lo latou tina matua faamamaluina i le afiafi faaleaiga a o latou pepese ma aoao le talalelei.

Mo le aiga o Jin o Georgia, ISA, o le talafaasolopito o aiga o se gaoioiga i le afiafi faaleaiga e fiafia i ai. E fiafia e

aoaoina le latou fanau e uiga i lo latou tupuaga faaKorea.

O le aiga o Ligertwood o Ausetalia o nisi taimi e o i tafaoga o se vaega o afiafi faaleaiga, ma matamata i vaega matagofie o lo latou aai.



*Tagai i le itulau e 3 i lomiga taitasi o le
Liahona mo manatu mo afiafi faaleaiga.
Faasoaa ata po o vitio o le tou afiafi faaleaiga
e faaaoga ai le #FamilyNight.*

f Aoao atili i le facebook.com/liahona.
magazine (o loo maua i le faaPeretania,
faaPotukale, ma le faaSipaniolo).



*E ala i le mala-
malama ma
mulimuli ma
le usiusitai i
le fuafuaga a
le Atua, tatou
te tausia i
tatou lava mai
le savavali ese
mai le ala e
taitai atu i lo
tatou Tama
Faalelagi.*





Saunia e Elder
Robert D. Hales

O Le Korama
a Aposetolo e
Toasefululua

O Le Fuafuaga o le Faaolataga

O SE OA PAIA O LE MALAMALAMA E TAIALAINA I TATOU

*O le ki i lo tatou manuia i le muai olaga o lo tatou
lagolagoina o le fuafuaga a le Tama. E faapena
foi le ki i lo tatou manuia i le olaga faaletino.*

Sa ou mafaufau soo ai i le leai o se faamoemoe o fanau a le Atua e feoai i le lalolagi pouliuli ma le pagatia, e lē iloaina po o ai i latou, pe o fea na latou o mai ai, pe aisea ua latou i ai i le lalolagi, po o fea latou te o i ai pea mavae o latou olaga faaletino.

E le tatau ona tatou feoai solo. Ua faaalia mai e le Atua upumoni e faavavau e tali ai fesili nei. E maua i Lana fuafuaga sili mo Lana fanau. I tusitusiga paia ua ta'ua lenei fuafuaga o le "fuafuaga o le togiola,"¹ le "fuafuaga o le fiafia,"² ma le "fuafuaga o le faaolataga."³

E ala i le malamalama ma le mulimuli ma le usiusitai i le fuafuaga a le Atua, tatou te tausia i tatou lava mai le o ese atu mai le ala e toe foi atu ai i lo tatou Tama Faalelagi.⁴ Ona, ma e pau lava lena o le ala, e mafai ona tatou ola ai i le ituaiga olaga ua Ia taitaia, o le "ola e faavavau, . . . le meaalofa silisili lea o meaalofa uma a le Atua."⁵

O le meaalofa o le ola e faavavau e matuai aoga lava mo soo se taumafaiga e suesue, aoao, ma faaaoga le fuafuaga o le faaolataga. O le a toetu tagata uma ma maua faamanuiaga o le tino ola pea. Ae ina ia ausia le ola e faavavau—le ola o loo taitaia e le Atua⁶—e taua le ola ai i le fuafuaga o le faaolataga ma lo tatou loto atoa, mafaufau, agaga, ma le malosi.

Malamalama i le Fuafuaga o le Faaolataga

E ese le mamana o le iloaina o le fuafuaga! O le fuafuaga o le faaolataga o se tasi o oa silisili o le malamalama e mafai ona tuuina atu i tagata ona o loo faamalamalama mai ai le faamoemoega e faavavau o le olaga. A aunoa ma lena malamalama, tatou te feoai moni lava i le pogisa. O le mafuaaga lenei e tuuina atu ai e le mamanu a le Atua poloiga i Ana fanau “*ina ua uma ona* ia faaali ia te i latou le fuafuaga o le togiola.”⁷

O lo‘u naunau e fesoasoani ia i tatou taitoatasi ia faaaoga lenei oa o le malamalama—ia malamalama atili ai i le fuafuaga o le faaolataga ma faaaoga lena malamalama i o tatou olaga i aso taitasi.


Faitalia

Ona o le faitalia e taua i lenei fuafuaga, ia tatou amata iina. Ua tuuina mai e lo tatou Tama ia i tatou le gafatia e galulue ai, po o le mumusu e galulue ai⁸ e tusa ai ma upumoni e faavavau—o upumoni ua faia le Atua i le mea ua i ai nei o Ia ma le lagi i le mea ua i ai nei.⁹ Afai tatou te faaaogaina lo tatou faitalia e talia ma ola i nei upumoni, tatou te maua le olioli tumau-faavavau. I le isi itu, afai tatou te faaaogaina lo tatou faitalia ina ia le usiusitai, e tetee i tulafono a le Atua, tatou te oo i mafatiaga ma faanoanoaga.¹⁰

O le saolotoga e maua ai se tulaga talafeagai mo mataupu e tolu o le fuafuaga o le faaolataga: muai olaga, olaga faaletino, ma pe a mavae le olaga nei.

Muai Olaga

E pei ona tautino mai i le “O Le Aiga, o se Folafolaga i le Lalolagi,” o i tatou taitoatasi “o se atalii po o se afafine agaga faapelepele o ni matua faalelagi” ma “se natura paia ma se taunuuga.”¹¹ I se fono i le muai olaga, na faamalamalama mai ia i tatou e le Tama Faalelagi Lana fuafuaga o le togiola.¹² Na faavae Lana fuafuaga i le aoaoga faavae, tulafono, ma mataupu faavae ia na i ai lava i taimi uma.¹³ Na tatou aoaoina afai tatou te taliaina ma mulimuli i le fuafuaga, o le a manaomia i tatou e tuua le afioaga a lo tatou Tama ma le naunautai ma tofotofoina i tatou e faaali atu ai pe o le a tatou filifili e ola e tusa ma Ana tulafono ma



O Iesu Keriso o le Alo pele o le Tama, na filifilia ma muai faauuina talu mai le amataga.

poloiga.¹⁴ Sa tatou fiafia i lenei avanoa¹⁵ ma lagolagoina ma le agaga faafetai le fuafuaga ua ua ofoina mai ia i tatou le ala e avea ai faapei o lo tatou Tama Faalelagi ma mautofi ai i le ola e faavavau.

Ae o le fuafuaga sa aunoa ma le tulaga lamatia: afai tatou te filifili i le olaga nei e le ola e tusa ai ma tulafono e faavavau a le Atua, o le a tatou maua se mea e ititi ifo nai lo le ola e faavavau.¹⁶ Na silafia e le Tama o le a tatou tau-tevateva ma agasala e pei ona tatou aoaoina e ala i aafiaga i le olaga nei, o lea na Ia saunia ai se Faaola e togiola ai mai le agasala tagata uma e salamo ma faamalolo ai manu‘a faaleagaga ma faaleagona o i latou o e usiusitai.¹⁷

O Iesu Keriso o le Alo pele o le Tama, na filifilia ma muai faauuina talu mai le amataga.¹⁸ Na Ia lagolagoina le fuafuaga a le Tama ma ofo atu e avea ma o tatou Faaola, ma fetalai mai: “O Au lenei, auina atu au.”¹⁹ O lea la, o Iesu na tofia e le Tama e avea ma Tagata e ola i se olaga e leai se agasala i le olaga nei, o le togiola mo a tatou agasala ma puapuaga, ma toetu mai ia motusia ai noataga o le otu.

O Lusifelo, o lea ua lauliloa nei o Satani, sa ola foi i le muai olaga.²⁰ Mo mafuaaga manatu faapito na ia teena ai le fuafuaga, ma saili e faaumtia le

saolotoga o le tagata, ma tetee atu i le Tama.²¹ O se tau-nuuga, o Satani ma i latou o e na mulimuli ia te ia o le a le maua lava se tino. Sa latou faamelea lo latou avanoa e auai i le fuafuaga a le Tama ma leiloa ai lo latou taunuuga paia.²² I le aso o loo latou faaauau pea lo latou taua o le fouvale faasaga i le Atua ma saili e liliu mafaufau ma loto o tagata ola ia faasagatau atu ia te Ia.²³

Sa manamuina lenei lalolagi ma foaoaina mo i latou o e taliaina le fuafuaga a le Tama.²⁴ O iinei tatou te maua ai se tino ua foaoaina i le faatusa ma foliga o le Atua. O iinei e tofotofoina ai i tatou ma faamaoniaina ai. O iinei tatou te maua ai le aafiaga e manaomia e maua ai le ola e faavavau.²⁵

Olaga Faalelagi

O le Atua na foaoaina Atamu ma Eva ma tuu faatasia i laua o se tane ma se ava, na tuuina i laua i le Faatoaga o Etena, ma poloaiina i laua ia maua ni fanau.²⁶ I le faatinoina



o lo la faitalia, na pauu faatasi ai Atamu ma Eva mai le afioaga o le Atua ma avea ai ma tagata faaletino.²⁷ O lenei mea na faataunuina ai le fuafuaga a le Tama e ala i le mafai ai e i laua ona maua ni fanau, lea e le mafai ona la faia i le Faatoaga o Etena.²⁸ E ala i le tulafono e faavavau, o le mana paia o le foafoaga e tatau ona faaaogaina i totonu o tuaoi ua faataatia e lo tatou Tama Faalelagi. O le faia o lena mea e maua ai avanoa mo le olioli e faavavau. O soo se faaaogaaga o lenei mana paia i fafo atu o tuaoi a le Atua o le a iu lava i le faanoanoa.²⁹

O Satani, e manao i tagata uma “ia pagatia tagata uma e pei o ia lava”,³⁰ e taumafai e toso ese i tatou mai avanoa ia e maua i le fuafuaga a le Tama. Aisea e faatagaina ai e le Tama Faalelagi Satani e faaosooso i tatou? Aua ua Ia silafia o mea faafeagai e tatau ai mo lo tatou tuputupu ae ma le suesueina i le olaga nei.³¹ O le faafeagai e aumaia ai ia i tatou se avanoa e liliu atu ai i le Atua ma faalagolago ia te Ia. Ona o le lelei ma le leaga e i ai pea lava pea i o tatou luma, e mafai ona manino lo tatou faaleoina atu o manaoga o o

tatou loto e ala i le taliaina o le tasi ae teenaina le isi.³² E mafai ona maua le faafeagai i faaosoosoga a Satani, ae faapea foi i o tatou lava vaivaiga, o le vaivaiga faaletino o loo i ai i le tulaga faaletagata.³³

Ina ia fesoasoani ai ia i tatou e filifili ma le atamai, ua faaalia mai e le Atua Lana fuafuaga o le togiola ma ua tuuina mai poloaiga,³⁴ le Malamalamo Keriso,³⁵ ma le mafutaga a le Agaga Paia.³⁶ Ae e ui lava i nei mealofa uma, o soo se tasi o i tatou i lenei lalolagi e pau e agasala lava, ma ua mafai ai e i tatou uma lava ona ulufale atu i le afioaga o le Atua ia tatou lava galuega.³⁷ O le mafuaaga lena o Lana fuafuaga alofa mutimutivale ina ia saunia se Faaola.

O Iesu Keriso na afio mai i le lalolagi o le Alo e Toatasi na Fanaua e le Atua ma faataunuina Lana misiona na atofaina ma le atoatoa e ala i le gauai atu i le finagalo o le Tama i mea uma.³⁸ E tusa ai ma le fuafuaga alofa mutimutivale a le Tama, ua faatoilaloina ai aafiaga o le Pau e ala i le Toetu o le Faaola,³⁹ e mafai ona faatoilaloina taunuuga o le agasala, ma vaivaiga e mafai ona liliu

I le faatinoina o lo la faitalia, na pauu faatasi ai Atamu ma Eva mai le afioaga o le Atua ma avea ai ma tagata faaletino. O lenei mea na faataunuina ai le fuafuaga a le Tama e ala i le mafai ai e i laua ona maua ni fanau.



O le aano moni o le ola faavavau e aofia ai le faaipoipoga e faavavau o le alii ma le tamaitai, o se vaega taua o le avea e faapei o o tatou matua faalelagi.

atu i le malosi pe afai tatou te faaaogaina le Togiola a Iesu Keriso.⁴⁰

E faatoa mafai ona tatou agavaa mo le ola e faavavau i le usiusitai i poloaiga. E manaomia ai le faatuatua i le Alii o Iesu Keriso, salamo, papatisoina, mauaina o le meaalofa o le Agaga Paia, ma tumau e oo i le iuga i le mulimuli i faataitaiga a le Faaola.⁴¹ I se faaupuga talafeagai, e tatau ona tatou mauaina sauniga uma e manaomia o le perisitua ma tumau e oo i le iuga i le tausia o feagaiga e o faatasi ai.

Pe a Mavae le Olaga Nei

Pe a tatou oti, o le a tatou laulaututu taitoatas i se aso i luma o le Faaola ina ia faamasinoina.⁴² Ona e alofa mutimutivale le Atua, o i latou o e faaalia lo latou faatuatua ia Keriso i le salamo o le a faamagaloina ma maua ai mea uma o loo i le Tama, e aofia ai le ola e faavavau.⁴³ Ona o le Atua e amiontonu, o tagata taitoatas i le salamo o le a le mafai ona maua le meaalofa o le ola e faavavau.⁴⁴ O le a tauia tagata taitoatas i tusa ai ma lona faatuatua, salamo, mafaufauga, manaoga, ma galuega.⁴⁵

O le faaaogaina o le Fuafuaga o le Faaolataga i o Tatou Olaga i Aso Taitasi

O le taimi lava tatou te malamalama ai i le faamoemoega atoa o le fuafuaga ma vaaia i tatou lava i totonu, tatou te maua ai se mea e taua tele, e manaomia lava: le vaaiga e faavavau. Ua faailoa e se vaaiga e faavavau a tatou faaiuga i aso taitasi ma faatinoga. Na te faatoaina o tatou mafaufau ma agaga. Pe a taavili faataamilo ia i tatou manatu faatauanau ae faavavau le sese, tatou te tutumau ma le le mafaagaeetia.

E pei ona aoao mai Elder Neal A. Maxwell (1926–2004) o le Korama a Aposetolo e Toasefululua: “A aunoa ma se malamalama i le fuafuaga o le faaolataga, e aofia ai lo tatou muai olaga ma le faamasinoga ma le toetu, ma taumafai ia i ai se uiga o lenei olaga na o ia lava o le a pei o le vaaia na o le vaega lona lua o se tala faatino e tolu-vaega.”⁴⁶ E tatau ona tatou malamalama i le vaega muamua (muai olaga) ina ia mafai ona iloa le auala e faia ai filifiliga e sili ona lelei i le vaega

lona lua (olaga faaletino), lea o le a e iloa ai le mea e tupu ia i tatou i le vaega lona tolu (pe a mavae le olaga nei).

I se isi faaupuga, o le malamalama i le fuafuaga o le faaolataga, faatasi ai ma le tatalo faamaoni, e suia ai le ala tatou te vaai ai i le olaga, i tagata uma e siomia i tatou, ma i tatou lava. O le malamalama i le fuafuaga e faamanino ai la tatou vaaiga faaleagaga ma mafai ai ona tatou vaaai i mea e pei ona i ai moni lava.⁴⁷ E pei o le Urima ma le Tumema na mafai ai e le Perofeta o Iosefa Samita ona maua faaaliga ma le taitaiga,⁴⁸ o le a faapena ona faaalia ai e le malamalama i le fuafuaga ia i tatou pe faapefea ona “faia e tusa ma mataupu faavae ma mataupu autu e faatatau i le lumanai, e tusa ai ma le faitalia” ua tuuina mai e le Alii ia i tatou.⁴⁹ O lea la, o le a faamalosia ai lo tatou faatuatua, ma o le a tatou iloa ai pe faapefea ona faatautaia le ala o lo tatou olaga ma faia ni faaiuga e tusa ai ma le upumoni e faavavau.

O ni nai faataitaiga nei e faapitoa le taura i lo tatou taimi.

O Le Faamoemoega o le Faaiipoipoga i le Fuafuaga a le Atua

O le faaiipoipoga ma le aiga o loo i lalo o le osofaiga aua ua iloa e Satani o mea na e taura i le mauaina o le ola e faavavau—e pei o le taura o le Foaooga, le Pa‘ū, ma le Togiola ma le Toetu o Iesu Keriso.⁵⁰ I le lē faamanuiaina i le faaumatiaina o soo se tasi o na poutu o le fuafuaga, ua saili Satani e faumatia lo tatou malamalama ma le faatinoga o faaiipoipoga ma aiga.

Faatasi ai ma le fuafuaga a le Tama Faalelagi i le avea ai ma se vaega ua tamau o mau faasino, o le faamoemoega o le faaiipoipoga o le a manino lava i le vaai. O le poloaiga e tuua le tama ma le tina, e faatasi i le tasi ma le isi i le faaiipoipoga,⁵¹ ma fanafanau ma uluuluola ma faatumuina le lalolagi⁵² ua mafai ai ona faataunuina Lana fuafuaga. E ala i le faaiipoipoga, ua tatou aumaia ai Ana fanau agaga i le lalolagi ma avea ma se paaga faatasi ma Ia i le fesoasoani ai i Ana fanau e auai i Lana fuafuaga.⁵³

O le fuafuaga a le Tama ua tatou maua ai le auala e maufoti ai i le ola e faavavau, o le olaga ua taitaia e o tatou matua faalelagi. I le fuafuaga, “e leai se tane pe a le o i ai

lefafine, [po o] lefafine pe a le o i ai le tane, i le Alii.”⁵⁴ O le aano moni o le ola faavavau e aofia ai le faaiipoipoga e faavavau o le alii ma le tamaitai, o se vaega taura o le avea e faapei o o tatou matua faalelagi.⁵⁵

O le Faaiipoipoga i le va o le Alii ma le Tamaitai


I le faaiipoipoga ua tatou faaatoatoa ai le tasi i le isi, aua ua na o alii ma tamaitai faatasi ai ma o latou eseesege tulaga ese e mafai ai. O le savavali i le olaga faaletino o se tane ma se ava, tatou te ola faatasi, ma faalatalata atili atu i le Faaola a o tatou usiusitai, faia osigataulaga e faia le finagalo o le

Atua, ma fausia Lona malo faatasi. O le iloaina o le faaiipoipoga e faavavau o se poloaiga a le Atua, ma ua Ia saunia se ala mo Lana fanau ina ia faataunuina mea uma ua Ia poloaiina,⁵⁶ ua tatou iloa ai o le a faamanuiaina a tatou faaiipoipoga pe a tatou aufaatasi i le tausiga o feagaiga na tatou osia.

E ala atu i sauniga o le perisitua ma le filifiliga e tausia feagaiga e tatau i ai na tatou te maua ai le mana faaleatua a o tatou feagai ma luitau o le olaga faaletino.⁵⁷ O sauniga o le malumalu e faaeeina mai ia i tatou le mana mai luga, ma mafai ai ona tatou toe foi atu i le afioaga o lo tatou Tama Faalelagi.⁵⁸ O sauniga o le faamauga e mafai ai e le tane ma le ava ona tutupu ae faatasi e ala i le mana o le Atua ma avea ma tagata e tasi i le Alii.⁵⁹ Soo se tasi e suia lenei ituaiga o faaiipoipoga o le a lē faataunuina ai Ona faamoemoega paia mo i tatou po o le augatupulaga o Ana fanau o mulimuli mai.⁶⁰

Faatosinaga ma Manaoga

O i tatou taitoatasi e o mai i lenei lalolagi agasala ma vaivaiga po o luitau na fananau mai o i ai i le tulaga faaletagata.⁶¹ O le malamalama i le fuafuaga a le Atua e mafai ai ona tatou vaaai i vaivaiga uma o le tagata soifua—e aofia ai faatosinaga ma manaoga e le tusa ai ma Lana fuafuaga—e le tumau.⁶² O le iloaina sa tatou nonofo i le muai olaga o ni atalii ma afafine faapelepele o ni matua faalelagi, ua mafai ai e i tatou ona malamalama i lo tatou faasinomaga patino mai lo tatou amataga paia. O lo tatou tulaga o le avea ma se atalii po o se afafine o le Atua—e le o o tatou vaivaiga po o faanau-nauga—o lona uiga o le puna moni o lo tatou faasinomaga.⁶³



E tusa ai ma le fuafuaga alofa mutumutivale a le Tama, ua faatoilaloina ai aa-fiaga o le Pau e ala i le Toetu o le Faaola.



A o tatou faaaogaina i aso uma lo tatou malamalama i le fuafuaga a le Tama, o le a i ai se uiga loloto atu o lo tatou olaga.

Faatasi ai ma lenei vaaiaga, e sili atu ona mafai ona tatou faatalitali ma le lotomaualalo ma le onosai i le Alii,⁶⁴ ma talitonu e ala i lo tatou faatuatua, usiusitai, ma tumau e oo i le iuga, o o tatou uiga ma manaoga o le a faamamaina, o le a faapaiaina o tatou tino, ma avea moni lava i tatou ma atalii ma afafine o Keriso, ua faaatoatoaina e ala i Lana Togiola.

E aumaia e le vaaiaga e faavavau o le fuafuaga le mautinoa e faapea, mo le au faatuatua, o le a mautinoa lava le oo mai o le aso o le a “soloiesea foi e le Atua loimata uma; . . . e leai foi se toe puapuaga: aua ua mavae atu mea muamua.”⁶⁵ O lenei “susulu atoatoa o le faamoemoe”⁶⁶ o le a faatoofilemuina o tatou mafaufau ma loto ma mafai ai ona tatou faatalitali ma le onosai, ma le faamaoni i le Alii.

Folafolaga mo i Latou o e Tumau ma le Faatuatua

O i latou e mafaufau pe o lo latou aafiaga i le taimi nei po o le tulaga e vavaeeseina ai i latou mai le ola e faavavau e tatau ona

manatua e “E leai se tasi na muai fuafuaina faapea e itiiti mea na te maua nai lo mea uma o i le Tama mo Ana fanau.”⁶⁷

E leai se faamanuiaga e teena i e faamaoni. Na tautino mai e Peresitene Lorenzo Snow: “E leai se tagata o le Au Paia o Aso e Gata Ai, o lē maliu i le mae'a ai ona soifua i se olaga faamaoni, o le a lē mauaina se mea e tasi, ona o le lē mafaia ona fai o nisi mea patino, ina ua lē mauaina avanoa mo i latou. I se isi faaupuga, afai o se alii po o se tamaitai talavou ua le mauaina se avanoa e faaipoipo ai, ma sa ola faamaoni e o'o lava i le otu, o le a latou mauaina faamanuiaga uma, faaolataga ma mamalu e mafai ona maua e soo se alii po o se tamaitai, sa maua lenei avanoa ma faaleleia atili ai. O mautinoa ma lelei lena tulaga.”⁶⁸

Folafolaga mo i Latou Uma o e Iloa le Fuafuaga ma Faaaogaina i Aso Taitasi

O i tatou taitoatasi sa lagolagoina ma le loto atoa le fuafuaga a le Tama i le muai olaga. Sa tatou iloa sa alofa o ia ia i tatou,

ma sa tatou maofa i Lana ofo agalelei o lenei avanoa e mautofia i mea uma ua ia te Ia, e aofia ai le ola e faavavau. O le ki i lo tatou manuia i le muai olaga o la tatou lagolago i le fuafuaga a le Tama. E faapena foi le ki i lo tatou manuia i le olaga faaletino.

O lea la, o la'u valaaulia ina ia tatou tutu faatasi e lagolago le fuafuaga a le Tama. Tatou te faia lenei mea ma le alofa mo tagata uma, aua o le fuafuaga lava ia o se faailoga o le alofa o le Atua.

A o tatou faaaogaina i aso uma lo tatou malamalama i le fuafuaga a le Tama, o le a i ai se uiga loloto atu o lo tatou olaga. O le a tatou feagai ma o tatou luitau ma se faatuatua sili atu. O le a tatou fetaomi atu i luma ma le faamoemoe mautinoa, susulu, ma le maofa o le ola faavavau. ■

FAAMATALAGA

1. Iakopo 6:8; Alema 12:25–26, 30, 32; 17:16; 18:39; 29:2; 39:18; 42:11.
2. Alema 42:8, 16.
3. Iaroma 1:2; Alema 24:14; 42:5; Mose 6:62.
4. Tagai i le Alema 12:32; tagai foi i le Boyd K. Packer, “The Great Plan of Happiness and Personal Revelation” (o le faasalalauga mo le autalavou matutua le Church Educational System, Nov. 7, 1993).
5. Mataupu Faavae ma Feagaiga 14:7.
6. Tagai Harold B. Lee, *The Teachings of Harold B. Lee*, vol. Clyde J. Williams (1996), 72; tagai foi Bruce R. McConkie i Conference Report, Aperila 1970, 26.
7. Alema 12:32; faoopoopo le faamamafa; tagai foi fuaiupu 25.
8. Tagai 2 Nifae 2:13–16; Mataupu Faavae ma Feagaiga 101:78.
9. Tagai George Q. Cannon, *Gospel Truth: Two Volumes in One: Discourses and Writings of President George Q. Cannon* fil. Jerrel L. Newquist (1974), 296.
10. Tagai Richard G. Scott, “Auala e Ola Lelei Ai i le Lotolotoi o le Amioleaga,” *Liahona*, Me 2004, 102; Robert D. Hales, *Return: Four Phases of Our Mortal Journey Home* (2010), 33.
11. “O Le Aiga: O Se Folafolaga i le Lalolagi,” *Liahona*, Nov. 2010, 129; tagai foi i le Galuega 17:29; Roma 8:16–17; Eperu 12:9; Aperaamo 3:18–25.
12. Tagai Alema 12:30; tagai foi Iopu 38:4–7; Aperaamo 3:22–28.
13. Tagai i le 2 Nifae 2:13; tagai foi Howard W. Hunter, “Ia Malamalama e Uiga i le Atua,” *Liahona*, Ape. 1975, 35; *Aoaoga a Peresitene o le Ekalesia: Heber J. Grant* (2002), 30: “O [na] poloaiga uma taitasi ua tuuina mai mo le faamoemoega tonu ina ia mafai . . . ona tauaogaina ma saunia i tatou e toe foi atu ma nonofo i le afioaga o lo tatou Tama Faalelagi. O nei tiute ma matafairoi ua fuafua ina ia tatou faale-atau ai i otou tulaga. Ua fuafuina ina ia avea ai i tatou o ni Atua, ma ia saunia ai i tatou ia agavaa ia avea . . . o ni suli faatasi ma lo tatou Alii ma le Faaola o Iesu Keriso.”
14. Tagai Mataupu Faavae ma Feagaiga 136:31; Aperaamo 3:24–25.
15. Tagai Iopu 38:7.
16. Tagai Mataupu Faavae ma Feagaiga 88:34–36, 39–40.
17. Tagai Isaia 53:3–5; 2 Nifae 2:8; 9:10–11; 31:21; Mosaea 3:17; Alema 7:11–13.
18. Tagai i le 1 Peteru 1:20; Mose 4:2.
19. Aperaamo 3:27.
20. Tagai Isaia 4:12–16.
21. Tagai i le Mose 4:3–4; tagai foi i le 1:19.
22. Tagai Faaaliga 12:7–9.
23. Tagai Mataupu Faavae ma Feagaiga 10:26–27.
24. Tagai Mataupu Faavae ma Feagaiga 59:18–19.
25. Tagai Aperaamo 3:24–26.
26. Tagai Kenese 1:26–28.
27. Tagai Alema 42:2–6; Mose 4:25, 28–31.
28. Tagai i le 2 Nifae 2:23; Mose 5:11; tagai foi i le Boyd K. Packer, “O le Fuafuaga o le Fiafia,” *Liahona*, Me 2015, 26–28.
29. Tagai Alema 39:3–5; 41:3–4, 10–15.
30. 2 Nifae 2:27.
31. Tagai 2 Nifae 2:11.
32. Tagai 2 Nifae 2:26–29; Alema 34:32–35.
33. Tagai i le Iakopo 4:7; Eteru 12:27; Mataupu Faavae ma Feagaiga 62:1.
34. Tagai Alema 12:30–32.
35. Tagai Moronae 7:16–19; Mataupu Faavae ma Feagaiga 88:7, 11–13.
36. Tagai 2 Nifae 31:12–14.
37. Tagai 1 Ioane 1:8.
38. Tagai Luka 22:39–42; Mataupu Faavae ma Feagaiga 19:16–19.
39. Tagai 1 Korinito 15:20–23; 2 Nifae 9:10–13; Alema 11:42–45.
40. Tagai Alema 42:2–15, 22–31; Moronae 10:32–33.
41. Tagai 2 Nifae 31:10–21; 3 Nifae 27: 14–17, 20, 22.
42. Tagai Ioane 5:22; Roma 14:10; Faaaliga 20:12–13; 2 Nifae 9:41; Alema 11:41–44; 3 Nifae 27: 14–17, 20, 22.
43. Tagai Alema 34:14–17.
44. Tagai Mosaea 3:21–27; Helamana 14:15–19; Mataupu Faavae ma Feagaiga 88:21–24, 29–32.
45. Tagai Mamona 3:20–22.
46. *The Neal A. Maxwell Quote Book*, lo. Cory H. Maxwell (1997), 252.
47. Tagai Thomas S. Monson, “Ia Avea Oe ma Faaaoao,” *Liahona*, Me 2005, 113.
48. Tagai Iosefa Samita—Talafaaosolopito 1:35.
49. Mataupu Faavae ma Feagaiga 101:78.
50. Tagai D. Todd Christofferson, “Aisea e Faaipoipo ai, Aisea e Fai ai se Aiga,” *Liahona*, Me 2015, 52.
51. Tagai Mataiao 19:5.
52. Tagai Kenese 9:1.
53. Tagai Mataupu Faavae ma Feagaiga 93:36–40.
54. 1 Korinito 11:11.
55. Tagai Dallin H. Oaks, “Lilieuse ma le Toefuataiga,” *Ensign*, Me 1995, 87; tagai foi Dallin H. Oaks, “Leai Se Isi Atua,” *Liahona*, Nov. 2013, 73.
56. Tagai 1 Nifae 3:7.
57. Tagai Mataupu Faavae ma Feagaiga 84:19–21.
58. Tagai Mataupu Faavae ma Feagaiga 109:13–26, 38.
59. Tagai Mataupu Faavae ma Feagaiga 132:1–21.
60. tagai 1 Peteru 3:7; Mataupu Faavae ma Feagaiga 131:1–4; tagai foi i le Iosefa Filitia Samita, *Answers to Gospel Questions*, 5 vol. (1957–66), 4:197: “O i latou o e faaipoipo i le malumalu mo le taimi nei ma le faavavau atoa e maua le faamanuiaga o le ola e faavavau. Ou te faamamafa i luga o le ola e faavavau. O le ola e faavavau o le ola a le Atua, o lona uiga, e faapei o ia. Ola e faavavau o lona uiga o le faatoateleina e faavavau—o le faaauauina, e pei ona fai mai le faaaliga, o fanau e faavavau. O le faaipoipo i fafo atu o le malumalu e mo na o le olaga nei. E vavaeeseina i le oti—o se teteaga e faavavau, sei vagana i le taimi nei latou te salomo ma ua faamanuiaina e o i le malumalu ma faia ni suiga.”
61. Tagai Eteru 12:27.
62. Tagai Eteru 12:37.
63. Tagai “O Le Aiga: O Se Folafolaga i le Lalolagi,” 129; tagai foi i le *God Loveth His Children* (tamaitusi, 2007), 1.
64. Tagai Isaia 40:31.
65. Faaaliga 21:4; tagai foi i le fuaiupu 1–3.
66. 2 Nifae 31:20.
67. D. Todd Christofferson, “Aisea e Faaipoipo ai, Aisea e Fai ai Aiga,” 52.
68. *Aoaoga a Peresitene o le Ekalesia: Lorenzo Snow* (2012), 130. Tagai foi Gordon B. Hinckley, “O Afafine o le Atua,” *Liahona*, Ian. 1992, 115: “Ua fesili nisi e lei faaipoipo, ona e le o so latou pona, pe o le a latou le maua lava le tikeri maualuga o le mamalu o le malo. Ua ou mautinoa i lalo o le fuafuaga o le Tama alofa ma le Faaola paia, e leai se faamanuiaga e te agavaa i ai e taofia mai ia te oe e faavavau.”



O LE A LE TAU O LENEI MEA?

I le taimi o la'u malaga taamilo i luga le *USS West Virginia*, na oo mai se valaau mo se taitai e tau-tala i le gagana Potukale e alu i se faafesuiaiga e tolu vaisaso ma le Neivi a Pasila. Sa na o au lava le tagata i le autau a vaamaulu e tautala i le gagana Potukale.

O lo'u lagona muamua lava o le ua le alu. Sa faatoa uma lava lau tiute leoleo e tolu- masina ma sa tulimatai atu i le vaai i lo'u aiga, ae o le fesuiaiga sa le alu ese ma lo'u mafaufau. Sa ou liliu atu i le Tama Faalelagi i le tatalo, na maua se tali malosi e tatau ona ou alu, ma taliaina le tofiga.

Na faamaonia mai le faatumulia o feutagaiga i faafitauli ma faigata. I se tasi taimi sa ou lagonaina ai le fiu. Sa

ou mafaufau, "O le a le taua o lenei mea?" O le Agaga Paia, e ui i lea, sa musuia au e tulei i luma.

Mulimuli ane, ina ua mavae ni nai tolopo, sa ou taunu i luga o se vaa o Pasila. Ina ua faafeao atu au i le potu ai a taitai, na ee atu le kapeteni o le vaa ma faasino atu lona lima i se taitai talavou. Na vaaia au e le kapeteni, tu, ma fai atu i le gagana Peretania panupanu, "Oi, o la'u uo Amerika ua taunu. Susu maia. E mafai ona ou avatu se mea e inu?"

Sa ou tali atu i le faaPotukale ou te fiafia i se fagu inu lauiloa Pasila ou te lei toe tofo i ai talu mai la'u misiona. Na ia fai mai o loo i le vaa soo se ituaiga o meainu malolosi, ae sa ou ta'ua ou te le inu ava malosi.

Mulimuli ane, sa tuitui mai lo'u potu. Ina ua ou tatalaina le faitotoa, sa tu mai iina le taitai talavou mai le potu ai.

"O oe o se tagatanuu o Amerika," o lana tala lea. "E te le inu ava malosi. E te tautala i le faaPotukale. Mata ai ona oe o se Mamona?"

"Ioe, o lea lava," na ou tali atu ai.

Sa ia fusi mau mai ia te au i ona lima ma tagi masusu.

O lenei taitai, o Lt. Mendes, o se tagata fou liliu mai ma faatoa faauu talu ai nei i le Aoga o le Neivi a Pasila. I luga o le vaa, na vave ona ia iloaina na faamoemoe le kapeteni ia te ia e auai atu i le ituaiga olaga le taupulea o taitai pe a asiiasi atu i uafu. Nai lo lena, na ofo fuu atu pea

lava pea Lt. Mendes mo le “tiute i taimi o le uafu” ma a leai e faamisi gaoioiga o le uafu. Na le fiafia le kapeteni i lenei mea. Ina ua ou ulu atu i le fale ai faafafia, na ee atu o ia ia Lt. Mendes mo le le auai.

“O le a tou o faatasi ma taitai i le isi taimi o lo tatou i ai i se uafu,” na ia faatonuina ai le lutena. “O le a e faaali atu i le taitai Amerika pe faapei le mea e tau o se taimi fiafia. O le a ia faamoemoeina lena mea mai ia i tatou.”

Mo ni masina, sa tatalo Lt. Mendes ina ia malamalama ma talia e lana kapeteni ana mataupu faavae. Faatasi ai ma lo'u taunuutu, o le talanoaga e uiga i le talalelei na avea ma autu o le tele o talanoaga i le potu ai. Sa matou talanoa faatasi ma isi taitai e uiga ia Iosefa Samita, le Toefuataiga, le Upu o le Poto, ma le tulafono o le ola mama. E lei umi ae suia lagona e uiga ia Lt. Mendes. Na aveese e taitai ata ponokalafi na faaalia faalauaitele, ma i le uafu na sosoo ai na matou fiafia i se taumafataga faatasi i se faleaiga nai lo le o i se fale kalapu.

I le taufaauiuga o lau tolu vайaso i le vaa, ma i le mavae ai o le tele o talanoaga ma le kapeteni ma taitai e uiga i o latou talitonuga, na faamaluina o latou loto. “O lea la ua ou malamalama,” na saunoa ai le kapeteni ia Lt. Mendes ae ou te lei alu, ma faaopoopo mai o le a le toe fai atu ia te ia e faasagatau i ana mataupu faavae.

O le a le galo ia te au lenei aafia. Na ma aaooina ma Lt. Mendes faapea e silafia e lo tatou Tama oi le Lagi i

tatou taitoatas, alofa ia i tatou, ma o loo popole i o tatou olaga faaletagata lava ia. ■

Kelly Laing, Uosigitone, ISA

SA SAUNOA MAI IA TE AU SISTER SPAFFORD

Sa ou taalo i se taaloga o le faleaiga Si le initonet i le tuneva o se tasi po ae savali ane lo'u toalua ma faailoa mai o le a alu e moe.

“O le a ou alu atu nei lava,” sa ou fai atu ia te ia.

“O le a ou talitonu i ai pe a ou vaai i ai,” o lana tala lea.

Sa ou taalo i se taaloga lea ou te kuka ai meaai e faafoliga i se faleaiga e faafoliga mo ni tagata e faafoliga. Sa ou tilotilo atu i le lau o le komepiuta ma fai atu, “O le mea Moni, e i ai ni meaai e oo mai i le isi 15 minute.”

Ina ia faapasi le taimi a o ou faatalitali, sa ou aumaia i luga le *Afafine i Lo'u Malo: O le Talafaasolopito ma le Galuega a le Aualofa*, lea sa taatiatia i luga o le kesi talu ona ou mauaina i le Aualofa. Sa amata ona ou fatauina le faatomuaga. I le itulau lona tolu sa ou maua ai le saunoaga lenei a Belle S. Spafford, le peresitene aoao lona iva o le Aualofa.

“O le tamaitai averesi i le taimi nei, ou te talitonu,” na ia tusia, “o le a lelei pe a iloiloina mea e fiafia i ai, iloilo gaoioiga e punouai ai, ona faia lea o laasaga e faafraigofie ai lona olaga, faamuamua mea e taua, tuu le

faamamafa i le mea e silisili ona tele ai faamanuiaga ma sili ona tumau, ma taofia ai ia lava mai gaoioiga e le manuia” (2011, xiii).

E ese mai i tususiga paia, e lei i ai lava se mea ua ou fatauina muamua na ou matuai ootia ai lava. O lenei tamaitai o le na maliu i le silia ma le 30 tausaga ua mavae sa tautala mai ia te au. O ana upu e ono sili atu ona talafeagai i aso nei nai lo le taimi sa ia saunoa mai ai.

Sa ou iloaina vave lava o le a ou le toe faia lava ni taaloga i le initonet. Sa ou tapeina le komepiuta, alu i le moega, ma ta'u atu i lo'u toalua la'u filifiliga. O le aso na sosoo ai ou te lei kiina lava le komepiuta. Nai lo lena, sa ou fatauina le tele o itula sa ou faamaimauina i luga o na taaloga i aso uma.

Sa ou faateleina le tolu itula i le aso i le 365 (aso i se tausaga) ma vaevaeina i le 24 (itula i se aso). Sa ou ofo i le iloaina sa ou faamaimauina ia aso e 45.62 i le tausaga. O na itula taua ma aso ua mavae atu e faavavau. Sa tatau ona ou faaluina e fatau ai au tususiga paia, faaluina le taimi faatasi ma lo'u toalua ma la'u fanau, auauna atu i isi, po o le faalaueteina o o'u valaauga.

E masani lava ona talanoaina lenei mataupu e le Au Pulega Aoao i taimi o konafesi aoao. Ae e lei i ai lava se uiga, ma sa ou manatu sa le faatatau ia te au.

Ou te faafetai na fesoasoani mai le Agaga Paia ia te au ou te iloa ai o le Au Pulega Aoao—ma Belle S. Spafford—sa saunoa mai ia te au. ■
Sandy Howson, Ohaio, ISA

OU TE LEI ILOA PE AISEA SA OU I AI IINA

Na faatoa uma lava ona fai le ma tatalo i le po ma lou tina. Na ma opoina e le tasi le isi ma faapea atu, "Ou te alofa ia te oe." Ona ou savali atu lea i lo'u potumoe. Ao ou aapa atu mo la'u au o le faitotoa, na oo mai se uunaiga malosi i lo'u mafaufau o le aso e sosoo ai o le a maliu ai lo'u tina.

Sa taumafai lo'u faiai ma lo'u loto e tetee le manatu. Sa leai se auala o le a tupu ai se mea i lo'u tina. O le a lelei mea uma ia te ia.

O le taimi lava na ou oo ai i lo'u potu, sa ou tootuli i le tatalo ma ta'u atu i le Tama Faalelagi o le uunaiga e uiga i lo'u tina e le mafai ona moni. Sa ou tatalo atu ia te Ia e faamolemole e aveese le manatu, ae e lei aluese. Sa ou toe foi atu i le potu a o'u matua ma fai atu i lo'u tina sa ou manao i se isi fusi ma se sogni se tasi ae ou te lei alu ou te moe. Sa ma toe fai atu foi, "Ou te alofa ia te oe," ma sa ou toe foi atu i lo'u potu. Sa umi se taimi faatoa mafai ona ou moe i lena po.

Sa ou toe foi atu i le potu o'o'u matua ma fai atu i lo'u tina sa ou manao i se isi fusi ma se sogni se tasi ae ou te lei alu ou te moe.

Ina ua ou ala ae i le taeao na sosoo ai, sa ou popole. O le mea e faafetai ai, sa i ai iina lo'u tina, na fiafia ma manuia. Ae o le pito i tua o lo'u mafaufau, sa i ai pea lena lagona faalavelave mai sa i ai se mea e le o sa'o. I le sauniga ana-pogi ma molimau i lena aso, sa tu i luga Tina ma tuuina atu se molimau matagofie.

Ina ua maea le sauniga faamanatuga sa alu o ia e aoao lana vasega Peraimeri, ma sa ou alu i le Aoga Sa. Sa ou maua se isi musumusuga manino, o le taimi lea ia ou tu i luga ma tuua le Aoga Sa. Ou te lei manao e tosina mai tagata ia te au, ae na tosaina atu a'u e se mea mai lo'u nofoa ma agai atu i fafo o le faitotoa. I ni nai minute, sa ou saofai ai i le vasega Peraimeri a lou tina ma


faalogo ao ia aoao atu. Sa ou le iloa pe aisea sa ou i ai iina, ae sa ou iloa-inna na ou manaomia ona i ai iina.

Mulimuli ane i lena aoauli i le pale o lo'u tuagane, sa faataupupula sa'o mai lava lou tina i o'u mata mo le taimi mulimuli a o ia solovi ifo i lalo ma maliu ai mai se faaletonu o le mama. Mo Ana mafuaaga ma Lona alofa mutimutivale, na auina mai e le Tama Faalelagi le Agaga Paia e saunia au. O na uunaiga na ou maua ai se taimi faaopoopo ma lo'u tina semanu ou te le olioli ai pe ana ou le amanaiaina le leo filemu, ma le itiiti.


O le alofa o lo'u Tama Faalelagi faatoa matuai manino mai lava ia te au i mea na tutupu i le taimi o le maliu o lo'u tina. E maeu le faamanuiaina o i tatou ina ua maua se Tama oi le Lagi e lava le alofa mo i tatou ua

tuuina mai ai ia i tatou le meaalofa faapitoa a le Agaga Paia. ■

Amber Cheney, Alapama, ISA



Ina ua ou valaau atu i le ofisa o le vaa ma aioi atu ia i latou e taofia le malaga mo aso e lua, na latou fai mai e le mafai ona latou faatali.



TATALO MO LO'U ALA I ROTUMA

Na malaga ese atu le *Westerland ananafī*,” na fai mai ai lo'u tuafafine faaletulafono a o ia faafeiloaia i matou i le malae Vaalele Faavaomalo o Nadi i Fiti.

Sa ou faanoanoa ma le fiafia i le tala. O le *MV Westerland* o le vaa lea sa tatau ona ave ai i matou e vaai lo'u uso matua i le Motu o Rotuma. O Rotuma pe tusa ma le 375 maila (600 km) i matu i sisifo o Viti Levu, le motu e aupito tele o Fiti. Afai e te misia le vaa, e tele lava ina e faatalitali i ni aso po o ni vaiaso mo le isi vaa e sosoo ai.

O se tausaga na muamua atu na ou alu ai i Rotuma e fesoasoani i lo'u uso e faafou le fale o lo matou tina matua, ma sa ou tuua ai o ia ona o se feese-eseaiga e faatatau i le galuega. O lenei ua ou fia vaai ia te ia faafesagai ma ta'u atu ia te ia ua ou matuai salamo lava.

I le vaiaso ae ma te lei felelei atu i Fiti, ma lo'u toalua o Akata, mai Ause-talia, na tau mai ia te au e si o'u tei o le *Westerland* o le a alu i Rotuma i le aso e sosoo ai ma le aso na fuafua ma

te taunuu atu ai. Sa vave lava ona ou valaau i le ofisa o le vaa ma aioi atu ia i latou e tolopo le malaga mo aso e lua.

“Leai, matou te le mafai e tusa lava pe matou te mananao i ai,” na tali atu ai. “O le Aufono o le Motu o Rotuma o loo faia ni sauniuniga mo se aiga faafeiloai, ma e manaomia e le vaa ona alu ese atu e pei ona faatulagaina.”

Sa oso mai se manatu i lo'u mafaufau, ma sa ou filifili e anapogi ma tatalo.

“Tama Faalelagi pele e,” sa ou tatalo ai, “ou te matua manao ia maua lena vaa i Rotuma. Ou te talitonu e le mafai ona latou taofia le malaga ese atu mo se isi aso pe lua, ae ua ia te Oe le mana e fai ai. Pe mafai lava faamolemole ona E aveese se nati lava se tasi i soo se mea i luga o le vaa ina ia mafai ai ona taofia le malaga ina ia mafai ai ona ou malaga? Ou te manaomia ona ou alu i Rotuma ma faalelei ma lo'u uso.”

Ina ua ou faalogo i le tala faanoanoa, sa matou o atu i le uafu i le isi itu o le motu. O iina, e ui i lea, na

matou iloaina o le vaa na i ai se faafitauli i le afi ma e le'i tuua lava. Sa tali mai le Tama Faalelagi i la'u tatalo! O le mea na tupu, o le afi atoa—ae le na o se nati se tasi—na tatau ona aveese ina ia faalelei ai se faafitauli tele o le suauu ua liki.

Ina ua iu lava ina ua malaga ese le vaa i se vaiaso mulimuli ane, sa ou i ai i luga. Ina ua ou taunu i Rotuma, sa ou opo mai lo'u uso ma faatoese i ai, ma na toefuatai mai le ma mafutaga. Na mautinoa lava o se aso o le olioli.

O le a faavavau lava lou faafetai i lenei aafiaga faaleagaga matagofie ma le talalelei toefuataiina a Iesu Keriso. O se molimau o loo tutupu pea vavega i le taimi nei, o loo soifua le Tama Faalelagi ma tali mai i a tatou tatalo faamaoni, o le tatalo ma le anapogi e o faatasi, ma e moni le talalelei—e oo lava i se nuu laitiiti i luga o le motu laitiiti o Rotuma. ■

John K. Muaror, New South Wales, Ausetalia
(*Ua maliu le tusitala.*)



Saunia e
Randall L. Ridd

Sa auauna atu o se
fesoasoani muamua
i le au peresitene
aoao o Alii Talavou
mai le 2013 i le 2015

OLA MA LE **Manatu Moni i Ai**

Sa ou aoaoina le taua o se manatu moni i ai a o ou tamaitiiti aoga talavou o le seminare. Sa luitaina i matou e lo matou faiaoga e faitau le Tusi a Mamona. Ina ia faamaumauina lo matou alualu i luma, sa ia faia se siata o o matou igoa i lalo o le tasi itu ma tusi o le Tusi a Mamona i le pito i luga. O taimi uma lava matou te faitau ai se tusi, sa ia tuuina se fetu i lo tatou igoa.

I le taimi muamua ou te lei tuu tele se taumafaiga i le faitauga, ma e lei umi ae ou iloaina ua atili ma atili ai lou mamao i tua. I le uunaia e se lagona o le maasiasi ma lo'u agaga masani natura, sa amata ona ou faitau. O taimi uma lava sa ou maua ai se fetu, sa ou lagona le lelei. Ma o le tele atu lava o fetu sa ou maua, o le faaosofia atili foi lena o au ia ou faitau—i le va o vasega, pe a tuua le aoga, ma soo se minute avanoa lava.

O se tala maoae lenei pe afai e mafai ona ou faapea atu ia te outou o se taunuuga o au taumafaiga sa ou muamua ona uma le faitauina i le

vasega—ae e leai. Ma o le a le afaina pe afai e mafai ona ou faapea atu ia te outou sa ou maua se mea e sili atu nai lo le tulaga muamua—o se molimau o le Tusi a Mamona. Ae sa lei tupu foi lena mea. Ou te lei maua se molimau. O le mea na ou maua o fetu. Sa ou maua ni fetu aua o le mafuaaga lena na ou faitauina ai. Ina ia faaaoga upu a Moronae, o lo'u "manatu moni i ai."

Na manino lava Moronae ina ua ia faamatalaina le ala e iloa ai le moni o le Tusi a Mamona: "Ma pe a outou maua nei mea, ou te apoapoi atu ia te outou ia outou ole atu i le Atua, le Tamā Faavavau, i le suafa o Iesu Keriso, pe ua le moni ea nei mea; ma afai tou ole atu ma le loto faamaoni ma le *manatu moni i ai*, ma le faatuatua ia Keriso, o le a ia faaali mai le moni o ia mea ia te outou, i le mana o le Agaga Paia" (Moronae 10:4; faapoopo le faamamafa).

O Mafuaaga Sao

O le toe tepa i tua, e mafai ona ou vaai sa matuai sao lava ia te au le Alii.

**O lona uiga o
se manatu moni
i ai o le faia o
le mea sa'o mo
mafuaaga sao.**

Aisea e tatau ona ou faamoemoe e maua se mea e ese mai mea sa ou saili i ai? O lona uiga o le manatu moni i ai o le faia o le mea sa'o mo mafuaaga sao; sa ou faitauina le tusi sao mo mafuaaga *sese*.

Faatoa iu lava ina ou faitauina mulimuli ane le Tusi a Mamona ma le manatu moni i ai. O lenei ua ou iloa o le Tusi a Mamona e faataunuina



ona faamoemoega paia o le molimau atu i le soifuaga ma le misiona a Iesu Keriso ona sa ou faitauina ma le manatu moni i ai.

O le lesona sa ou aoaoina e uiga i le manatu moni i ai ma le Tusi a Mamona e aoga ia i tatou uma lava i soo se vaega o o tatou olaga. Ua tele taimi tatou te nofonofovale ma mulimuli i mamanu ma tu masani ua atiina ae e ala i le tele o tausaga—e pei lava tatou te o i le faatinoga e aunoa ma le mafaufau ma le faaeteete i ai po o fea e aveina i tatou i ai e na faatinoga. O le ola ma le manatu moni i ai e faaopoopoina le taulai atu ma le faamoemoega i o tatou olaga ma e mafai ona faia se eseesega tele. O le ola ma le manatu i ai o lona uiga o le malamalama i le “aisea”—le faamoemoega i tua atu o a tatou amioga. Na fai mai Socrates, “O le olaga e le iloiloina e le aoga le ola ai.”¹ O lea la ia matua mafaufau loloto pe faapefea ona e faaaluina lou taimi, ma fesili soo ia te oe lava ia, “Aisea?” O le a fesoasoani lenei mea e atiina ae ai le mafai ona e vaai i tala atu o le taimi nei. E sili mamao atu le tulimatai agai i luma ma fesili ia te oe lava, “Aisea o le a ou faia ai lena mea?” nai lo le toe tepa i tua ma faapea atu, “Aisea, oi, pe aisea na ou faia ai lena mea?”

O le a le Mea e Finagalo le Alii ia te Oe e Fai?

Ao avea au ma se alii talavou, sa ou filifili e le alu i se misiona. Ina ua mavae se tausaga i le kolisi ma se tau-saga i le autau, sa ou maua se galuega lelei i se falemai i le lotoifale i le avea



O le ola ma le manatu moni i ai o lona uiga o le malamalama i le “aisea”—o le faamoemoega i tua atu o a tatou amioga. Na fai mai Socrates, “O le olaga e le iloiloina e le taua i le olaga.”

ai ma se tagata tomai i mea tau faaata. O le olaga na sologa lelei, ma o se misiona e lei foliga mai e tatau ai.

I se tasi aso, o Dr. James Pingree, o se fomai tipitipi i le falemai, sa valaaulia au i le lotu. I le gasologa o le ma talanoaga, sa ia iloaina ai ou te lei fuafuaina e auauna atu i se misiona, ma sa ia fesili mai pe aisea. Sa ou fai atu ia te ia sa fai si ou matua tele, ma atonu sa fai si tuai. Na ia fai mai ia te au e le o se mafuaaga lelei lena, ma sa ia tau mai o ia sa alu i lana misiona ina ua uma le aoga faafomai. Ona ia molimau mai lea i le taua o lana misiona.

Sa i ai se aafiaga taua o lana molimau ia te au. Na mafai ai ona ou tatalo mo le taimi muamua lava faapea—ma le *manatu moni i ai*. Sa ou mafaufau i le tele o mafuaaga e le alu ai i se misiona: sa ou matamuli. Sa ou maua se galuega sa ou fiafia i ai. Sa

ou maua se avanoa o le sikolasipi o le a le maua pe a maea se misiona. E aupito sili ona taua, sa ou maua se uo teine, o loo faatalitali ia te au a o ou i ai i le autau, ma na ou iloaina o le a ia le faatali mo se isi lua tausaga! Sa ou tatalo ina ia maua le faamau-tinoaga faapea o a‘u mafuaaga sa aoga, ma sa sa‘o au.

I lou atutuvale, sa le mafai ona ou maua le tali faigofie o le ioe pe leai, sa ou faamoemoe i ai. Ona oo mai lea o le manatu ia te au: “O le a le mea ua finagalo le Alii ia ou faia?” E tatau ona ou faailoa atu na finagalo o Ia ia te au e auauna atu i se misiona, ma na avea lea ma se taimi o le filifiliga taua tele i lo‘u olaga. Pe o le a ou faia ea le mea sa ou manao e fai, po o le a faia le finagalo o le Alii? O se fesili lenei e tatau ia i tatou uma ona fai ifo ia i tatou lava i le tele o taimi.

Ma le agaga faafetai, sa ou filifili e

auauna atu i se misiona ma sa tofia e galue i le Misiona a Mekisiko i Matu.

Taunuuga e Faavavau

I le tolu sefulu-lima tausaga mulimuli ane, sa faamalosiau mai lo'u atalii ia te a'u e asiiasi i Mekisiko faatasi ma ia. Sa ma faamoemoe e maua nisi o tagata sa ou aoaoina. Sa ma auai i se sauniga faamanatuga i le taulaga laitiiti lea sa amata ai la'u misiona, ae ou te le'i iloaina se tagata e toatas. Ina ua maea le sauniga, sa matou talanoa ma se tasi o tagata o le ekalesia ma fesili atu pe na te iloaina se tasi i luga o la'u lisi o tagata na ou aoaoina i le tele o tausaga ua mavae. Sa matou tilotilo i le lisi e aunoa ma se faamanuiaina, seja oo ina matou taunu i le igoa mulimuli: Leonor Lopez de Enriquez.

"Oi, ioe," sa fai mai ai le tagata. "O lenei aiga e i le isi uarota, ae latou te auai i le lotu i lenei fale. O le latou sauniga faamanatuga e sosoo mai."

E lei umi ona matou faatali ae savali mai Leonor i totonu o le fale. E ui lava o ia i le taimi nei ua i le ogatotonu o le 70 ona tausaga, sa ou iloaina vave lava o ia, ma sa ia iloa mai a'u. Sa ma feopoai mo se taimi umi ma loimata.

"Sa matou tatalo mo le 35 tausaga ia e toe foi ina ia mafai ona matou faafetai atu mo le aumaia o le talalelei i lo matou aiga," o lana tala lea.

A o ulufale mai isi tagata o le aiga i le fale, sa matou feopoai ma loimata. E lei umi ae matou iloaina o le epikopo o lenei uarota o se tasi o atalii o Leonor, o le taitai pese o se afafine o le atalii, o le ta piano o se atalii o le atalii, ma sa toatele alii talavou i le Perisitua Arona. Sa faaipoipo se tasi o lana

fanau teine i se fesoasoani i le au pere sitene o le siteki. Sa faaipoipo se isi tama teine i le epikopo o se uarota e lata ane. O le toatele o fanau a Leonor sa o i ni misiona, ma o lenei ua au auna atu foi fanau a fanau faamisiona.

Sa matou aoaoina o Leonor sa avea ma se faifeautalai e sili atu ona lelei nai lo a'u. I le taimi nei e manatua e lana fanau ma le agaga faafetai ana taumafaiga lē faavaivai e aoao atu ia te i latou le talalelei. Sa ia aoaoina i latou o faaiuga laiti, i le aluga o taimi, e taunu i se olaga atoatoa, amiontu, ma le fiafia, ma ua latou aoaoina atu na mea i isi. Na tau mai e tagata uma, e sili atu ma le 500 tagata ua o mai i le Ekalesia ona o lenei aiga lelei e tasi.

Afai e mafai ona toe foi i tua i se talanoaga i le taimi o le taumafataga o le aoauli. E masani ona ou mafaufau faapea pe ana faapea e taulai atu Dr. Pingree i lana galuega po o isi faafiafiaga faalelalolagi, semanu e le mafai lava ona ia fesili mai pe aisea ou te le o auauna atu ai i se misiona. Ae o lana taulai atu sa i ai i isi ma le faa lauteleina o le galuega a le Alii. Sa ia totoina se fatu lea na tupu, fua mai ai ni fua, ma o loo faaaauau pea ona uluola taisautuaselau (tagai i le Mareko 4:20). Sa aoaoina au e la'u misiona i taunuuga e faavavau ona o se faaiuga se tasi e fai le finagalo o le Alii.

la Manatua Lou Faamoemoega e Faavavau

Na ou masani ona tepa i tua i lo'u olaga ma mafaufau pe aisea na matua faigata ai ia te au le faia o le faaiuga e alu i se misiona. Sa faigata aua sa

faatosinaina au; sa galo ia te au lo'u faamoemoega e faavavau—le manatu moni o le mafuaaga ua tatou i ai iinei.

O o'u manaoga ma lo'u loto sa le ogatasi ma le finagalo o le Alii; ana le faapea, semanu o le a sili atu ona faigofie le faaiuga. Ma pe aisea na lē ogatasi ai? Sa ou alu i le lotu ma ou ai ma inu i le faamanatuga i aso Sa, ae ou te le'i taulai atu i lona uiga. Sa ou tatalo, ae sa tele lava ina ou alu i le faatinoga. Sa ou faitau i tusitusiga paia ae na taitasi ma e aunoa ma le manatu moni i ai.

Ou te uunaia outou ina ia ola i se olaga fuafuaina lelei ma le taulai i ai—e tusa lava pe e te lei faia lava lena mea i le taimi ua tuanai. Aua ne'i faavaivaia e ala i manatu i mea ua uma ona e faia pe le i faia. Ia tuu atu i le Faaola e solo mama le laupapa tutsusi. Ia manatua Lana fetalaiga: "Soo se taimi sa latou salamo ai ma saili le faamagaloga, ma le *faamoemoe faamoni*, sa faamagaloina i latou" (Moronae 6:8; faaopoopo le faamamafa).

Amata nei. Ola i se olaga faamoe moeina, i le malamalamo pe aisea e te faia ai mea ua e faia ma po o fea o le a taitai atu i ai. A o e faia nei mea, o le a e iloa ai o le "aisea" e sili ona taua i tua atu o mea uma e te faia o lou alofa lea i le Alii ma iloa Lona alofa atoatoa mo oe. Tau ina ia mafai ona e maua le olioli tele i lau sailiga mo le atoatoa ma le malamalamo ma le faia o Lona finagalo. ■

Mai se faigalotu i le lalolagi atoa mo talavou matutua, "Living with Purpose: The Importance of Real Intent," na tuuina atu i le Brigham Young University—Idaho ia Januari 11, 2015. Mo le sau noaga atoa alu i le devotionals.lds.org.

FAAMATALAGA

1. Socrates i Palato, *Apology* (2001), 55.

Faatuatua, Auauna Atu ma se Papa Falaoa

Saunia e Nissanka (Nissh)

Muthu Mudalige

Sa ou siitia atu i Aremania mai Sri Lanka e auai i le aoga i le 2007, feiloai i faifeautalai, ma sa papatisoina i le tausaga na sosoo ai. Ina ua mavae lo'u papatisoga, sa ou naunau e auauna atu i se misiona talai. Sa ou le mafafia, ona ua silia ma le 25 ou tausaga; ae ui i lea, na valaauiua au e auauna atu i se misiona-puupuu e le peresitene o le misiona. O o'u tiute-tauave na aofia ai le galulue faatasi ma isi alii faifeautalai ma talai atu le talale-lei. Na ou fafia i ai.

O se Suega o le Lototele

I le taimi lava lea, sa utiuti le faasoa i tupe. Ona gau lea o le pisinisi a lo'u tama, ma na le mafai ona ia toe auina mai ia te au se tupe. Sa lava mo ni nai meaai mo ni nai aso. O la'u iunivesite sa latalata atu i lo'u nofoaga, ae o le ofisa o le misiona o se tietiega pasi e 30 minute. O le malaga ma le toe foi mai e 200 drams (e tusa I.S.\$0.50).

Sa ou manao lava e faalautele la'u auaunaga faafaifeautalai. Ina ua valauina au e se faifeautalai e asiasi atu i ni nai tagata faatasi ma ia ma fai mai

ma te feiloai i le fale o le Paranesi Tutotonu—e silia ma le 40 minute mai ia te au i le pasi—sa ou fai atu ioe, e ui pau lava lau tupe na i ai e faatau ai se papa falaoa. Sa ou savali i le Fale Tutotonu o le Paranesi. O se aso vevela o le taumafanafana, ma e tatau ona ou malolo ma inu se vai i le ala. Na silia ma le lua itula ae faatoa ou taunu. I le lua itula o le savaliga toe foi i le fale, sa ou faaaluina ai lau tupe siliva mulimuli i le falaoa.

O Se Suega e Faigata Atu

E lei umi talu ona taunu i le fale, sa ou maua se telefoni mai le faifeautalai lava lea e tasi. Sa ia fai mai, "Nissh, ou te faamalie atu i le toe valaaau atu, ae o se tasi o le Au Paia ua ma'i. Pe mafai ona e sau e avea ma a'u soa a o ou tuuina atu ia te ia se faamanuiaga?" Sa ou manao e ta'u atu ia te ia, sa ou matuai vaivai lava ina ua uma ona savali mo le fa itula i le vevela, ae sa le faatagaina au e lo'u loto. Sa tuuina mai e lo'u faatuatua ia te au le malosi ma le lototele, o lea sa ou fai atu ai o le a ou alu atu.

O le taimi lava lea na oo mai ai i totonu lau uo ma te potu. Sa ou fesili

A o ou savali atu i le fale, ou te lei lagonaina se vaivai. Na pau lava le mea na mafai ona ou manatuaina o le ataata a le tamaitai matua.

atu ia te ia pe mafai ona ou nonoina mai lava se tupe ou te alu ai i le ofisa o le misiona. Sa ia fai mai e na o le pau lava lana tupe e faatau ai le meaai seja oo i le faaiuga o le masina, e le mafai ona ia nonoina mai ia te au.

Na faafuasei lava, ona taulai atu ou mata i le falaoa faatoa ou faatauina o loo i luga o le laulau, fou—na o le pau lea o lau meaai. Sa ou pikiina i luga ma fai atu, "Faatoa ou faatauina mai lenei falaoa; e mafai ona e avea ae aumai ia te au se 100 dram?" Sa ataata o ia ma fai mai o le ia faia. Sa



ou ave le tupe ma tietie atu ai i le pasi i le ofisa o le misiona.

Sa ma asiasi atu i lena tagata o le Ekalesia, o se tamaitai matua, o le na faataotolia i le moega. Sa tau le mafai ona pupula ona mata e vaai ia i maua, ae sa ataata mai ia te au. Sa ia talanoa mai ia te au patino lava, i mea na ia manatua mai le amataga o lona olaga. Sa matuai fafia lava e vaai ia i maua i lona fale. Na ma tuuina atu faatasi, ma le faifeautalai se faamanuiaga ia te ia. Na ia tuuina mai ia i maua se isi ataata, ma na ou iloa le malamalama i ona foliga. Na ta'ua e lana tama teine o le ma asiasiga o le taimi muamua lea i le tele o masina faatoa ia vaaia ai lona tina o ataata.

Ona ou toe savali atu lea i le isi lua itula i le fale, ae o le taimi lea ou te lei lagonaina se vaivai. Na pau lava le mea na mafai ona ou mafaufau i ai o le ataata a le tamaitai matua ma le ma

talanoaga. Sa ou lagonaina sa finagalo le Tama Faalelagi ia te au e asiasi ia te ia; atonu o le mea sa ia manaomia o le maua lea o se fiafiaga sili atu i nai taimi o ona aso mulimuli. Sa ou lagonaina le faafetai tele i lo'u avanoa e auai i lena asiasiga. Sa ou ole atu i le Tama Faalelagi ina ia faamanuia lena tamaitai. Sa ou ole atu foi ia te Ia e faamanuia au i meaai i aso taitasi i lo'u taimi faigata i mea tau tupe.

Faamanuiaga mai Luga


E lei tuulafoaia au e le Atua. Na faasoai mai e lau uo ana meaai ia te au i lena masina. Ou te le'i alu lava e moe o fiaai, e ui lava e lei i ai se pene i la'u taga. Sa ou savali i le ofisa o le misiona i aso uma—ae ou te le'i lagonaina lava se vaivai. O le ositaulaga na ou maua ai le fafia.

O lena masina sa ou maua ai le tele o valaaulia i ni aiga o le aoauli

ma le afiafi. I se tasi aso sa ma tau fai le tagolima uma ma lau soa ma sa na o se tamai papa falaoa na i ai mo le aiga o le taeao. I lena afiafi sa ma matua fiaai lava. Sa ma savavali i le auala e taumafai e nono mai se tupe mai se uo ae tu mai se taavale o loo i ai ni tagata Aremania e toalua i totonu. Sa fesili mai alii po o fea ma te o mai ai. Ina ua ma fai atu ma te o mai Sri Lanka, na la valaaulia i maua i lo la fale mo le aiga o le afiafi. Sa la fiafia e faalogo e uiga i mea uma i Sri Lanka ma sa ma maua se taumafataga matagofie o le afiafi.

Ou te alofa i lo'u Tama Faalelagi ma faamanuiaga uma Na te tuuina mai pea lava pea ia te au. O loo i ai o Ia iina e fesoasoani ia te au, ma ou te lagonaina Lona alofa ia te au i aso uma. ■

E alala le tusitala i Aremania.



Saunia e Elder

Dallin H. Oaks

O Le Korama

a Aposetolo e

Toasefululua

FAAMALOLOINA MAI LE MAILEI O **POOKALAFI**

*O i tatou uma e tatau ona tatou aoao e tali atu ma le
talafeagai i le ala o faasalalauga e i ai feusuaiga.*

le sefulu tausaga ua mavae, na ou lauga ai i le konafesi aoao i le mataupu o le ponokalafi. Sa ou faaopoopoina lo'u leo i siufogga o isi taitai o e ua lapataia e tetee atu i aafia faaleagaga e faataumaoi o ponokalafi. Sa ou lapataia le tele naua o alii ma tama talavou sa manunua e ala i le mea sa ou ta'ua o le "tusitusiga e faaosofia ai feusuaiga e le faatagaina."¹ le faaaogaina o ponokalafi o soo se itu-aiga e leaga—e faataumaoia ai lagona faaleagaga, e faavaiva le gafatia e faaaoga le mana o le perisitua, ma e faaleagaina ai foi sootaga taua.

O le taimi nei, i le silia ma le 10 tausaga mulimuli ane, ou te faafetai ona ua toatele, ua faalogo ma usitai i lapataiga, aloese mai ai ma tumau i le mama ma le le pisipisia mai le mea ua matuai pisipisia o ponokalafi. Ou te faafetai foi ua toatele ua gaua'i atu i valaaulia faaperofeta e liliu ese mai le ponokalafi, fonofonoina loto ma sootaga ua nutimomoia, ma agai i luma i le ala o le avea ai ma soo. Ae ua sili atu ona ou popole nai lo se isi lava taimi i isi i totonu o i tatou o loo faaauau pea le faapologaina i ponokalafi, ae maise lava o tatou alii talavou ma e oo lava i se aofaiga faateleina o tamaitai talavou.

O se pogai autu mo le faatupulaia o le faafitaui o ponokalafi i le taimi nei i le lalolagi, o upu ma ata i anotusi o feusuaiga ma faatosinaga ua i soo se mea: e mafai ona maua i ata tifaga, pololokalama o TV, ala faasalalau faaagafesootai, featu tusitusia, polokalama i telefon, faasalalauga i nusipepa, tusi, musika, ma talanoaga i aso uma. O se taunuuga, e le maalofia o i tatou uma ua aafia i savali taufeusuaiga i se tulaga fai soo.



O le liliu atu i le Alii
i le lotomauualalo e
taitai atu ai se tasi
e talia ni upumoni
patino, ia, afai e
malamalama atoa-
toa i ai, e tuuina atu
le malosi ma ave-
esea le maasiasi.

1. Tulaga o le Aafia

Ina ia fesoasoani ia tatou taulimaina lenei leaga ua faatupulaia, ou te manao e faailoa atu ni nai tulaga eseese o le aafia ai i ponokalafi, ma fautua atu ni auala e tatau ona tatou tali atu ai ia i latou taitoatasi.

I taimi muamua ma tulaga na i ai, o a matou fautuaga e uiga i ponokalafi na taulai faapitoa lava i le fesoasoani atu i tagata taitoatasi e aloese mai le taimi muamua e aafia ai po o le faamaloloina mai se vaisu. A o taua pea na taumafaiga, o aafiaga ua tuanai ma tulaga o loo i ai nei ua faaalia ai le manaomia o le fautuaga e faatatau i le tulaga o le faaaogaina o ponokalafi i le va o le matuai aloese lava mai ai ma le fai ma vaisu. O le a fesoasoani le taulai atu i tulaga eseese e fa o le aafia ai i ponokalafi: (1) faafuaseia le vaaia, (2) nisi taimi o le faaaogaina, (3) faateleina le faaaogaina, ma (4) le mafai ona puleaina (fai ma vaisu).

1. Faafuasei ona Vaaia. Ou te talitonu o tagata uma na faafuasei le vaaia o ponokalafi. E leai se agasala i lenei mea pe a tatou liliu ese ma aua le tulimatai atu i ai. E pei lava o se mea sese, lea e manaomia ai le faasa'oga nai lo le salamo.²

2. Faaaoga i Nisi Taimi. O lenei faaaogaina o ponokalafi e mafai ona e fai soo, po o nisi taimi foi ae e masani foi ona fai ma le manatu i ai, ma o lona leaga lena.

O ponokalafi e totogo a'e ma faateleina ai lagona feusuai malolosi. Sa tuuina mai e le Foafoa nei lagona mo Ona faamoemoega poto, ae na Ia tuuina mai foi poloaiga e faatapulaai ai lo latou faaaogaina i se alii ma se tamaitai ua faaipoipoina. O ponokalafi e faale-againa le faaaogaina talafeagai o feusuai ma uunaia ai le faaaogaina o lagona feusuai i fafo atu o tuaoi o le faaipoipoga. O i latou e faaaogaina ponokalafi e faaalia le leai o se faaaloalo i malosiaga mamana e mafai ona latou foafoa ai le ola po o le faaumatia foi. Aua e te alu iina!

O le matautia i soo se faamoemoeina o le faaaogaina o ponokalafi, e tusa lava pe faasamasamanoa po o le faatele, o taimi uma na te faaosoina ai le toe faia soo lava pea, lea o le a faateleina ai le taimi e alu i lagona feusuai ma amioga. Ua iloa e saienitisi o ata o feusuai e faaoso ai ni vailaau i le faiai lena e maua mai ai lagona feusuai, lea e uunaia atili ai amioga feusuai.³ O amioga feusuai le mama o soo se ituaiga po o se tulaga e maua ai lagona o le maasiasi, lea o le a, i le aluga o taimi, e mafai ona faatumauina mauaututu i totonu o se tagata.

3. Faateleina le Faaaogaina. O le faaaogaina soo ma le manatu i ai o ponokalafi e mafai ona avea lona faaaogaina o se mausa, "o se manamu o amioga e masani lava ona mulimuli i ai seia oo ina toeitiiti lava a faia ma le le manatu i ai."⁴ Faatasi ai ma le faaaogaina o se masani, e aafia tagata i se manaoga o se uunaiga sili atu ina ia toe maua le lagona lava lea e tasi ina ia mafai ona faamalieina ai.

4. Le Mafai ona Puleaina le Faaogaina (Vaisu). E fai ma vaisu se amioga a se tagata pe afai ua "faalagolago i ai" (se faaupuga faafomai e faatatau i le faaaogaina o fualau faasaina, ava malosi, taaloga fuitupe le taupulea, ma isi) e taunu atu i se "manoga e le mafai ona teenaina" lea "e avea o se faamuamua i le toetoe lava o mea uma i le olaga."⁵

II. O le Taua o le Malamalama i Nei Tulaga

O le taimi lava tatou te iloa ai nei tulaga eseese, tatou te iloa ai foi e le o tagata uma e faaaogaina ponokalafi ma le loto i ai e avea na mea ma ana vaisu. O le mea moni, o le tele o alii ma tamaitai talavou o loo tauivi ma ponokalafi e le o faia ma ana vaisu. O se eseesege taua tele lena e faia—e le mo na o matua, taitalua, ma taitai o e ua manao e fesoasoani, ae faapea foi mo i latou o e tauivi ma lenei faafitauli. O le mafuaaga lenei.

Muamua, o le loloto lava o le tulaga ua aafia ai se tasi—mai le faafuasei ona vaaia, i nisi taimi pe ua fai soo le

**E ala atu i le alofa
tunoa o lesu Keriso,
e mafai e tagata uma
ona faamagaloina ma
maua le mana e suia ai.**

faaaogaina ma le manatu i ai, i le faateleina o le faaaaogaina, i le mafai ona puleaina (ua fai ma vaisu) le faaaaogaina—o le faigata foi lea ona toe faaleleia. Afai o loo sese ona faatulagaina amioga o se vaisu, o le tagata e faaaaogaina atonu e manatu ua leai sana faitalia ma le malosi e faatoilalo ai le faafitauli. O lenei mea e mafai ona faavaivava ai le faaiuga e toe faaleleia ma salamo. I le isi itu, o le mauaina o se malamalama manino atu i le loloto o se faafitauli—e faapea atonu e le o loloto tele e pei ona manatu i ai pe ua ogaga e pei ona fefe i ai—e mafai ona tuuina atu le faamoe mo se malosi faateleina e faaaoga ai le faitalia e faamuta ai ma salamo.

Lona lua, e pei lava o soo se amioga agasala, o le faaaogaina o ponokalafi e tulieseina ai le Agaga Paia. O nisi o e ua oo i lenei mea o le a lagona le uunaiga e salamo. O isi, e ui i lea, atonu e lagona le ma ma taumafai e nanā lo latou nofosala e ala i le faafoliga. E mafai foi ona amata ona latou lagonaina le maasiasi, lea e mafai ona taitai atu ai i le feita ia i latou-lava. Afai e tupu lenei mea, e mafai ona amata e tagata ona talitonu i se tasi o pepelo sili a Satani: o le mea na latou faia pe faaaauau pea ona faia ua avea ai i latou ma se tagata leaga, e le agavaa mo le alofa tunoa o le Faaola ma e le mafai ona salamo. E matuai le moni lava lena. Tatou te le o mamaao ese mai le Faaola ma Lana Togiola.

O le mea mulimuli, e taua le aua nei faailogaina e tusa lava pe tele pe o se masani le faaaaogaina o ponokalafi i le avea ai ma se vaisu, aua e le sao ona faamatala ai le tulaga po o le natura atoatoa o le manaomia o le salamo ma le toe faaleleia. O le mauaina o se malamalama sili atu po o fea o i ai se tagata i le faagasologa o le a faatagaina ai foi se malamalama sili atu po o le a se gaoioiga e manaomia ona toe faaleleia ai.


III. Solaese mai Ponokalafi

O lenei sei o tatou mafaufau pe faapefea ona mafai e tagata taitoatasi ona sosola ese ma toe faaleleia mai le mai-lei o ponokalafi. O le a fesoasoani lenei mea e le gata ia i latou o loo tauivi e manumalo i le faaaaogaina o ponokalafi, ae faapea foi i matua, ma taitai o loo fesoasoani ia i latou. O le a faamanuaaina atili tagata taitoatasi i le aloese ma le toe faaleleia mai le ponokalafi a o latou talanoaina nei mataupu ma matua, ma taitai.⁶

E tusa lava po o lea le tulaga o le aafia ai i lou matamata i ata mataga ma le manatu i ai, o le auala e toe faaleleia, mama a'ia'i, ma le salamo ma e manaomia ai le mataupu faavae autu lava lea e tasi: o le lotomaualalo, o le avea ai ma soo, o le tuuto atu i se fuafuaga patino mo se suiga, o le tali atu ma le lagolago, ma tumau i le faatuatua.

O le faaaaogaina o nei upumoni e manaomia ai tagata taitoatasi e toe tautino atu i le ola ai e pei o se soo o le Alii o lesu Keriso, ma fai na mea e faamainma ma faamalosia ai i latou e tetee atu i faaososoga i le lumanoi.





*E faalagolago
i le loloto o le
faafitauli, o
tagata taitoatasi
e ono manaomia
le lagolago
a se tagata
faatuatuaaina, e
poto masani po
o se faufautua
faapolofesa.*

A. Lotomaualalo

Ina ia faatoilaloina moni lava le ponokalafi ma ona uiga masani, e tatau ona atiina ae e tagata taitoatasi le lotomaualalo (tagai i le Eteru 12:27). O le liliu atu i le Alii i le lotomaualalo e taitai atu ai se tasi e talia ni upumoni patino, ia, afai e malamalama atoatoa i ai, e tuuina atu le malosi ma aveesea le maasiasi. O nisi o nei upu moni e aofia ai:

- O i tatou taitoatasi o se atalii faapelepele o se Tama Faalelagi alofa.
- E alofa lo tatou Faaola, o Iesu Keriso, ma silafia i tatou taitoatasi.
- E aoga le Togiola a lo tatou Faaola i fanau uma a le Atua.
- E ala atu i le alofa tunoa o Iesu Keriso, e mafai e tagata uma ona faamagaloina ma maua le mana e suia ai.
- E i ai ia i tatou taitoatasi le meaalofa e le mafaatauina o le saolotoga, lea e faatagaina ai i tatou e maua mai ai le mana ma le malosi o le Togiola.
- E mafai e tagata taitoatasi o loo tauivi ma ponokalafi ona maua le faamoemoe mai le mea moni e faapea o isi foi na faamanuaina i lenei taua.
- O ponokalafi e leaga, ae o le auai i ai e le faia ai le tagata ia leaga.
- Soo se tagata lava e mafai ona sola ese mai le mai-lei o ponokalafi ma toe faaleleia atoatoa, ae o lenei mea e faatoa mafai lava i le mauaina o le mana o le Togiola.
- O le salamo moni mai le ponokalafi e manaomia ai le sili atu nai lo le na o le faamutaina o le faaaogaina. O lena ituaiga o salamo e manaomia ai se suiga o le loto e ala i le Togiola a Keriso.

O le taliaina o nei upumoni e saunia ai se tasi faale-agaga e faatino ai, lea e tatalaina le faitotoa i le mauaina o le fesoasoani a le Alii e faia suiga manaomia ina ia salamo ma toe faaleleia.

E. Avea ma Soo

O le faaaogaina o nei upumoni e manaomia ai tagata taitoatasi e toe tautino atu i le ola ai e pei o se soo o le Alii

o Iesu Keriso, ma fai na mea e faamamaina ma faamalosia ai i latou e tetee atu i faaosoosoga i le lumanai. O lona uiga o le tautinoga i amioga faalelotu patino: tatalo anoa i aso taitasi ma suesuega i tusitusiga paia, auai i sauniga a le ekalesia, auauna atu, anapogi, ma (pe a faamaonia e le epikopo) aai ma feinu i le faamanatuga ma tapuai atu i le malumalu.

I. Tautinoga i se Fuafuaga Patino

O soo faamaulalo o Iesu Keriso o le a maua le malamalama i le iloa o lagona loloto, o mafutaga faamasani, ma siosiomaga faaletino e faaoso ai le faaosoosoga o le faaaogaina o ponokalafi. O le iloiloina o na mea taufaoso, o le a latou atiina ae ai se fuafuaga patino e sola ese mai ai e fesoasoani ia i latou:

- Iloa mea taufaaoso ma faananauga pe a tulai mai.
- Faavae ni faatinoga faapitoa e fesoasoani ia i latou e alu ese ai mai le faaosoosoga.
- Toe tuusao atu manatu ma le malosi e agai atu i le Alii.
- Otooto ni gaoioiga patino i aso uma e faamalosia ai a latou tautinoga patino ina ia ola amiontonu.

Pe a atiina ae se fuafuaga patino, e tatau i tagata taitoatasi ona faaaoga punaoa e sili ona lelei ua saunia e le Ekalesia. Mo se faataitaiga, o le uepisaite a le Ekalesia overcomingpornography.org e i ai tusiga mo tagata taitoatasi faapea foi ma tagata o le aiga ma taitai perisitua o loo lagolagoina i latou. E le gata i lea, o Polokalama o le toe Faaleleia o Vaisu o loo avanoa mo tagata uma o loo tauivi ma soo se amioga ua fai ma vaisu, ma o le a fesoasoani foi i tagata o o latou aiga.

O. Tali Atu ma le Lagolago

O soo lotomaualalalo o Iesu Keriso o e faailoa mai latou te manaomia le Faaola o le a saili le fesoasoani a lo latou epikopo, o le sa valaaulia e le Alii e avea ma lo latou taitai perisitua ma o loo umia ia ki e manaomia ina ia mafai ai ona latou salamo. Faatasi ai ma le maliega a le tagata sa aofia ai ma pe a lagona le matua musuia e le epikopo, o le epikopo e mafai foi ona valaaquina se isi tagata e galulue faatasi ma fesoasoani ia i latou. E tusa lava po o a tulaga o i ai, o lenei fautuaga mai ia Peresitene Gordon B. Hinckley (1910–2008) e aoga:

“Ole atu lea i le Alii mai le taele o lou agaga ina ia aveeseina e Ia mai ia te oe le mea ua fai ma au masani lea ua faapologaina ai oe. Ma ia e maua le lototele e saili ai le taitaiga alofa a lau epikopo, afaei talafeagai ai, o le fautuaga a ni tagata atamamai manatu popole.”⁷

E faalagolago i le loloto o le faafitauli, o tagata taitoatasi e ono manaomia le lagolago a se tagata faatuatuaina, e poto masani po o se faufautua faapolofesa e mafai ona latou liliu atu i ai i soo se taimi e tatau ona faamalosia i taimi o le vaivai, ma o se e mafai ona faamasinoina i latou lava ia ia latou fuafuaga.

U. Tumau i le Faatuatua

O tagata o e salamo ma ua faamanuiaina e faatoilalo ai le manao e faaaoga ai ponokalafi e tatau lava ona mataala, ona o loo saili pea le fili e na te faaaogaina o latou vaivaiga faaletagata. E mafai ona tupu pea le faafusei ona vaai i ai e ui i taumafaiga uma ina ia aloese mai ai. I o latou olaga atoa, e tatau i tagata taitoatasi ona aoao e pulea o latou lagona feusuai ua tuuina mai e le Atua ma tausia a latou taumafaiga ina ia mama.

IV. Agalelei i Tagata Uma

O lenei o se upu e faatatau i le auala tatou te tauimaina ai i latou o e ua faaseseina e ponokalafi. O i tatou uma e manaomia le Togiola a Iesu Keriso. O i latou o loo tauivi ma ponokalafi e manaomia lo tatou agaalofa ma le alolofa

ao latou mulimuli i mataupu faavae e manaomia ma laasaga o le toe faaleleia. Faamolemole aua le tausalaina i latou. E le leaga i latou pe ua aunoa ma le faamoemoe. O i latou o atalii ma afafine o lo tatou Tama Faalelagi. E ala i le salamo e tatau ai ma le atoatoa, e mafai ona latou mama, mama aiai, ma agavaa mo feagaiga ma faamanuiaga uma o le malumalu ua folafola mai e le Atua.

Pe a oo mai le taimi mo se faaipoipoga, ou te uunaia tamaitai ma alii talavou ina ia faaeteete e filifili se soa e avea ma a latou soa e ala i le faavavau e mama ma mama aiai i luma o le Alii ma agavaa e ulu atu i le malumalu. E agavaa

mo nei faamanuiaga tagata taitoatasi o e salamo atoatoa mai ponokalafi.

V. Faaiuga

I o tatou olaga atoa, o i tatou uma o le a fetaiai ma mea e faaaoga i anotusi o feusuuaiga. Faatasi ai ma le taitaiga a lo tatou Faaola alofa, e aofia ai le faamautinoaga mai feagaiga o le faamanatuga e mafai ona tatou maua pea lona Agaga e faatasi ma i tatou (tagai i le MF&F 20:77), e mafai i taimi uma ona tatou tali atu ma le talafeagai. Ou te molimau atu o le mea lenei e tatau

ona tatou faia ina ia olioli ai i faamanuiaga mai ia te Ia o loo tatou tapuai i ai. A o tatou faia, o le a sili atu ona tatou maua le filemu o le Faaola ma o le a tatou tumau i le ala i lo tatou taunuuga e faavavau o le faaeaga. ■

FAAMATALAGA

1. Tagai i le Dallin H. Oaks, “Ponokalafi,” *Liahona*, Me 2005, 87–90.
2. Tagai Dallin H. Oaks, “Sins and Mistakes,” *Ensign*, oke. 1996, 62–67.
3. Tagai Donald L. Hilton Jr., M.D., “Pornography Addiction—a Supranormal Stimulus Considered i le Context of Neuroplasticity,” *Socioaffective Neuroscience and Psychology*, vol. 3 (2013), socioaffectiveneuroscipsychol.net/index.php/snp/article/view/20767; tagai foi “Porn Changes the Brain,” fightthenewdrug.org.
4. *Webster’s Encyclopedic Unabridged Dictionary of the English Language* (1989), “habit.”
5. *American College of Physicians Complete Home Medical Guide* (1999), 564.
6. E le gata i lea, o tagata talavou ma o latou matua e tatau ona faia se talanoaga faasamasamanoa ae talafeagai e uiga i le fanauina o fanau. O le autalavou o e faalogo e uiga i feusuuaiga faaletagata mai a latou tupulaga nai lo o latou matua e sili atu le saili ia faamatalaga e uiga i ai e ala i ponokalafi.
7. Gordon B. Hinckley, “O Se Leaga Matautia i totonu o i Tatou,” *Liahona*, Nov. 2004, 62.

I le NOFOAGA SAO i le TAIMI SAO



LESONA I ASO SA
O Le Autu o le Masina Lenei:
Avea Atili e Faapei
o Keriso

Pe sa i ai se tasi na tau atu ia te oe o se mea na e fai atu ai pe na e faia o le mea tonu lena na latou manaomia? O nisi taimi e tupu lenei mea ona sa auina atu oe e le Tama Faalelagi i le taimi sa'o e fesoasoani atu. Sa e maua le Agaga, ina ia mafai ona e iloaina lena uunaiga mai le Tama Faalelagi. Ia tumau le agavaa ma naunau e fesoasoani atu—e te le iloa le taimi o le a Ia manaomia ai oe e avea ma se agelu i se tasi.

O ni tala nei se lua a ni tagata o e na faia tonu lava lena mea:

OLE PEP I LE PAKA

Saunia e Fátima Rocha Gutiérrez

Sa matou o i le.tifaga ma ni sau uo mai le ekalesia. Ina ua matou ulu atu i le faletele, sa tuuina mai ia i matou se pepa mo le paka o taavale. Ina ua uma le.tifaga, na matou iloaina ua leiloa le pepa o le paka o taavale. I le taimi muamua

na matou manatu e mafai lava ona matou totogi mo le pepa, ae e leai se tasi o i matou sa i ai se 180 peso na manaomia mo le sala.

O le taunuuga o le le totogiina o le paka o le tuu lea o le taavale i le faletele mo le tosaina, lea o le a sili atu ona taugata. Sa faanoanoa uma au uo, ae maise lava le tagata na aveina le taavale ona o le taavale a lona tama. Sa ou laa ese e fai se tatalo. Sa ou ole atu i le Tama Faalelagi ma lo'u faatuatua ma le lotomaualalo e tuuina mai ia i matou se auala e foia ai lo matou faafitauli ma toe foi saogalemu i o tatou aiga. O le a le galu lava ia te au le mea na tupu i ni na'o ni nai sekone talu ona uma la'u tatalo.

A o ou savali agai atu i le taavale, o se tagata sa i o'u tua na amata ona valaau mai lo'u igoa.

O Francisco, o se uo mai le aoga maualuga. Sa ia fesili mai po o le a lau mea o loo fai, ma sa ou tau atu ia te ia le mea na tupu. E aunoa ma le faatuai, na ia aumai i fafo lana atotupe ma tuu mai ia te au se tupe na lava ai le totogi o le pepa na leiloa. O lenei faatinoga o le agalelei o se tali vave i au talosaga i le Tama Faalelagi.

Atonu e le iloa e Francisco le tele o lana fesoasoani, ae ou te iloa o le a ou matuai faafetai lava mo ia i lo'u olaga atoa.

O nisi taimi e ofoofogia auala e tali mai ai le Tama Faalelagi ia tatou tatalo, ae e leai ni mea e tupu fua. O lo tatou Tama Faalelagi ma Iesu Keriso e silafia lelei lava i tatou ma e faagaoioia filo o o tatou olaga.

Ou te iloa afai tatou te ola amiontu, tatou te fiafia i faamanuiaga



e le mafaitaulia, e mafai ona tuuina mai e le Tama Faalelagi ia i tatou, e aofia ai Lana folafolaga ia i tatou, "afai [tatou] te faia nei mea, o le a sii ae i [tatou] i luga i le aso gataaga" (Alema 37:37). ■

E alala le tusitala i Baja Kalefonia, ISA.

O SE TELEFONI I LE TAIMI SAO

Saunia e Chen Ching Chuan

I lou tuputupu ae, ou te le'i tali-tonu sa i ai se Atua. Sa tumu lo'u olaga i faigata ma i o'u aso sili ona pogisa sa ou matuai faanoanoa lava ma sa ou manao e fauma lo'u ola. O le taimi lena na tuitui mai ai faifeautalai i lou faitotoa. O le talalelei o le mea tonu lava lea na ou manaomia; sa ou tosina atu i ai e pei o se maneta.

O o'u tofotofoga e le i uma ai ina ua ou auai i le Ekalesia, ae sa ou i ai i se tulaga sili atu ona lelei e tetee atu ai i le uunaiga a le fili. Mo le taimi muamua, sa ou iloaina pe na faapei le lagona o le fiafia.

Ae ui i lea, o le faanoanoa e lei faamamuluina gofie au. I se tasi taimi sa ou toe lagonaina le fiu. I le taimi lena, o Sister Ting, le faletua o le epikopo, na valaau mai. Sa ia fai mai sa ia maua se lagona e tatau ona ia valaau mai ia te au. Sa fesili mai pe o faapefea mai au. Sa ou sasaa atu o'u mafatiaga ia te ia. Ia te au, o ia o se agelu na auina mai e le Atua.

O lena mea na tupu na faamanaina ai au. Na faamalosia lo'u faatuatua. Sa ou lagonaina e pei ua mafai ona ou faatoilaloina le otu. Sa ou lagonaina le laveaiina, e pei ona ta'u mai i le Alema 36:2-3:

"Sa i ai i latou i le pologa, ma sa leai se tasi sa mafai ona laveaiina i latou vagana ai . . . le Atua. . . .

" . . . O ai lava e tuu atu lo latou faalagolago i le Atua e lagolagoina i o latou tofotofoga, ma o latou faalavelave, ma o latou puapuaga, ma o le a sii ae i latou i luga i le aso gataaga."

Sa i ai pea ou tofotofoga, ae o le a lē faigofie ona faatoilaloina au. Ua lagolagoina a'u e le Atua i o'u

tofotofoga uma ma popolega. Ua Ia faasaoina au mai le falepuipui ma le pologa faaleagaga, e oo lava i le otu. O Ia o lou Faaola. ■

E alala le tusitala i Taiuani.



E LEOLEO I TATOU E LE ATUA

"E silafia i tatou e le Atua, ma na te leoleo ia te i tatou. Ae e masani lava ona ia faataunu o tatou manaoga e ala mai i se isi tagata. O le mea lea, e taua tele lo tatou auauna atu o le tasi i le isi i le malo."

Peresitene Spencer W. Kimball (1895-1985), Aoaoga a Peresitene o le Ekalesia: Spencer W. Kimball (2006), 82.

OLAUTUSI OLE OLA

O le a le mea o le a e tuu i oai?

O aso taitasi e aumaia ai se itulau fou e tusi ai i luga. Ola ina ia fai mai itulau uma, "Ou te fiafia sa ou faia" ae le "maimau pe ana ou faia."
(Tagai L. Tom Perry, "O le Aualae Faatumu ai Lau Tusi o le Ola," Liahona, 2014 Febr., 61.)



Kenese 1:26-27

O le a le uiga o le faia i le faatusa o le Atua?



O LE FAATUSA O LE ATUA

“O le ava i se mana e sili atu le maualuga atu nai lo le tagata lava ia e le faatauvaaaina ai o ia: ae, e faaeaina ai. Afai tatou te malamalama ua foaoaina i tatou i le faatusa o le Atua, o le a le faigata ia i tatou ona faalatalata atu ia te Ia. . . . O lenei malamalama, e maua i le faatuatua, o le a aumaia le mapusaga i le loto ma le filemu loloto.”

Peresitene Thomas S. Monson, “O le Moli o le Ava a le Alii,” *Liahona*, Ian. 1991, 104–108.

INA TATOU

O lenei numera tele e foliga mai o le Atua o loo talanoa atu i se isi tagata—aua o loo Ia faia. Na aoao mai Iosefa Samita, “I le amataga, na valaauna e le taitai o Atua se aufono a Atua; ma na latou o mai faatasi ma faia [saunia] se fuafuaga e foaoaina le lalolagi ma faatagataina” (*History of the Church*, 6:308). O lenei aufono na aofia ai le Alii o Iesu Keriso ma isi tagata (tagai i le Mose 2:26–27; Aperaamo 4:26–27).

I LO TATOU FAATUSA

“O le Atua lava Ia na avea o ia e pei o i tatou nei, ma o se tagata faaeaina,

ma o loo nofotupu o ia i le lag! O le mealilo sili lea. Afai e tatalaina le veli i le aso . . . afai e mafai ona e vaai ia te Ia i le aso, o le a e vaai ia te Ia e foliga i se tagata—e pei o oe lava i le tino, foliga, ma le fausaga o se tagata lava.”

Aoaoga a Peresitene o le Ekalesia: Iosefa Samita (2007), 44.

26 Ona fetalai ane lea o le Atua, Ina tatou faia ia o le tagata i lo tatou faatusa, ia foliga ia i tatou ; ia pule foi i latou i i'a i le sami, ma manu felelei, ma manu vaefa, ma le lauelelel uma, atoa ma mea fetolofi uma e fetolofi i le eleele. Ona faia lea e le Atua o le tagata i lona faatusa, o le faatusa o le Atua na ia faia ai o ia : na faia e ia o i laua o le tane ma le fafine.

“O le tagata o le atalii o le Atua, na faia i le faatusa paia ma faaeeina i ai uiga paia, e oo lava i se atalii pepe o se tama ma se tina faalelalolagi e mafai lava ona oo atu i le taimi e avea ai ma se tama, e faapena le atalii e lei matua o matua faaselesitila ona mafai, e ala i aafiaga i tausaga ma olaga, o le faagasologa i le avea ma se Atua.”

O Le Au peresitene Sili, “The Origin of Man,” *Improvement Era*, Nov. 1909, 78; *Ensign*, Feb. 2002, 30.

PULE

“O le lalolagi ma mea uma o i ai e tatau ona faaaogaina talafeagai e lagolago ai le aiga o tagata. Ae peitai, o tagata uma o tausimea—e le ona mea—i luga o lenei lalolagi ma lona matagofie ma o le a tali atu i luma o le Atua mo mea na latou faia i Ana foafoaga.”

“Environmental Stewardship and Conservation,” mormonnewsroom.org; tagai foi i le Mataupu Faavae ma Feagaiga 104:13–15.

TANE MA LE FAFINE

“O alii ma tamaitai uma ua faia i le faatusa o le Tama ma le Tina o le lalolagi ma o atalii ma afafine moni lava o le Atua.”

O Le Au peresitene Sili, “The Origin of Man,” *Improvement Era*, Nov. 1909, 78; *Ensign*, Feb. 2002, 29.

“O le tulaga tane po o le fafine o le tagata o se vaega taua lea o le muai olaga, olaga faitino, ma le faasinomaga e faavavau ma le faamoemoega.”

“O le Aiga: O se Folafolaga i le Lalolagi,” *Liahona*, Nov. 2010, 129.

Faamatatalaga a le jaatonu: O lenei itulau e le o se faamalamalamaga atoa o mau na filifilia ae ua na o se amataga mo au lava suesuega.

OLAUSAILIGA



UPUMONI

Sa aoaoina pea au sa leai se mea e faapea o se Atua,
ae sa ou filifili e saili mo au lava ia.

Saunia e Peng Hua

le ola ae ai i se atunu Asia e malosi ma le lē lolotu, sa ia te au lava i taimi uma se naunautaiga tele e avea ma se tagata faamanuiaina, ae ou te lei maua lava ni mataupu faavae e faavavau po o upumoni e taialaina au. I lo'u atunu, o le "manuia" o lona uiga o le mauoa ma le tautaua.

Na aoaoina pea au e o'u matua sa leai se mea faapea o se Atua. Mo i laua, o mea tau lotu po o le Atua o se vaega faavalevalea e mo na o tagata vaivai. Mo se taimi umi lava na ou manatu ai ia te au lava o se tagata e le talitonu i se atua. Na latou aoaoina au e le tatau ona ou talitonuina se tasi ae na o au lava ia. O lea la mai lou laitiiti sa ou faaagaina o'u faanaunauga maualuluga e avea ma ou uunaiga ina ia suesue ma matuai galue malosi lava.

Sa i ai i o'u matua faamoemoega maualuluga mo au. Sa la mananao ia te au e tumau le maualuluga o o'u tog i taimi uma. Sa ou faanoanoa i le vaaia o o la foliga le fafia po o le faalogo o la finau le tasi i le isi, pe a leaga ou tog. Faatasi ai ma a'u meaaoga masani, sa tatau ona ou faia foi ni meaaoga faaopoopo i le faaiuga o le vaiaso, ina ia mafai ona ou tumau i le averesi o le A.

E tusa lava pe ua ou ausiaina ni sini sa ou faatuina, sa ou lagona lava sa i ai se mea e sili atu o loo teuina mo lo'u olaga. I le taele o lo'u loto, na ou iloaina e mautinoa lava e tatau ona i ai se mea e sili atu o i ai.

I se tasi aso na ou filifili ai o le a ou saili mo a'u lava ia pe sa i ai moni lava se Atua. Afai o soifua o Ia, ou te fia iloa po o le a se mea e finagalo ai o Ia ia te au po o mea tau lotu ua na o se vaega faavalevalea na foafaina e ala i manatunatuga o tagata soifua. Sa ou le fefe e maua se tasi o nei tali e lua. Sa na o lou manao lava i le mea moni.

I lena lava taimi e tasi, sa avea maua ma se uo mamae ma se tasi o la'u au pasiketipolo e igoa ia Taylor. I se tasi

taeo sa ou fesili atu ia te ia mo se avanoa e tietie atu ai i le aoga. Sa ia fai mai ioe, ae e tatau ona ou ala i luga mo se itula e vave ai ina ia o faatasi i le seminare ma ia. Na ou tali atu ma le musuā ioe, ma le le iloaina po o le a lena mea. Sa ou fafia i le seminare, e ui ina sili atu ona o se mea sa ou lagonaina nai lo mea na ou aoaoina.

Na vave lava ina ua mavae lena mea, na fai mai Taylor ma te o i le lotu faatasi ma ia. I le taimi muamua sa ou mafaufau o le lotu sa fai si le manaia ma e ese lava, ae na iu lava ina uunaia au i le lagona mafanafana ma le toafilemu na ou lagonaina i le sauniga.

Ae ui i lea, sa le faatalitonuina lava au o le lagona lelei sa i ai se sootaga ma le Atua. Na faapefea ona ou iloa e le o sau mai ia te au lava? Na faapefea ona ou iloa ou te lei faia au lava ina ia ou maua lagona faapena?

Ina ua mavae le tele o ni felafolafoa'iga i totonu, sa ou alu loa i le tina o Taylor i se sailiga o ni tali. Sa ia fai mai ia te au e mafai ona ou maua a'u tali e ala i le faitauina o tusitusiga paia ma tatalo e uiga i tali ia sa ou sailia. Sa ou tatalo e aunoa ma le mauaina o ni tali ma taumafai e usitai i tulafono ma poloaiga ia na ou aoaoina. Sa oo ina ou le fafia i le tele o taimi. Sa ou faamoemoe i se foliga vaaia ofoofogia ma le matautia o le Atua po o se ituiga o mea faavavega ina ia faamaonia o le Atua e moni. O le mea moni lava ia, sa ou manao i se molimau e le maluelue i lea lava taimi. O le mea moni, o le faatele ona ou tatalo, o le tele foi lea o le manino sa ou lagonaina i lo'u olaga. O le tele ona ou mulimuli i poloaiga, o le sili atu foi lea o le fafia sa ou oo i ai. O le tele o lou faitau i tusitusiga paia, o le tele foi lea o faaaliga na ou maua. Sa iu lava, ina faamalosia lau molimau, e pei o le oso i le taeao.

Sa manaomia mai ia te au le lua tausaga e filifili ai e papatois o se tagata o Le Ekalesia a Iesu Keriso o le Au Paia o Aso



E MAFAI ONA TATOU FILIFILI E TALITONU

“O le talitonu ma le molimau ma le faatuatua e le o ni mataupu faavae na ona tau ane ai. E le o se mea e tupu fua ia i tatou. O le talitonu o se mea tatou te filifilia—tatou te faamoe-moe i ai, tatou te galulue ia maua, ma e tatou te ositaulaga foi ia maua. O le a le faafuasei lava ona tatou talitonu i le Faaola ma Lana talalelei nai lo le faafuasei ona tatou tatalo pe totogi le sefuluai. Tatou te filifili ma le manino e talitonu, faapei lava ona tatou filifili e tausi isi poloaiga.”

Elder L. Whitney Clayton o le Au Peresitene o Fitugafulu,
“Filifili e Talitonu,” *Liahona*, Me 2015, 38.

e Gata Ai. E ui ina sa ou ola i le tele o tulaga faatonuina o le amio lelei ma mataupu faavae i le taimi muamua, e mafai ona ou faapea atu nei ua ou iloa le upumoni e faavavau ma le ttau: o loo soifua le Atua. O Iesu o le Keriso, Lo Tatou Faaola ma le Togiola. Ua matale le lagi. O se perofeta a le Atua ua savalia le lalolagi i aso nei. O le Togiola a Iesu Keriso e moni. E faamagalo moni lava e le Atua tagata agasala uma ua salamo. Atonu ou te le atamai pe faamanuiaina e pei o isi tagata, ae o le malamalamua ua ou mauaina e le mafaatauina. ■

E alala le tusitala i Kaledonia, ISA.





O Alii MA TAMAITAI TALAVOU OFOOFOGIA I TUSITUSIGA PAIA

E mafai ona outou aoao mai ma mulimuli i faataitaiga o le autalavou amiontonu e toatele ua faasaoina a latou tala i tusitusiga paia.

Saunia e Gisela Guthier

E alofa le Alii i le autalavou a le Ekalesia. E tele Lona talitono nuina o oe. I soo se tausaga, ua musuia e le Alii ni alii ma ni tamaitai talavou totoa e taitai ma faamanuiaina Lona nuu. E manaomia e Ia lo latou sogasoga, lototele, ma lo latou amata mea. E i ai lava i taimi uma ma o le a faaauau pea ona faapea.

O faataitaiga e tele o toa talavou e pei o se filo auro umi i tusitusiga paia. E ui lava sa latou ola i aso la ua leva, e mafai ona outou mulimuli i a latou faataitaiga ma fesoontai i o latou olaga. Sa i ai o latou faafitauali faaleaiga; sa latou ola faatasi ma tagata amioletonu; na latou feagai ma ni “Koliata,” ae o lo latou lototele, usiusitai, ma le faatuatua ia Iesu Keriso e ala i o latou luitau—e pei lava ona faia e nei uiga mo oe foi.

Aperaamo

Sa ofoofogia le naunautaiga o Aperaamo, lototele, ma le naunautai e sii ae lona leo e faasagatau i le amioleaga—e sili atu ona maoae i le mafaufau atu o lona tama e tapuai i tupua. A o talavou, sa ia tu malosi ai mo le amiontonu, lea na toetoe lava a fasiotia ai o se tau-laga. Tagai Aperaamo 1:2–7.)

Iosefa i Aikupito

Sa 17 ona tausaga ina ua faatau atu o ia e ona uso matutua i le nofo pologa, ae faatasi ai ma faamanuiaga a le Alii, sa mafai ona faia e Iosefa se mea lelei mai lenei tulaga faigata. Sa le'i faatoilaloina o ia, aua na te lei fiu lava. Sa faifai pea lona faalagolago i le Alii. Na faaalia le lototele naua o Iosefa lava ia i le ala mamalu sa ia faamagaloina ai i amioletonu sa faia ia te ia. (Tagai Kenese 37; 45.)

Tavita


A o talavou Tavita sa avea ma se oleleo mamoe, ma sa ia tau faasaga i se urosa ma se leona e puipui ai mamoe a lona tama. O lona lototele faaletagata lava ia e lei maua mai i ona tomai faaleoleo mamoe; sa maua mai i lona faatuatua i le Tama Faalelagi, e pei ona faaalia i lana ttau ma Koliata. (Tagai 1 Samuelu 17:32–54.)

Eseta

Sa i ai lona naunautaiga e tuu lona ola i se tulaga lamatia ina ia mafai ona laveai lona nuu. E le ona o le lalelei o Eseta ae o ona uiga faaleagaga na avea ai o ia o se tagata maoae. (Tagai Eseta 4–5.)

Tanielu

Na ia usiusitai i le tulafono a le Alii o le soifua maloloina e ui lava e lei faia e isi na latou faatasi.



Sa ia tatalo, e ui lava o le tatalo i le Tama Faalelagi na faasagatau i poloaiga a le tupu. Ona o lona amiotonu ma le faamaoni i musumusuga a le Agaga, sa faamanuina Tanielu e le Alii i le meaalofa o le faamatalaina o miti ma faaliga. Sa ia maua le mana ma le poto mai le Tama Faalelagi, ma i taimi fai-gata, o mana o le lagi sa ia maua-inia. (Tagai Tanielu 1; 6.)

Nifae

O Nifae o se faataitaiga ofoofo-gia ina ua ia saunoa mai, “O le a ou alu ma fai mea ua poloaiina e le Alii” (1 Nifae 3:7). Sa i ai ia te ia le lototele e fai le mea na faatonu-inia o ia e fai. Faamata na ia ola i se fale lelei? Leai sa nofo o ia i le vao mo le tele o tausaga. Pe sa lelei mea uma mo ia? E leai, sa masani lava ona feitai ia te ia ona uso ma o nisi taimi sa taumafai e fasioti ia te ia. I nei mea uma, na ia usiusitai i poloaiga a le Alii.

O Alii Talavou e Lua Afe a Amona

O nei alii talavou na tausia e ni matua faamaoni, ma o lo latou faatua-tua i upu a o latou tina na faamanuina ai i latou. Sa latou aoao e faalogo ma usiusitai ma le atoatoa, ma i la latou taua latou te lei masalosalo o le a puipua i latou e lo latou Tama oi le Lagi. (Tagai Alema 56:45–48.)

Mamona

Ina ua 15 ona tausaga, na asiati atu ia te ia le Alii ona o lona lotomaualalo, mama, ma le mama aiai, e ui lava i le eleelea o tagata na siomia o ia. I le 15 foi o ona tausaga, na avea ai Mamona ma se taitai o le autau. Mulimuli ane, sa tuuina atu ia te ia le tausiga o tusi-tusiga paia. (Tagai Mamona 1–2.)

Iosefa Samita

I le 14 o ona tausaga, sa ia suesue i tusitusiga paia ma tatalo ina ia iloa po o le fea ekalesia e auai. Na valaauna e le Alii o ia e toefuatai le talalelei ma le Ekalesia a Iesu Keriso. Na faapaiaina e

Iosefa lona olaga atoa i le faataunuina o lena tofiga, e ui i le tele o faafitauli ma faigata. I le 17 o tausaga na faa-ali mai ai le agelu o Moronae, lea na faaalia ia te ia papatusi auro. E oo lava i se tausaga talavou, o Iosefa Samita o se faiaoga mamana ma se faataitaiga maoae ia i latou o siomia ai o ia. (Tagai Iosefa Samita—Talafaasolopito 1.)

O Lou Aso

Pe ua uma aso o alii ma tamai-tai talavou ofoofogia? Leai! Sa ta‘u atu e le agelu o Moronae ia Iosefa Samita o le valoaga a Ioelu o le a faataunuina lava:

“Ou te le [Alii] o le a sasaa atu lo‘u agaga i luga o tagata uma; ma te vavalou atu lou atalii ma ou afafine, outou tagata tuai miti foi, o lo outou alii talavou e iloa o faaliga:

“Ou te liligi ifo foi lou agaga i auauna ma auauna fafine” (Ioelu 2:28–29; tagai Iosefa Samita—Talafaasolopito 1:41). ■

*O le tusitala, o se faiaoga seminare,
sa alala i Siamani ma na maliu i le 2012.*

“Ina ua ma‘i lo‘u tina, sa matou anapopogi ma tatalo mo ia, ae na maliu lava o ia. E mafai faapefea ona ou maua le filemu i lena mea?”

O se taimi faanoanoa lenei i lou olaga. O se tulaga masani le manao ia maua le faamautinoaga ma ni tali i au fesili e tele: “Aisea na le ola ai o ia? Pe ou te toe vaai ia te ia? E faapefea ona mafai ona ou ola pea e aunoa ma ia?”

Ua ofoina mai e le talalelei a Iesu Keriso le faamafanafanaga ma tali. Na folafola mai le Alii, “Amuia i latou uma o e e faanoanoa, aua o le a faamafanafanaina i latou.” (3 Nifae 12:4). Saili le Agaga Paia, ona o Ia o Le e Faamafanafana.

E te mafaufau pe na lagona mai au tatalo. Ia mautinoa: O le Tama Faalelagi e faafogaga mai pea i a tatou tatalo. O tusitusiga paia ma perofeta soifua ua folafola mai ia i tatou e moni nei mea. O le fetalaiga a le Alii ia Iosefa Samita e faatatau foi ia te oe: “Ua oo mai i o‘u taliga au tatalo ma tatalo a ou uso” (MF&F 90:1). Ae e tatau ona tatou manatua e tali mai le Tama Faalelagi ia tatou tatalo i se vaaiga e faavavau i le mafaufau (tagai i le Isaia 55:8–9). O le mafuaaga lena tatou te mulimuli ai i le faataitaiga a le Faaola o le ole atu mo faamanuiaga ona ole atu lea ma le faamaoni mo le finagalo o le Tama ina ia faia (tagai i le Luka 22:42).

E ui lava e faigata, e mafai e lenei tofotofoga ona avea ma se taimi o le tuputupu ae mo oe. E mafai ona e aoao e faatuatua i le finagalo o le Atua, e tusa lava pe o lona uiga e lei faamaloloina lou tina. O le mea moni na e manao ia ola o ia. Ae o le suega o lenei olaga faaletino o le faalagolago i le Atua i taimi uma—ae maise lava pe a faigata. Afai e te faalagolago ia te Ia, “e galulue faatasi mea uma mo lo outou lelei” (MF&F 90:24).

O le Oti o se Vaega o le Fuafuaga
E tusa ai ma le fuafuaga o le fiafia a lo tatou Tama Faalelagi mo i tatou, o lo tatou toe foi atu i Lona afioaga e faavae i luga o le oti ma le toetu, lea o le a fesoasoani ia i tatou e suia ai mai lenei tulaga faaletino i se tulaga faavavau. E tau lava o lou taliaina o le mea moni o le oti o se vaega o le fuafuaga ma talitonu o le a i ai se aso o le a mafai ai ona e toe faatasi ma lou tina ua maliu. Ia iloa o lou tina o loo i le lalolagi o agaga ma o loo ia faatalitali mai mo oe.

David M., 18 tausaga, Western Kasai, Democratic Republic o Congo

O loo i ai o ia i le Lalolagi o Agaga
O lo‘u tina na ma‘i i le kanesa i le lua tausaga talu ai. Ou te lei fiafia e vaai atu i lona tiga, ma sa ou moo-moo maimau pe ana mafai ona ou fesoasoani. Ma e ui lava ina amata ona manuia lo‘u tina, sa avea o se aafiaga faigata. Ua i ai lou tina i se nofoaga lea o le a ia le lagonaina ai le tiga po o le mafatia. E faigata le le toe vaai ia te ia, ae e le o tuua na o oe. O le a ia alofa pea ia te oe, ma o lo tatou Tama Faalelagi o le a i ai pea iina e siitia ai oe pe a e faanoanoa. O le a le lafoaia lava oe. Sa puapuaga Iesu Keriso mo tiga o le lalolagi; Na te silafia ou lagona ma mea o loo tutupu ia te oe. Fai e pei ona ou faia i taimi o tofotofoga: alu atu ia te Ia ma o le a Ia faamamaina au avega.

Shiloh W., 18 tausaga, Chihuahua, Mekisiko





SA E FAIA MEA UMA E TE MAFIA

"I le faamaloloina
o e mamai, ua
manino lana [le

Alii] fetalaiga: 'Ma o lenei foi, o le
a oo mai e faamaloloina o ia o lè
ua e faatuatua mai ia te a'u, ma ua
le tofia e oti, o le a faamaloloina'
(MF&F 42:48; faaopoopo le faama-
mafa). O le tele o taimi, e sopoloa ai
la tatou vaai i le fasifuaiteau e i ai se
tuutuuga po o se tuaoi, 'ma e lei filifi-
lia ia oti'.... Aua nei aveesea o tatou
faamoemoe pe afai ua uma ona faia
tatalo faamaoni, ma faataunuina
foi faamanuiaga faaleperisitua, ma
ua foliga mai e leai lava se suiga
manuia e oo mai i e pele ia i tatou,
ma iu ai lava ina oti. la faalototete-
leina outou i le iloa sa outou faia
mea uma e mafai ona outou faia....
O aafiauga uma o le tatalo, anapogi,
ma le faatuatua, atonu e sili atu ona
aoga mo i tatou."

Elder Lance B. Wickman, o se Fitugafulu mai le
1994, i le 2010, "Ae Peitai a Le o Lea," *Liahona*,
Nov. 2002, 30-31.

O le a Toe Faatasia Lou Aiga

Na maliu lo'u tina ina ua faatoa 12
o'u tausaga. I le taimi lena e le o au
o se tagata o le Ekalesia. Ina ua ma'i
o ia, sa ou tatalo i le tele o taimi ina
ia toe manuia lo'u tina. Sa tele lou
faatuatua, ma sa ou faalagolago i le
Atua i le faamoemoe o le a toe atoatoa
lona soifua maloloina. O le mea
e faanoanoa ai sa lei toe manuia o ia.
Sa ou fesiligia pe aisea sa tatau ai ona
ia maliu ao talavou lava ma tuua ai au
a o ou talavou pea. Sa ou ita ma na
oo i le tulaga lea sa ou le talitonu ai
faapea sa i ai se Atua. O lea ua avea
nei au ma se tagata o le Ekalesia, sa
ou malamalamama i le fuafuaga o le
faaolataga. Ou te iloa o loo ia faatali-
tali mai mo a'u ma o le a toe faatasia
lo matou aiga.

Inaê L., 19 tausaga, Minas Gerais, Pasila

E Aoaoina i Tatou e Tofotofoga

O lo'u tina na maliu i le tolu tausaga
ua mavae. O la oulua sootaga ma lou
Tama Faalelagi ma le Faaola o le a
faatupulaia pe afai e te vaai atu ia te
i Laua i ou taimi faigata. O le a e iloa
ai o lenei tofotofoga, po o le a lava
le ogaoga, e mafai foi ona avea o se
faamanuiaga. Tatalo i lou Tama oi le
Lagi mo le filemu ma le faamautino-
aga. Faalagolago i le fuafuaga a le
Alii mo oe. Taliaina faapea o le Tama
Faalelagi e silafia le mea o loo tatou
i ai ma mea tatou te manaomia ina ia
oo ai iina. E alofa le Alii ia te oe ma e
finagalo ia e maua le olioli. O o tatou

luitau ua fuafuaina e aoaoina i tatou
ma faamalolosia ai i tatou.

Meghan B., 18 tausaga, Ontario, Kanata

O Le A e Toe Vaai la Te la

Na maliu le tina o lo'u tina ina ua 17
tausaga o lo'u tina. Na anapopogi le
aiga ma tatalo mo ia mo ni nai vaiaso
a o lei maliu o ia. Sa tuuina atu foi ia
te ia se faamanuiaga faaleperisitua.
O le mea autu na aumai ai le filemu i
lo'u tina o le iloa lea o le a mafai ona
ia toe vaai i lona tina i le olaga a sau.
O le sini a lo'u tina o le ola ai i lona
olaga, ina ia agavaa o ia mo lena
faamanuiaga. Ou te faanoanoa o le
a le mafai lava ona ou feiloai ia te ia
i lenei olaga atoa, ae ou te tulima-
tai atu i le taimi o le a ma feiloai ai
mulimuli.

Cari R., 15 tausaga, Iuta, ISA

FESILI O LE'A SOSOO MAI

"O nisi tagata ua tau
mai ia te au ou te
manaomia le i ai o ni
uo e le tutusa ma ou
tulaga faatonuina ina ia
mafai ona faamalosia ai
au. Pe moni lenei mea?"

Auina mai lau tali ma se ata pue sili ona
manino pea e manaomia ao lei oo i le aso 15 o
Novema, 2015 i le liahona.lds.org, poo le imeli
i leliahona@ldschurch.orgpe lafo mai i le meli
(tagai i le tuatusi i le itulau e 3).

O le faamatalaga ma le faatagaga o loo i lalo e tatau
ona aofia mai i lau i-meli po o le tusi: (1) igoa atoa,
(2) aso fanau, (3) uarota po o le paranesi, (4) siteki po
o le itu, (5) o lau faatagaga tusitusia, ma, afai e itiiti ifo
i le 18 ou tausaga, o le faatagaga tusitusia a ou matua
(e talia foi le imeli) e lolomiina ai lau tali ma lou ata.

E ono faapupuuina tali mo le uumi po o le manino.

O Se Filifiliga Manumalo

O lona avanoa lenei e taalo ai i le au manumalo—pe faapefea ona mafai ona ia fai atu e leai?

Saunia e Marissa Widdison

Mekasini a le Ekalesia
E faavae i se tala moni

“Ia manatua le aso sapati e tauis i lona paia” (Mosaea 13:16).

Na faanatinati atu Miranda i le faitotoa i luma, na faafetai ua sili le malu o lona fale nai lo le tau vevela o le taumafanafana i fafo. Sa afu tele o ia mai lana taaloga soka mulimuli o le vaitau ma na loto vaivai ona o le faiaina o le au Teal Turbos. E toe tupu foi.

Sa sau tina i totonu o le potu o loo siina mai se fagu vai ma se tagapepa o tipiga moli na totoe mai le taaloga. “Na lelei tele lau taalo. O le puipua o le tini o se galuega faigata.”

O Miranda *sa* taalo lelei—sa ia polokaina le tele o sikoa ma na kiki malosi atu nai lo le mea na masani ai. Ae o le toatele o isi teineiti o lana au e lei taaalo soka muamua lava, ma o le aso na faaaloaia ai: na faiaina uma a latou taaloga o lenei vaitau.

“Maimau lava pe ana mafai ona ou i ai i se au e manumalo mai lea taimi i lea taimi, a ea?” Na maligi ni nai loimata mai tulimanu o mata o Miranda ma palasi i luga o lona mitiafu lanu moana-lanu meamata. A o ia faamoeiiniina mau ona mata, sa tatagi le telefoni.

Na piki i luga e Tina le telefoni ma ina ua mavae sina taimi na fai mai, “E mo oe.”

“Talofa, Miranda? O Toma lea, le faiaoga o le Chili Kickers. Sa ou matamata i lau taaloga i le aso. E maoae lau taalo iina.”

Sa amata ona tatope le tata o le fatu o Miranda. O le Chili Kickers o le au soka sili ona lelei i le liki!

“O le matou au o le a alu i le suega siamupini o le risone i le masina a sau. Na matuai lelei lau taalo i le aso ma ou te manao e te sau ma i matou e avea ma se puipui tini faaleoleo.”

Na toeitiiti lava oso mai i fafo le fatu o Miranda mai lona fatafata. O lona avanoa lenei e taalo ai i se au e manumalo!

“Ou te fiafia e alu atu!” Le tala lea a Miranda. Na la talatalanoa mo ni nai minute e uiga i faamatalaga a o lei ia tuu i lalo le telefoni ma tamoe atu i le isi potu e ta'u atu ia Tina. Na la amata faatasi ona tusitusi aso o faataitaiga ma taaloga i luga o le kalena a le aiga.

Na faafuasei lava ona taofi e Tina le tusitusi, o lana peni na i luga ae o se tasi o faatafafafa o le kalena.





O LE ASO FIAFIA

Ua aoao mai i tatou e tusitusiga paia e tatau ona avea le Sapati o se aso fiafia (tagai i le Isaia 58:13). O a mea fiafia e mafai ona e faia i Aso Sa? O a nisi o auala matagofie, ma le fatufatua'i e mafai ona outou tapuai atu ai i le Tama Faalelagi?

“A-oi. Miranda, o nei taaloga e fai i le aso Sa. Lea, vaai.” Sa ia faasino atu i le faasologa o taaloga ma liliu atu ia Miranda ma ni foliga faanonou ma le popole. “O le a sou manatu i le mea e tatau ona ta faia?”

Sa tau pe le fatu o Miranda, ma sa ia ūina lona laugutu a o mafaufau o ia i ona avanoa. E mafai lava e Tina ona faataga o ia e taalo pe a ia fesili i ai, ae na ia mafaufau e uiga i le taaalo i le Aso Sa—ma aemaise lava le misia o le lotu—na ia mauaina se lagona le lelei i lona manava. Sa ia iloaina o le Aso Sa e mo le alu i le lotu ma tapuai atu i le Tama Faalelagi, ma e le mafai ona ia faia na mea a o taalo soka.

“Ou te manatu e tatau ona ou valaau atu ia te ia e ta‘u atu ia te ia e le mafai ona ou taalo,” le tala lea a Miranda. Sa ia taumafai malosi ina ia le tagi. E ui lava sa ia iloa o le filifiliga sa‘o, sa faigata ona tuua se mea sa matuai manao lava o ia i ai.

“Ma e te iloa lou manatu?” O le tala lea a tina, ma tuuina atu ia te ia se opo lapoa lava. “Ou te manatu o oe ose tamaitiiti maoae tele lava.”

O lena Aso Sa, a o nofo Miranda i le Peraimeri, sa ia mafaufau e uiga i le filifiliga lelei na ia faia. Sa ofo le fai-aoga ina ua valaau atu Miranda ma fai atu e le mafai ona ia taalo soka i Aso Sa. Sa ia [faiaoga] taumafai ina ia sua lona mafaufau, ae sa ia tumau i lana filifiliga. O lenei la, a o faalogologo atu i pese o le Peraimeri ma lesona, sa ataata Miranda. Na tau atu e le lagona toofilemu i lona loto ia te ia o loo i ai o ia i le nofoaga sa‘o. Sa ia faia se faaiuga o le manumalo lava. ■



O le a se mea e sili atu ona e fiafia i ai i le avea ai ma tagata o le Ekalesia?



Ou te fiafia i le taimi o le faamanatuga tatou te faaaogaina ai le areto ma le vai i le faamanatuina o lesu Keriso. O le falaoa e faamanatu mai ia i tatou Lona tino, ma e faamanatu mai e le vai ia i tatou Lona toto. Pe a tatou fetagofi atu i le faamanatuga, e mafai ona tatou moeiini o tatou mata ma mafaufau i mea uma sa faia e lesu mo i tatou.

Ava J., 9 tausaga, North Carolina, ISA



Ou te fiafia e alu i le Peraimeri ma le usuina o pese.

Hayden H., 5 tausaga, Iuta, ISA



Ou te fia aoao e uiga ia lesu Keriso, ma ou te fiafia e alu i le Peraimeri ma le faia o ni uo.

Catherine W., 7 tausaga, North Carolina, ISA



Ou te fiafia e aoao faapea o aiga e mafai ona faatasi e faavavau. (Renee)
E mafai ona ou maua ni uo, e mafai ona ou faitau i tusitusiga paia i aso uma, ma e mafai ona ou aoaoina le talalelei. (Ralph)

Renee ma Ralph E., e 9 ma le 10 tausaga, Metro Manila, Filipaina



Ou te fiafia i ai ou te maua ai le tele o uo fou ma e mafai ona ou aoao atu i au uo e le lolotu e uiga i le talalelei. Ou te mafai ona faalogo i konafesi aoao ma faalogo i le perofeta ma Apostolo o saunoa mai. O afiafi faaleaiga foi o se mea e matuai malie lava ona o nisi taimi matou te o ai mo se aisa kulimi. Mmm!

Savannah H., 12 tausaga, Uosigitone, ISA



Ou te fiafia pe a ou lagonaina le Agaga Paia. E tele ina ou mafai ona lagonaina le Agaga Paia a o faalogologo atu i lauga ma lesona. Ou te lagonaina foi pe a ou fesoasoani i isi.

Kaylee C., 7 tausaga, Virginia, ISA



O le mea e sili ona ou fiafia ai o le mafai lea ona tatou aoao ma taaaalo i le taimi e tasi, ma e mafai ona tatou aoao atili e uiga ia lesu Keriso. Ou te fiafia e aoao e uiga ia te la aua o la o lo'u Faaola. (Liz)

Ou te fiafia e aoao e uiga ia lesu, ma ou te iloa e alofa lesu ia i tatou. (Lalo)

Liz ma Lalo S., 8 ma le 6 tausaga, Kaledonia, ISA

O LE ISI FESILI


"A misa lo'u tina ma tama, ou te lagona le popole ma le faanoanoa. O Le a se Mea e Mafai Ona Ou Faia?"

E i ai ni au fautuaga e uiga i lenei mea? Auina mai lau tali ma le ata ae lei oo i le aso 31 o Oketopa, 2015. Sue lo matou tuatusi i le itulau e 3 po o le imeli i matou i le liahona@ldschurch.org. (Tuu le "Question Corner" i le laina o le autu.) la manatua e aofia ai le faatagaga a se matua!

O tali ua faamoemoe e mo se fesoasoani ma ni manatu ae e le o se faalaauiloaga o aoaoga faavae o le Ekalesia.

O LA TATOU ITULAU

TAMAITI



Tamaitai fafeautalai, saunia e Abril S., 9 tausaga, Mekisiko



Na papatisoina ni tama e toafa mai le uarota lava e tasi i Atenitina i le aso lava e tasi. O loo tu lo latou epikopo (ogatotonu) faatasi ma i latou.



OU TE FAAFETAI IA TE OE, LE ATUA

Ou te faafetai ia te Oe, le Atua, mo le malamalamala,
Aua e susulu i le ao ma le po.
Ou te faafetai ia te Oe, le Atua, mo laau,
Ua latou faafilemuina lena savili malosi.
Ou te faafetai ia te Oe, le Atua, mo le tele
o mea e le mafai ona ou faamatatalaina,
Ae ou te iloa i le loloto i le fatu na E foaoaina lo'u nei ola.
A o le atoatoa le matagofie o lou nei ola,
A o ou maua pea le ola, ua faamalieina a'u.

Nisha J., 10 tausaga, Ripapelika o Palau


Na maua e lo'u tuagane ma se uo faaleaiga o la valaauga o le misiona. Na matou tietie i le valu itula i le malumalu i Freiberg, Siamani, ina ia mafai ona maaua o la faaeega paia o le malumalu.

Na matou nonofo ai mo aso e lima ina ia mafai ona faia e lo'u aiga le tele o galuega o le malumalu. O loo i ai se falemautotogi mo aiga i le lotoa o le malumalu. O nisi o fanau ma au na fesoasoani i le teu fanua, ma sa ia tuuina mai ia i matou ni aisakulimi. Sa i ai le tele o mea malie.

Ou te tulimatai atu i le tausaga e sosoo ai pe a ou 12 ma o le a mafai ona ou faia papatisoga i le malumalu.

Alicka S., 11 tausaga, Solovakia

Peteru, Konelio, ma le Agelu



Saunia e Erin Sanderson

Ina ua mavae le toetu mai o Iesu ma toe foi atu i le lagi, na talai atu Peteru ma isi Apostolo i le tele o nofoaga, ae e na o tagata Iutaia.


O Konelio o se fitafita i le vaegaau a Roma. Sa talitonu o ia i le Atua, ae o ia e le o se tagata Iutaia. Na faaali mai ia te ia se agelu ma ta'u atu ia te ia e auina atu mo

Peteru. Na auina atu e Konelio ona tagata e saili ia Peteru, ma sa fai atu e le Agaga Paia ia Peteru e o faatasi ma i latou.

I le fale o Konelio, na aoaoina e Peteru le tele o tagata o e sa faapotopoto ai iina. Sa ia ta'u atu ia te i latou e uiga i le talalelei a Iesu Keriso, ma sa latou lagonaina le

Agaga Paia ma iloaina e moni. Ina ua iloa e uo a Peteru ua ia talai atu i tagata e le o ni tagata Iutaia, sa faateia i latou. Ae na ta'u atu e Peteru ia i latou sa ia aoaoina o le talalelei a Iesu Keriso e mo tagata uma. (Tagai i le Galuega 10:1–48; 11:1–18.) ■

E alala le tusitala i Iuta, ISA.



IA SAUNIA E FAASOA ATU

O se tasi o auala e avea ai ma se faifeautalai lelei o le taumafai ia avea atili e faapei o lesu. Oti ese pine ma faatumu ai se uiga e te manao e faataitai. Atonu e mafai ona e galue i le "Elder Agalelei" po o le "Sister Loto Faafetai." Tuu lau pine i se mea e mafai ona faamanatu atu ai lau sini.



Elder

Sister

Sister

Elder

TALANOAGA I LE AIGA

Faitau Mataio 28:19–20. Talanoa e uiga i le auala e mafai ona tatou faasoa atu ai le talalelei i tagata uma. Mafaufau i fesili e mafai e au uo po o tuaoi ona fai e uiga i le talalelei. E mafai ona e faataitaia i le fesili atu ma taliina fesili e ala i le faatinoina e lou aiga.

Pese: Filifili se pese e uiga i le galuega faafaifeautalai, e pei o le "Matou Te Aumaia Le Upu Moni I Le Lalolagi" (*Tusipese a Tamaiti*, 92).

Mau: Mataio 28:19–20

Vitio: Alu i le Biblevideos.org ma matamata "Peter's Revelation to Take the Gospel to the Gentiles."




MOTUGAAFA O TUSITUSIGA PAIA

E mafai ona tatou malamalama atili i tusitusiga paia pe a tatou faasoa atu mea o loo tatou aoaoina. Faitau se fuitau o mau faatasina ma lou aiga ma talanoa po o uiga o upu ma fasifuaite faigata, po o uiga o mau ia te oe, ma auala e faaaoga ai i lou olaga.

AOAO ATILI

A o lei valaauna Peteru e avea ma se soo, o ia o se faifaivana iloa ia Simona. Ua tuuina atu e lesu ia te ia le igoa o Peteru, o lona uiga o le "maa" po o le "papa." Ina ua tuua e lesu le lalolagi, o Peteru o le Apostolo sinia ma na taitaia le Ekalesia. Sa ia umia ki po o le pule, o le perisitua.



*Ua mavae le vaeluapo,
ae na iloa e Tate ua oo
i le taimi e talanoa ai.*

Mauaina o le Fesoasoani

Saunia e Kimberly Reid
E faavae i se tala moni

"Heav'nly Father, now I pray, guide and guard me ev'ry day" (Children's Songbook, 19).

Sa taotooto Tate ma mataala i le pogisa, ma tautaofoi ona loi-mata. Sa ia tatalo mo se fesoasoani, ae na foliga mai e pei o se ao uliuli mamafa o loo i ona luga, ma tapu-nia ai le Agaga.

"Ae faapefea pe a ou le faagaloina lava lena ata matautia o le TV" sa ia popole ai.

I ni nai aso talu ai, na vave uma lana meaaoga ma na ia kiina ai le TV. Ae na te lei faamoemoeina e vaai i se

mea *faapena* i luga o le lau. Sa faateia tele Tate na galo ai ona tape le televisie i le vave e pei ona sa tatau ona ia faia.

O se mea na tupu faafusei. Na te lei faamoemoe e matamata i se vaaiga faapena, ae o lenei ua le mafai ona galo ia te ia. O nisi taimi e oo mai i lona ulu i le ogatotonu o le aoga, i le laulau ai—e oo lava i le lotu. I taimi faapena, sa fafia o ia e le mafai e Tina ma Tama ona faitau lona mafaufau. Na aaooina Tate e ona matua e aua le vaai i ata o tagata e leai ni lavalava o faia. Sa ia iloa foi ua latou faamoemoeina o ia e aloese ai mai ata faatupu faalavelave o le TV, ata tifaga, ma taaloga vitio.

"O lea la ua ou iloa le mafuaaga," le memumemu a Tate ia te ia lava.

Na oso ese Tate mai le moega ma toe tootuli. O le a se mea e mafai ona ia faia?

"Le Tama Faalelagi," o le musu-musu lea a Tate. "Faamolemole fesoasoani mai ia te au e taofi le mafaufau i mea na ou vaaia." Sa ia soloiesea loimata na tumu ai ona mata ma faologologo. Na televave le tata o lona fatu. Sa ia manatu na ia lagonaina le Agaga Paia ua uunaia o ia, ae e le o le tali lea sa ia manao ai.

E tatau ona ia ta'u atu i ona matua.

"Aisea?" Sa mafaufau ai Tate. O le a ia lagonaina le pei o se pepe e alu i totonu o le potu a ona matua i le ogatotonu o le po. Ma ia *faamatala* ia i lau? Sa ia lagonaina le maasiasi ma toe ma'i ai.

Ona oo mai lea o se manatu manino i lona mafaufau: E finagalo le Tama Faalelagi ia te ia ina ia fafia. E finagalo le Tama faalelagi ia te ia ina ia toe lagona le Agaga, ina ia mafaufau e uiga i mea lelei, ma ia faamaoni i lona aiga. Ae maise lava sa finagalo o Ia ia Tate e avea ma se umia agavaa le Perisitua Arona, ina ua atoa lona 12 i ni nai masina. Na iloa e Tate, afai sa ia taofi mau i mea na ia vaaia ma tausia faalilolilo, o le a ia tumau i le le fafia i ai.

Na iloa e Tate sa ia manaomia se fesoasoani—ma sa ta'u atu e le Agaga Paia ia te ia le mea e maua ai.

Sa tilotilo atu Tate i le numera susulu o le uati faafuainumera i autafa o lona moega. Toeitiiti ta le 1:00 i le vaveao. Sa ia tu i luga ma agai atu i le alasavali pogisa e agai atu i le potu a ona matua. Ma le foloina ma le popole, sa ia tuitui ai i le la faitotoa.

"Tina? Tama?"

"Tate, o oe lena?" na faapea mai ai le leo fiamoe a Tina.

"O i ai se mea ua tupu?" o le fesili lea a Tama.

"Ioe," o le tala lea a Tate. "E mafai ona tatou talanoa? Ma atonu e mafai ona ou maua se faamanuiaga?"

Na ki e Tama le moli o lona moega ma valaaulia Tate i totonu. Mo le taimi muamua i le tele o aso, sa lagona ai e Tate le mafanafana, faamoemoe, ma le malamalamala. ■

E alala le tusitala i Iuta, ISA.



Auoi Leai! O Le A Nei La?

E mafai ona tupu i soo se mea—i le aiga, i le aoga, po o le fale o se uo. E faafuasei lava ona e vaai i se mea e te *iloa* e le lelei—i luga o se telefoni, TV, komepiuta, po o taaloga o masini, po o se tusi po o se mekasini. *O lenei* la o le a se mea e mafai ona e faia ina ia maua ai se lagona lelei?



Aua e te nofo ai lava iina. Matamata pe faitau i se mea lelei. Fai se mea e aoga. Fai se galuega lelei. Alu ina ia faatasi ma le aiga po o uo.

Manatua po o ai oe. E te le leaga ona o mea na e vaai i ai. O oe o se atalii o le Atua, ma e alofa o la ia te oe ma e finagalo e fesoasoani ia te oe ia saogalemu ma fafia.


Ia alu ese mai ai. Tape loa. Tuu i lalo. Taulimaina e pei o se mea oona mo lou faiai—aua o le mea sao lava lena.

Ta'u atu i lou tina po o lou tama. E sili atu le iloa lelei o oe e ou matua, ma latou te mananao e fesoasoani ia te oe ia saogalemu ma fafia. Aua le ma. O le mea na tupu ia te oe e tupu i nisi taimi e toetoe lava o tagata uma.



Faaauau le talanoa. E mafai ona fesoasoani ia te oe le ta'u atu i lou tina po o lou tama i soo se taimi e te vaai ai i le taimi o le aso na e maua ai se lagona le lelei. E mafai e matua ona fesoasoani ia te oe e fai se fuafuaga e puipuia oe lava mai le vaaia o mea e le talafeagai. Afai e te lagonaina le saisaitia, popole, po o lou toe manao e toe vaai i se mea e le talafeagai, ia mautinoa e tau atu foi ia te i laua e uiga i lena mea.

Ia faagalo. Vaai faalemafaufau ia te oe lava ia o lafoai ese se paluni ma mata-mata i ai ao opeopea ese atu. Taumafai e malolo ma ia tuu atu i mea sa e vaai i ai e faaopeopea ese atu mai lou mafaufau. O lenei la, vaai faalemafaufau i le malumalu, lou aiga, po o se isi mea e te fafia e vaai i ai.



O Maukeni a Paulo

Saunia e Ray Goldrup

E faavae i se tala moni



Sa fesoasoani Paulo ia Tama e toto se togalaau. Sa ia moomoo maimau pe ana i ai iinei lona uso o Eri e fesoasoani. Peitai sa mamao ese Eric i se misiona.

“O le a ou le matua lava e pei o Eric,” o le tala lea a Paulo. “E faapefea ona ou alu i se misiona e pei o ia?”

“Aua e te popole,” o le tala lea a Tama. “O le a e matua.”



Na tuu atu e Tama ni fatu maukeni ia Paulo. Na ia fesoasoani ia Paulo e totoina i latou.

“O nei fatu laiti o le a tutupu i ni maukeni lapopoa?” O le fesili lea a Paulo.

“Pe afai lea e te tausia lelei i latou,” o le tala lea a Tama.

E sau i fafo Paulo e vaavaai i le togalaau i aso uma. Sa ia faasūsūina, ma e lei umi ae amata ona oso ae ni tamai tatupu. Sa amata ona tetele laulaau. Sa veleeseina ma le faaeteete e Paulo ia vao.





E oo atu i le tautoulu ua matutua ana maukeni. Ma o ni maukeni tetele lanu moli! Sa uu mai e Paulo ia Tama e faaali atu ia te ia. "Na e tausia lelei au maukeni!" Fai mai ai tama. "Ioe! Ma o le a ou tausia lelei foi ia a'u, ina ia mafai foi ona ou matua." Sa ataata atu Paulo. "Ma a ou matua, o le a mafai ona ou alu i se misiona e pei lava o Eric!" ■

O Le Togā Maukeni

E fia maukeni na totoina e Paulo?

E mafai ona e mauaina isi mea o loo nanaina? ■



E Tasi ile Miliona

Māmā ma malosi

 $\text{♩} = 96\text{--}104$ Upu na tusia e Jan Pinborough
Musika na saunia e Michael F. Moody

mf

1. E mi - lio - na i ta - tou e ma -
ou a - o - a - o e,

lolo - si i a - so nei Ta - ua ta - mai - ti i le A - tua, Tu -
u - si u - si - tai Ma a - lo - fa i le A - li - i I
telese *a tempo*

lag a e - se u - ma. E tasi i le mili - o - na, Lo ta-tou Faa - tua - tua! E
u - pu ma ui - ga. E tasi i le mili - o - na, Lo - 'u faa - tua - tua! E

tasi i le mili - o - na, Sava - li i le a - la! E tu - la-ga ese a'u la - va -
tasi i le mili - o - na, sava - li i le a - la! E tu - la-ga ese a'u la - va -

1.
(*pati*) Ta - si la - va — Ta - tou fai le fina - ga - lo le Ta - ma. 2. Ua
Ta - si la - va — Fai

2.
le fi-na - ga - lo le Ta - ma mo a - u! la fai le fi - na - ga - lo le Ta - ma.
telese *rit.*

© 2010 saunia e Jan Pinborough ma Michael F. Moody. Ua taofia aia tatau uma.
E mafai ona kopiina lenei pese mo gaoioiga laiti e le saili tipe i le lotu po o le aiga.
E tatau ona i ai lenei faaaliga i kopi uma e fai.



Saunia e
Peresitene
Henry B. Eyring

Fesoasoani
Muamua i le Au
Peresitene Sili

O LE ALA I LE SAOGALEMU

O se tasi o auala tatou te iloa ai o se lapataiga e mai le Alii e faapea o le tulafono o molimau, ua faatagaina ai molimau, ua faamaoniaina.

Efoliga mai e leai se gataaga i manaooga o le Faaola e taitai atu ai i tatou i le saogalemu. Ma o loo i ai le faamaoni i le ala au Ia faaalia ai ia i tatou le ala. Na te valaauna e ala i auala e sili atu nai lo le auala e tasi ina ia oo atu ia i latou e naunau e taliaina. Ma o na auala e masani ona aofia ai le auina atu o le savali e ala i fofoga o Ana perofeta i soo se taimi lava e agavaa ai tagata ina maua perofeta a le Atua ia te i latou. O na auauna faamaonia ua tofaina i taimi uma e lapataia tagata, ma ta'u atu ia i latou le ala i le saogalemu.

A o faateleina le feteenaiga i matu o Misuri, ISA, i le tautoulu o le 1838, na valaaau atu le Perofeta o Iosefa Samita i le Au Paia uma e faapotopoto i Sisifo Mamao mo le puipuiga. O le toatele sa nonofo i faatoaga e mamao ese po o nuu e salalau solo. Sa ia fautua faapitoa atu lava ia Jacob Haun, na faavaeina se nuu laitiiti e taua o le Haun's Mill. O se faamaumauga o lena taimi e aofia ai le mea lenei: "Na auina atu e Uso Iosefa le upu e ala atu ia Haun, e ona le fale gaosi falaoamata,



e faailoa atu i uso o e sa nonofo ai iina e tuua loa ma o mai i Sisifo Mamao, ae o Mr. Haun na lē tuuina atu le savali" (Philo Dibble, i "Early Scenes in Church History," i *Four Faith Promoting Classics* [1968], 90). Mulimuli ane, na tusia ai e le Perofeta o Iosefa i lana talafaasolopito: "E oo mai i lenei aso na tuuina mai e le Atua le poto ia te au e laveai ai tagata na taliaina fautuaga. E leai lava se tasi na fasiotia [sa usitaia] la'u fautuaga" (*History of the Church*, 5:137). Ona tusia lea e le Perofeta le upumoni faanoanoa lea semanu e faasaoina ai ola o tagata mama i Haun's Mill pe ana faapea e maua lana fautuaga ma mulimuli i ai.

I o tatou taimi, ua uma ona lapataia i tatou i fautuaga o le mea e maua ai le saogalemu mai le agasala ma le

faanoanoa. O se tasi o ki o le iloaina o na lapataiga e faapea e toe tuuina mai. Mo se faataitaiga, e sili atu nai lo le faatasi i nei konafesi aoao, ua outou faalogo i lo tatou perofeta o faapea mai o le a ia sii mai se saunoaga a se perofeta na muamua atu, ma o le mea lea o le a avea ai o ia ma molimau lona lua ma o nisi taimi e oo lava i le lona tolu. . . . Na tusia e le Aposetolo o Paulo, "e mautu upu uma i le mau a le toalua po o le toatolu (2 Korinito 13:1). O se tasi o auala e mafai ona tatou iloa ai o le lapataiga e mai le Alii e faapea o le tulafono o molimau, molimau ua faatagaina, ua faamaoniaina. Pe a foliga mai e tautu i upu a perofeta, e tatau ona taulai la tatou gauai atu ma le faatuumulia o o tatou loto i le agaga faafeatai e ola ai i se taimi faamanuiaina. . . .

E alofa lo tatou Tama Faalelagi ia i tatou. Na ia auina mai Lona Alo Pele e Toatas i avea ma o tatou Faaola. Sa ia silafia o le olaga nei o le a tatou i ai i se tulaga matautia tele, o le vaega au-pito sili ona leaga o le faaosoosoga lea e se fili matautia. O se tasi lea o mafuaga ua saunia ai e le Faaola ki o le perisitua ina ia mafai ai e i latou e i ai taliga e faalogo ai ma le faatuatua ona usitai ma o i nofoaga saogalemu. ■

Mai le "Mauaina o le Saogalemu i Fautuaga," Liahona, Iulai 1997, 28–31.

MALAMALAMAAGA



E faafia ona tatou fai atu ni upu agalelei i le tasi i le isi?

"Atonu tatou te suesueina i tatou lava i le faia o ni nai fesili. . . . 1. O le a le taimi mulimuli na ou faamalo faamaoni ai i la'u soa, a le na o ia po o i luma o le maua fanau? 2. O le a le taimi mulimuli sa ou faafetai atu ai, faailoa atu le alofa, pe aioi atu faamaoni mo ia i le tatalo? 3. O le a le taimi mulimuli sa ou taofia ai au mai le fai atu o se upu ou te iloa e ono faatiga? 4. O le a le taimi mulimuli sa ou faatoese atu ai ma aioi ma le faamaulalo mo se faamagaloga—e aunoa ma le faaopoopo atu o upu "ae pe ana e" po o le "ae pe ana e le"? 5. O le a le taimi mulimuli sa ou filifili ai ia fiafia nai lo le pulunaunau ia 'sa'o"?

Linda K. Burton, Peresitene Aoao o Le Aualofa, "O le Tatou o A'e Faatasi i Luga," *Liahona*, Me 2015, 31.

E I AI Foi i le Lomiga Lenei

MO TALAVOU MATUTUA

OLA MA LE **Manatu Moni I AI**


O le malamalama i le "aisea" o au filifiliga o le a fesoasoani e te faia ai le mea sa'o mo mafuaaga sao. Aoao e ola i se olaga faamoemoeina!

i.44



MO LE AUTALAVOU

i.62



AUTALAVOU OFOOFOGIA I TUSITUSIGA PAIA

O taua sa feagai ma le autalavou i tusitusiga paia sa ese mai ia outou taua, ae e mafai lava ona outou muli-muli i a latou faataitaiga o le lototele, faatuatua, ma le usiusitai i le faatoilaloina o o outou lava luitau.

MO TAMAITI

Mauaina o le Fesoasoani

Sa le mafai ona taofia e Tate le mafaufau e uiga i le mea na ia vaai i ai i le Televise, o lea na ia tatalo ai i le Tama Faalelagi ia iloa le mea e fai.

i.72

